

ՀՀ ԳԱԱ Հ. ԱԺԱՌՅԱՆԻ ԱՆՎԱՆ ԼԵԶՎԻ ԻՆՍՏԻՏՈՒՏ

ԵՐԻՏԱՍԱՐԴ ԼԵԶՎԱԲԱՆՆԵՐԻ  
ՀԱՆՐԱՊԵՏԱԿԱՆ Խ ԳԻՏԱԺՈՂՈՎԻ  
ԶԵԿՈՒՑՈՒՄՆԵՐ

ԵՐԵՎԱՆ - 2014



ՀՀ ԳԱԱ Հ. ԱՃԱՌՅԱՆԻ ԱՆՎԱՆ ԼԵԶՎԻ ԲՆԱՏԻՏՈՒՏ

Երիտասարդ լեզվաբանների  
հանրապետական IV գիտաժողովի գեկուցումներ  
(Երևան, 2014 թ., հոկտեմբերի 1-2)



Երևան  
Ասուղիկ  
2014

Young Linguists' IV Republican Conference Reports

(Yerevan, 2014, October 1-2)

ИНСТИТУТ ЯЗЫКА ИМ. Р. АЧАРЯНА НАН РА

Доклады IV республиканской научной конференции  
молодых лингвистов  
(Ереван, 2014 г., 1-2 октября)

Տպագրվում է ՀՀ ԳԱԱ Հ. Աճառյանի անվան լեզվի  
ինստիտուտի գիտական խորհրդի որոշմամբ

Երիտասարդ լեզվաբանների հանրապետական ԿՎ գիտաժողովի  
Ե 859 գեկուցումներ(Երևան, 2014 թ., հոկտեմբերի 1-2)/ ՀՀ ԳԱԱ Հ. Աճառյանի  
անվան լեզվի ինստիտուտ.- Եր.: Ասողիկ, 2014.-128 էջ:

Խմբագրական խորհուրդ՝

Բ.Գ.Թ. դոց. Վ. Կատվալյան (նախազահ),

Բ.Գ.Դ. Ռ. Թոխմախյան,

Բ.Գ.Դ., պրոֆ. Գ. Խաչատրյան,

Բ.Գ.Դ., պրոֆ. Վ. Համբարձումյան,

Բ.Գ.Դ., պրոֆ. Լ. Հովհաննիսյան,

Բ.Գ.Դ., պրոֆ. Լ. Հովսեփյան,

Բ.Գ.Թ. Ն. Հովհաննիսյան,

Բ.Գ.Թ. Ժ. Միքայելյան,

Բ.Գ.Թ. Ն. Սարգսյան,

Բ.Գ.Թ. Տ. Սիրունյան:

# ԲՈՎԱՆԴԱԿՈՒԹՅՈՒՆ

Աբրոյան Հերմինե, Առկայական տրոհման միջոցները արևմտահայերենում.....	5
Թաղեռոյան Հասմիկ, Աշխարհաբարի հոլովական առանձնահատկությունների դրսորումը ուշ միջնադարի բժշկաբաններում (Ասար և Բունիաթ Սեբաստացիներ).....	16
Հովհաննիսյան Մերի, Լեզվի հարցերը Տերյանի հոդվածներում և նամակներում.....	30
Մկրտչյան Գարիկ, Առկայացման քերականական կարգի առանձնահատկությունները միջին հայերենում և Մշո բարբառում .....	38
Մուրադյան Լուսինե, Կցականության, թերականության և անջատականության արտահայտությունը հայերենի, ոուսերենի և անգլերենի անցյալ անկատար ժամանակաձևերում.....	47
Սարգսյան Մերի, Ավելորդաբանություններ Երևանի խոսակցական լեզվում.....	56

## Հաղորդումներ

Ղամոյան Լուսինե, Երևանի լեզվի արդի վիճակը.....	62
Մելքոնյան Լուիզա, Փոխառություններ և օտարաբանություններ արդի հայերեն խոսքում.....	70
Մնացականյան Դոնարա, Էջմիածնի և Արմավիրի տարածաշրջանների տեղանունների իմաստային վերլուծություն.....	81
Սարգսյան Լիանա, Բայերի սեռային անցումներ արդի արևելահայերենում.....	92
Սարգսյան Լուիզա, Իմաստափոխական իրողություններ գոյականակազմ բայերի համակարգում.....	107
Քարտաշյան Անահիտ, Հնչունափոխական մի քանի երևույթներ Երևանի խոսակցական լեզվում.....	120

ԱՌԿԱՅԱԿԱՆ ՏՐՈՀՄԱՆ ՄԻՋՈՑՆԵՐԸ  
ԱՐԵՎՄՏԱՀԱՅԵՐԵՆՈՒՄ

Առկայական տրոհումը, չեզոք լինելով նախադասության քերականական վերլուծությանը, չեզոք չէ դրա կառուցվածքին. առկայական տրոհման միջոցները երևան են զալիս հենց նախադասության կառուցվածքում, այսինքն՝ նախադասության կառուցվածքի վրա հենվելով է հնարավոր լինում առկայացնել տեղեկությունը:

Առկայական տրոհման գլխավոր միջոցներն են շարադասությունն ու հնչերանգը:

Խոսքում շարադասությունն ու հնչերանգը գործում են միասնաբար. լեզվաբանության մեջ բազմիցս ապացուցվել է, որ շարադասությունը որոշ դեպքերում հուշում է, թե հնչերանգային ինչ ձև կարող է ունենալ տվյալ ասույթը և ընդհակառակն. ասույթի հնչերանգային ձևն իր խոսքային իրացման համար պահանջում է անհրաժեշտ շարադասություն:

Հնչերանգը, լինելով «նախադասության ամբողջականությունն ու մտքի ավարտվածությունը ձևավորող»<sup>1</sup> կարևորագույն հասկանիշ, առկայական տոհման ժամանակ գործում է անմիջականորեն: Հնչերանգի կենտրոնական առանցքը՝ տրամաբանական շեշտը, վերաբերյալի արտահայտման ընդհանրական միջոց է. նախադասության բաղադրիչների շարադասությունն անգամ չփոխելով՝ այն կարող է նույն ձևական – քերականական պատյանով ստեղծել տարբեր ասույթներ՝ դրվելով ասույթի այս կամ այն բաղադրիչի վրա, և նույնիսկ ընդգծել նախադասության միտքն ամբողջությամբ: Օրինակ՝

<sup>1</sup> Ս.Աբրահամյան, Հայոց լեզու. շարահյուսություն, Ե., «Լույս» հրատ., 2004, էջ 16:

Մանեն կ'երթար տուն: Մանեն կ'երթար ուն: Մանեն կ'երթար սռ ևն: Մարդ մը եկաւ: Առաջին նախադասության վերաբերյալը ենթական է, երկրորդինը՝ ստորոգյալը, երրորդինը՝ տեղի պարագան: Ինչպես տեսնում ենք, տրամաբանական շեշտի շնորհիվ փոփոխվեցին ասույթի ենթահիմքն ու վերաբերյալը՝ առանց նախադասության բաղադրիչների շարադասությունը փոփոխվելու: «Մարդ մը եկաւ» նախադասությունը վերաբերյալ է, քանի որ ասույթն ամբողջությամբ նոր տեղեկություն է պարունակում թե՝ խոսողի, թե՝ խոսակցի համար:

Լեզվում կան դեպքեր, երբ վերաբերյալն առանձնացնելու միակ ու «պարտադիր» միջոցը տրամաբանական շեշտն է:

ա. Հայերենում «սովորական շարադասություն ունեցող պատմողական նախադասության տրամաբանական շեշտը դրվում է ստորոգյալի վրա»<sup>2</sup>, քանի որ «ստորոգյալը ամենից հարմարն է մտքի շեշտը կրողի դերի համար»<sup>3</sup>, ուստի այն ասույթի վերաբերյալն է: *Օրինակ՝ Արշա/ահարեկեցա և (ԴՄԳ, 273): Հէմքերը /լրջացե թին (ԴՄԳ, 287):*

բ. Բաղադրյալ ստորոգյալը ևս մեծ մասամբ դառնում է ասույթի վերաբերյալ, որովհետև «անկախ իր դիրքից՝ բաղադրյալ ստորոգյալը ամենից հարմարն է տրամաբանական շեշտ կրելու»<sup>4</sup>: *Օրինակ՝ Երկցկինը / տիտ իր կր (ԴՄԳ, 249): Սայրս ամնզրագէ տ կր (ԴՄԳ, 293):*

գ. Տրամաբանական շեշտն ընկնում է ստորոգյալի վրա, եթե այն ժխտական խոնարհման է: Ժխտական ստորոգյալը ժխտման իմաստի շնորհիվ միտում ունի ստորոգայնորեն միշտ ընդգծել ինքն իրեն. «Ժխտման դրսերումները հենվում

<sup>2</sup> Ս. Աբրահամյան, նշվ. աշխ., էջ 16:

<sup>3</sup> Վ. Քոյսյան, *Ակտուալ անդամատումը և շարադասությունը ժամանակակից հայերենում*, Ե., 1990, էջ 22:

<sup>4</sup> Մեջբերումներին կից՝ փակազգերի մեջ, նշվում են բնազրի համառոտագրությունը և համապատասխան էջը, ցանկը՝ վերջում:

<sup>5</sup> Վ. Քոյսյան, նշվ. աշխ., էջ 29:

են ընդգծման դրսնորումների վրա, որովհետև Ժխտվողը նաև ընդգծվում է»<sup>6</sup>: Ժխտման առկայությունը հնարավորություն է տալիս ստորոգայնորեն ընդգծել ինչպես պարզ, այնպես էլ բաղադրյալ՝ և անվանական, և՝ բայական, ստորոգյալը: *Oրինակ՝ Երեցկինը / չի պատասխաներ* (*ԴՄԳ*, 250): *Նիւ Եռքք / ապրելիր տե՛ղ չէ այլեւս* (*ԴՄԳ*, 284):

Խոսքում, ինչպես արդեն նշվել է վերևում, շարադասությունն ու հնչերանգը գործում են միաժամանակ: Ընդ որում առկայական տրոհման ժամանակ գործում է շարադասության իմաստային գործառույթը. այս դեպքում այն առնչվում է տրամաբանական շեշտին, քանի որ երկուսը միասին ընդգծում են ասույթի վերաբերյալը:

Ենթակա + ստորոգյալ հաջորդականության դեպքում, ինչպես նկատվեց վերևում, ենթական հիմնականում համապատասխանում է ենթահիմքին, իսկ ստորոգյալը՝ վերաբերյալին: Այսինքն՝ առկայական տրոհումն ու քերականականը համապատասխանում են: Սակայն միշտ այդպես չէ. հաճախ ուղիղ շարադասությամբ ենթական կարող է լինել վերաբերյալ, իսկ ստորոգյալը՝ ենթահիմք: *Oրինակ՝ Ոչ ոք / բացառութիւն կը կազմէ* (*ՍՊ*, 26): *Այդ / Վահրամին ու Մարանին սկըն էր* (*ՀՀՀ.Ս*, 572): *Եւ ես / տեղի տուի* (*ՇՇՆԱԵ*, 83): *Գիտցո՞ղ ո՞ղ զիտէր* (*ԴՄԳ*, 250):

Ստորոգյալ+ենթակա շարադասության դեպքում ստորոգյալը, ուժեղ շեշտի ազդեցությամբ մղվելով նախադասության սկիզբ, «ընդգծում է գործողությունների, եղելությունների կարևորությունը»<sup>7</sup>: *Oրինակ՝ Հեռացած էր / մահուան վրտանգը* (*ՍՊ*, 484): *Վերջապէս պիտի տապալի / ան: Այո՛, կը մօտենար / ան* (*ՇՇՆԱԵ*, 56):

<sup>6</sup> Գ. Զահուկյան, *Ժամանակակից հայերենի տեսության հիմունքները*, Ե., ՀՍՍՀ ԳԱ հրատ., 1974, էջ 533:

<sup>7</sup> Վ. Առաքելյան, *Հայերենի շարահյուսություն. պարզ նախադասություն*, հ. I, Ե., 1958, էջ 462:

Հայերենում, սակայն, նախադաս ստորոգյալը կարող է արտահայտել մտքի ենթահիմքը, իսկ հետադաս ենթական՝ վերաբերյալը: *Օրինակ՝ Սպառած էր / նոյնիսկ իր ապահովագրութեան դրամը* (ՀՀԼ.Ս, 447): *Այդպէս ստեղծուած են / բոլոր ազատ հայրենիքները* (ՀՀԼ.Ս, 632):

Ստորոգյալի լրացումներից խնդիրներին առավել բնորոշ է ստորոգյալի հետ միասին ենթահիմքի կամ վերաբերյալի խմբում հանդես գալը: Սովորաբար խնդիրներին բնորոշ է հետադաս շարադասությունը, սակայն դրանք, եթք տրամաբանորեն ընդգծվում են, մղվում են ստորոգյալին նախորդող դիրք: Բերենք օրինակներ, եթք խնդիրները մղվել են ստորոգյալից առաջ ուժեղ շեշտի պատճառով:

Ուղիղ խնդիր - *Ոչ մէկ զգայութիւն կը հաղորդէին ջիղերը* (ՍՊ, 253): *Այդ նամակներուն գոյութիւնըն իսկ չէր զիտէր Զարուհին* (ԳԶԵ, 211)<sup>8</sup>: *Ժողովորդը / իր վճռին մէջ անողոր ստուգութիւն մը դրաւ* (ՀՕԵ, 32): *Մէծերը / իրենց փոր-ձութիւնը գովեցին* (ՀՕԵ, 32):

Անուղղակի խնդիրներ - *Միշոց մը Արեգեանը / կանչուեցաւ զիւղէն* (ՀՄԵ, 100): *Սայլերը / լծուեցան* (ՀՀԼ.Ս, 51): *Ժամը/զիշերուան երկուրին կը մոտենաը* (ՀՊԵ, 514): *Տունը եկեղեցին կտակած էր* (ԴՄԳ, 504): *Սոսիին մէջէն մայիսի թոշունը / աւելի քնրուշ քաղցրութեամբ կը լեցնէր իրիկուան այդ պահուն*

<sup>8</sup> Արևմտահայերենում ընդունված են SVO և SOV շարադասական տարբերակները, որովհետև ուղիղ խնդիրն ու ենթական քերականական նույն ձևավորումն ունեն: Բայց լեզվական փաստերը ցույց են տալիս, որ գոյություն ունի նաև OVS կադապարը, որտեղ ենթակայի և խնդրի շարադասության փոփոխությունը չի առաջացնում շարահյուսական գործառույթի փոփոխում կամ մտքի շփոր, քանի որ այս դեպքում տարբերակվում են անձնանիշ ու իրանիշ և վերջինիս սերտորեն առնչվող շնչավորի ու անշունչի առումները. գոյականները, չունենալով քերականական տարբեր ձևավորում, տարբերվում են խմասով, որի շնորհիվ OVS շարադասական տարբերակում ներգործողի ու ներգործվողի գործառույթների շփոր չի ստեղծվում:

խորհուրդը (ՀՕԵ, 108): Իր ուկորներուն ձաթրոտուքը հոգովը կը լսէ (ՀՕԵ, 153): Բայց անոնց մասին ա՛լ չի մտածեր / ծերը (ԴՄԳ, 503): Բանաստեղծութեանց մէջ արեւելեան երգերը կը սիրէր (ԳԶԵ, 48): Գեղը / իր վրայ խոսելին չէր ձանձրանար (ՀՕԵ, 23): Ո՞չ մեր տունէն, ո՞չ հօրեղօրմէս լուրջ օժանդակութիւն յուսալ չեմ կրնար (ԼՇԵ, 111):

Պարագաների շարադասությունը, ինչպես նկատվել է հայ լեզվաբանության մեջ, պայմանավորվում է դրանց խոսքի-մասային արտահայտությամբ, լրացման բնույթով, խոսքում այլ լրացումների առկայությամբ: Պարագաներին բնորոշ է թե՝ ենթակիմքը, թե՝ վերաբերյալն արտահայտելը: Բոլոր դեպքերում դրանց՝ իբրև ստորոգյալի լրացումների, առավել բնորոշ է վերաբերյալի դերով կամ դրա կազմում հանդես գալը, ինչ-պես նաև իրենց լրացյալը արտահայտիչ դարձնելը: Պարագաները սովորաբար շեշտվում են ստորոգյալին նախորդող դիրքում, թեև բացառված չէ տրամաբանական շեշտի պատճառով հետադաս կամ նախադաս դիրք մղվելը, ինչպես լինում է ձևի պարագայի դեպքում (Մեյս Դիեր / մէկէն իր վրայ նետուեցաւ բազուկներուն ամրող ուժով զայն զրկելով սեղմ, սեղմ (ՇՇՆԱԵ, 40): Ուստի ամենայն զգուշութեամբ առանց կասկած տալու՝ / Վահեւունեաց իշխանը հասաւ Մեծովիայ հոչակատր վանքը (ԾԵ, 293):)։ Օրինակ՝ Դուն / այդպէս մտածեցիր (ԼՇԵ, 387): Օր մ'ալ Ղազարոս աղան/երեսները կախած կու զայ զրասենեակըս (ՀՊԵ, 503): Մելիտոս աղային տիկինն / էֆենտիին տիկինոջը քովը նստած էր (ՀՊԵ, 448): Այսպէս աղուոր հիւրասենեակ / ոչ մէկ տեղ կայ (ՍՊ, 250): Ամէն բանէ առաջ ուզեց նկարագրել իր տունը (ՍՊ, 32): Այն ատէն տիրացու Գեւոն, / աջը համբուրելու պիտի մօտենար իր զաւկին (ՀՀԼԱ, 358): Նահապէտ աղային պէս ազգը սիրող մարդ / խիստ քիչ կը զբանուի ազգին մէջ (ՀՊԵ, 490): Աղուոր ըսուելիք կողմ մը ամենեւին չուներ (ՀՄԵ, 73): Գիւղը / ի նշ շուտ հերիաթ դարձաւ (ՀՀԼԱ, 575): Հրամանի մը վրայ շարժուեցան (ՀՀԼԱ, 52): Շէնքը / չափանց հին ըլլապուն համար փոր տուած էր բակին կողմը,

իսկապէս վտանգաւոր կերպով (ՍՊ, 45): Եւ արագիլը/ծառ մը չգտնելուն՝ եկեր Դարին մէկ ծայրը բոյն դրեր էր (ԴԱԳ, 271): Էֆենտին/քանի մը բարեկամաց հետ թուղթ կը խաղար (ՀՊԵ, 448):

Գոյականական անդամի լրացումներին առավել բնորշ է ենթահիմքի կամ վերաբերյալի խմբում հանդես գալը: Դրանք բոլոր դեպքերում ընդգծում են իրենց լրացյալին՝ դարձնելով այն արտահայտիչ ենթահիմք կամ վերաբերյալ: Գոյականական անդամի լրացումներին առավել հատուկ է նախադաս կիրառությունը՝ բացի բացահայտչից: Մյուսները հետադաս են դրվում միայն խոսողի դիտավորությամբ, եթե վերջինս կամենում է հատուկ ընդգծել, կարևորել դրանք:

Հետադաս որոշիչ - Յաղթական կեցուածք մը առնելով, յիշեց պզոյիկ դէպք մը, մէծ հետեւանըներով յիի (ՍՊ, 233): Տարին չանցած պայթեցաւ մէծ Փոթորիկը, կրակով ու արիւնով շաղուած (ՍՊ, 315): Երկարուղիի ձախ կողմին կը տարածուէր լայնարձակ դաշտը, քանձր ու ծփուն մարգերով և փարթամ բանջարանցներով ու պտղաստաններով ծածկուած (ՍՊ, 413):

Հետադաս հատկացուցիչ - Գիշերը խաղաղութեան մէջ կը լսուի բառացը եզներու, կրկրլոցը աղբիրին, վայրագ բողոքը շնազայիերուն ու հեզնուտ ծիծաղը բորենիին (ՍՊ, 407): Կծոյի ու փոքրիկ քիթովը կը ներշնչէ անուշ հոտը ինձորներուն (ՍՊ, 304):

Բացի շարադասությունից ու հնչերանգից՝ առկայական տրոհման կայացմանը մասնակցում են այլ միջոցներ, ինչպիսիք են կրկնությունները, հավելական կառույցների, թերի նախադասությունների կիրառությունները, հավելադրությամբ շրջումը, եւ օժանդակ բայի հնարավոր տեղափոխությունը շեշտվող բառի մոտ, նախադասության այս կամ այն բաղադրիչի ընդգծումը շաղկապների օգնությամբ:

Վերաբերյալի շեշտման միջոցներից է եւ օժանդակ բայի տեղափոխումը ընդգծվող բառի մոտ, որն արևմտահա-

յերենում համեմատաբար թիշ գործածություն ունի: *Օրինակ՝ Պայիկ Հօրորուրն էր մեռեր* (ՀՀԼԱ, 229): *Ակուսմին մէջ միակ Երանու աղբարն էր մնացեր* (ՀՀԼԱ, 385): *Ան խոզակ է ծախած օխան ոսկի մը եղած ատենն իսկ* (ԶՕԵ, 52): *Այդ օր Սուրատ կապոյտ ելկեկ էր հազեր* (ՀՀԼԱ, 258): *Մենծաց էսպէս ենք տեսեր* (ՀՀԼԱ, 23): *Այս անզամ փոշոտ, քարքարոտ աքսորի Ճամփան* էր բացուած իր մարմնին մէջ (ՀՀԼԱ, 605): *Աղջկանդ լաշակը / Ճառին գլուխն է ելեր* (ՀՀԼԱ, 261): *Դիակները եւ արինին ճամփաները / զինք շատ էին ցնցեր* (ՀՀԼԱ, 597): *Դեռ շատ էր ջահիլ այդ դառնութիւններուն համար* (ՀՀԼԱ, 606): *Շա տ էր յոզներ* (ԴՄԳ, 352):

Վերաբերյալի շեշտման միջոցներից է հավելադրությամբ շրջումը: Այս դեպքում «տրամաբանական շեշտ կրող բառը լրացուցիչ ավելադիր հանգույցով հարադրվելով առանձնանում է, դառնում հաղորդման կենտրոն»<sup>9</sup>. Նախադասության տրամաբանական շեշտը կրող բառի՝ վերաբերյալի մոտ ավելանում է լրացուցիչ *եև* հանգույցը և *ոք* ստորադասական շաղկապը, նախադասությունն ստանում է բարդ ստորադասական նախադասության տեսք: Բայց այն պարզ նախադասություն է, և եթե հանենք հանգույցն ու շաղկապը, նախադասության բովանդակությունը չի փոխվի: *Օրինակ՝ Այս յոյսը եւ հաւատըն է, ոք կանգուն կը պահեն զինքը* (ԴՄԳ, 322): *Քուն չէ, ոք ուներ սակայն* (ԴՄԳ, 264): *Ճամփան էր, ոք կ'առաջնորդէր զինքը* (ԶՕԵ, 48): *Արդեօր ստուգիւ որդի ս էր, ոք տեսայ* (ՊԴԵ, 98): *Պաշտոնեաները շատոնց է, ոք մեկներ էին* (ՇԾՆԱԵ, 30): *Չորս տարի էր, ոք Հայաստան թշուառության մէջ կը հեծէր* (ԾԵ, 498):

Վերաբերյալի շեշտման միջոց է նաև կրկնությունը, որը ոճական այնպիսի բանադառում է, «եթե բառերի ու բառակապակցությունների կրկնության շնորհիվ խոսքին հաղորդվում

<sup>9</sup> Վ. Քոյան, նշվ. աշխ., էջ 45:

է հուզականություն, արտահայտչականություն»<sup>10</sup>: Ընդհան-րապես կրկնությունները սուբյեկտիվ բնույթի են, քանի որ խո-սողը մտածված է դիմում կրկնությանը՝ խոսքին հուզականու-թյուն, արտահայտչականություն հաղորդելու համար: Կրկնու-թյունները, հուզականորեն որոշակի իմաստային բովանդա-կություն փոխանցելով, միաժամանակ տրամաբանորեն ընդ-գծում են նախադասության այս կամ այն բաղադրիչը՝ դարձ-նելով այն արտահայտիչ վերաբերյալ: *Օրինակ՝ Կարծես ոչինչ ոչինչ պատահած ըլլար (ՄՊ, 402): Ծառերը, ձիթենիի ծառերը խենքցեր էին ան տարին (ՀՕԵ, 185): Այդ արտին կտորին վրայ Տոզսանը կաշխատէր, կաշխատէր (ՀՕԵ, 38):*

Առկայական տրոհման կայացմանը ծառայում է նաև անորոշ հոդը, որը, չփոխելով նախադասության կառուցվածքը, ազդում է դրա իմաստի վրա: Արդեն իսկ այս հոդի անվան մեջ (անորոշ) առկա է նորի, անհայտի գաղափարը: «Ընդհան-րապես պետք է նկատի ունենալ, - գրում է Մ. Ասատրյանը, - որ որոշյալ առումով գործածված բառը հանդես է գալիս որպես խոսքի ելակետը, իսկ անորոշ առումով բառը՝ այն նորը, որ հաղորդվում է»<sup>11</sup>:

Այսպիսով՝ անորոշ հոդի ամենատարածված և ամենա-բնորոշ հատկությունը համատեքստից ոչ հայտնի, իսկ որոշ-յալինը՝ արդեն հայտնի առարկան նշելն է: *Օրինակ՝ Գրեթէ սակաւախօս, բիրտ ու արեւելեան նկարագրով, զեղեցիկ ու մեծ բաներ սիրող, զեղեցիկ եւ մեծ բաներու զերի՝ տղայ մրն էր անիկա (ԴՍԳ, 230): Նախ՝ ան զերի եղած էր տարիներով՝ սի-րուն ու անառակ աղօկան մը: Ու այդ աղօկիկը՝ իր արուի զօ-րաւոր ու նրբազգած հոգիին խորը խոցած էր ամէն բան (ԴՍԳ, 503):*

<sup>10</sup> Լ.Եզելյան, *Ոճագիտության ուղեցույց*, Ե., «Զանգակ-87», 2007,էջ 94:

<sup>11</sup> Մ. Ասատրյան, *Ժամանակակից հայոց լեզու*, Ե., ԵՊՀ հրատ., 2002, էջ 97:

Առկայական տրոհման ժամանակ վերաբերյալի շեշտմանը ծառայում են որոշ մակրայներ, դերանուններ, շաղկապներ, վերաբերականներ: Վերաբերականները (իրաւ, ա և, անգամ, իսկ, մանաւանդ, հենց, մինչեւ իսկ, միթէ, գուցէ, արդեօք, զէթ, գոնէ, իրօք, ցաւօք և այլն) կարող են նախադասության այս կամ այն բաղադրիչի մոտ դրվել տրամաբանորեն ընդգծել այն՝ դարձնելով հաղորդակցական կենտրոն: *Օրինակ՝ Ասոր Կիւզել աղան / չեր նկատեր անգամ* (ՀՄԵ, 43): Զինք հետաքրքրողը / պատմութիւնն իսկ էր (ՄՊ, 250): Հա, հա բոլորն ա և / զիտէին (ՀՀՀՄ, 199): *Տազէս աղա / Փարիզ հասած օրն իսկ այս իրողութեան զիտակցած էր* (ՄՊ, 57):

Սակրայները (աւելի, նուազ, պակաս, շատ, խիստ, կարի, յոյժ, չափազանց, այլեւս, երբէք, բնաւ, նորից և այլն) ևս իրենց բարային իմաստի շնորհիվ սաստկական երանգ են հաղորդում նախադասության այս կամ այն բաղադրիչին: *Օրինակ՝ Ես/այլեւս պանդոկ չպիտի զամ* (ՄՊ, 36): Այդ սիրելի դէմքը / կը դժունէր հետզհետէ աւելի, հետզհետէ աւելի (ՄՊ, 40): *Անչափ, անչափ շնորհակալ եմ ձեր այս սրտազին նուէրին համար* (ԼՇԵ, 82):

Նախադասության տարբեր անդամներ հնարավոր է ընդգծել շաղկապների միջոցով՝ դրանք դարձնելով հաղորդակցական կենտրոն: Նման դերն ունեն եւ, նաեւ, այլեւ, ալ, կա մ...կա մ թէ....թէն այլ շաղկապներ: *Օրինակ՝ Աստղերը ծախեց / թէ գորեպանին եւ թէ՝ ունճպերին* (ՀՀՀՄ, 135): *Ալ ոչ Սեսրոպ ամուին, ո չ ալ զորիին դէպքը կը յիշէր* (ՀՄԵ, 118): Եւ այն ժամանակ դուն կը լաս արժանի տէրը եւ ա յս սենեակին, եւ ա յս ամրոցին, եւ ա յս աշխարհին (ԼՇԵ, 392): Վրաս ո չ դող էր մնացեր, ո չ իսեղողուր եւ ո չ յուզում, այլ նուրբ ու փափուկ տիկրութիւն մը միայն (ԼՇԵ, 115):

Դերանունները, լինելով իրադրական բառեր, մատնանշում են խոսդին հայտնի կամ անհայտ առարկա: Ըստ այդմ էլ լինում են վերաբերյալի կամ ենթահիմքի ցուցիչ:

Իբրև ենթահիմք կամ ենթահիմքի բաղադրիչ՝ հանդես են զայխ ցուցական, անձնական դերանունները: Նշենք, որ ցուցականներին առավել բնորոշ է ենթահիմքը ցույց տալը կամ համատեքստից հայտնի առարկան մատնանշելը: *Oրինակ՝ Նիր-նիրի այս վախր / պարոն բեռնարի չորս պանդոկներուն մէջ աշխատողներուն բոլորին ծանօթ էր* (ՍՊ, 244): *Լուրջ հայր է / ասիկա* (ԼՇԵ, 111):

Բայց տրամաբանական շեշտը կարող է ընկնել նաև դրանց վրա. նման դեպքում դրանք դառնում են վերաբերյալ կամ վերաբերյալի խմբի անդամ: *Oրինակ՝ չո՞դ է / սիսալդ* (ԼՇԵ, 383): *Երեւի նկարչութիւնը դո՞ւ իր ալ կը սիրէք* (ԼՇԵ, 46):

Ժխտական դերանունները հիմնականում վերաբերյալ կամ վերաբերյալի բաղադրիչ են, քանի որ «տրամաբանական շեշտը գրեթե միշտ ընկնում է ժխտական դերանուններին»<sup>12</sup>: *Oրինակ՝ Իրապէս ոչինչ զիտէր անոր վրայ* (ՀՕԵ, 107): *Ոչ մէկ զզայութիւն կը հաղորդէին զիդէրը* (ՍՊ, 253): *Ոչ մէկ ձայն, ոչ մէկ շշուկ կը լսուէր հեռախօսին միւս ծայրէն* (ՍՊ, 405):

Ինքը, բոլորը, ամէն, ամէն մի և այլ դերանուններ, դրվելով այս կամ այն բառի վրա, ընդգծում են այն՝ դարձնելով վերաբերյալ: *Oրինակ՝ Ամէնին չքնաղի համակրանքը կը վայելէր / անիկար:* *Ամէն օրուան նման՝ ամէն տարի ունի իր ցաւի բաժինը* (ՍՊ, 128): *Ու կատակները, ակնարկութիւնները, տղայութիւնները բոլորն ալ / վերջացան* (ՀՕԵ, 197): *Օվան աղան ինք / բերած էր պարոն Պետրոսը* (ՀՀԼՍ, 522):

Այսպիսով՝ առկայական տրոհման գլխավոր միջոցներն են շարադասությունն ու հնչերանգը, ընդ որում հնչերանգի կենտրոնական առանցքը՝ տրամաբանական շեշտը, ընդհանրական միջոց է, որը գործում է մյուս միջոցներին զուգահեռ: Բացի հնչերանգից ու շարադասությունից՝ արևմտա-

<sup>12</sup> Ա. Պապոյան, Խ. Բաղիկյան, *Ժամանակակից հայոց լեզվի շարադասություն. Ուսումնական ձեռնարկ*, Ե., ԵՊՀ հրատ., 2003, էջ 26:

հայերենում առկայական տրոհման կայացմանը մասնակցում են նաև շարահյուսական, բառաքերականական այլ միջոցներ:

### Համառոտագրություններ

ԳԶԵ - Գրիգոր Չոհրապ, Երկեր, Ե., 1989:

ԼՇԵ - Լևոն Շանթ, Երկեր, Ե., 1968:

ԾԵ - Ծերենց, Երկեր, Ե., 1983:

ՀՀԼՍ - Համաստեղ, Հայաստանի լեռներու սրնզահարք, Ե., 1989:

ՀՊԵ - Հակոբ Պարոնյան, Երկեր, Ե., 1969:

ՀՕԵ - Հակոբ Օշական, Երկեր, Ե., 1979:

ՀՄԵ - Հակոբ Մնձուրի, Երկեր, Ե., 1986:

ՇՇՆԱԵ - Շահան Շահնուր, Նահանջ առանց երգի, Ե., 1994:

ՊԴԵ - Պետրոս Պուրյան, Երկեր, Ե., 1981:

ՍՊ - Սփյուռքահայ պատմվածք, Ե., 1989

Abroyan Hermine - Means of Functional Separation of the Sentence in the Western Armenian Language. - Hence, the main means of functional separation of the sentence are considered to be syntax and intonation; meanwhile the main element of the accent is the logical accent, which acts in parallel with other means. Besides intonation and syntax, other syntactic and lexical-grammatical means also take part in the functional separation of the sentence in the Western Armenian language.

Аброян Эрмине - Способы актуального членения в западноармянском языке. - Основными способами актуального членения являются синтаксис и интонация, при этом главный элемент интонации - логическое ударение является общим средством, которое действует параллельно с другими способами. Кроме интонации и синтаксиса в западноармянском языке в актуальном членении предложения принимают участие также иные синтаксические и лексико-грамматические способы.

ԱՇԽԱՐՀԱԲԱՐԻ ՀՈԼՈՎԱԿԱՆ  
ԱՌԱՋԱՋԱՏԿՈՒՅՈՒՆՆԵՐԻ ԴՐՍԵՎՈՐՈՒՄԸ ՈՒՇ  
ՄԻՋԱԴԱՐԻ ԲԺՇԿԱՐԱՆՆԵՐՈՒՄ

Միջնադարյան հայ բժշկարանները հսկայական նյութ են պարունակում հայոց լեզվի ինչպես բառապաշարի, այնպես էլ կրած քերականական փոփոխությունների ուսումնասիրության համար: Հատկապես զգալի անելիք կա միջին հայերենի երկրորդ շրջանի<sup>13</sup> բժշկարանների ուսումնասիրության առումով: Այս շրջանում են ստեղծվել Սեբաստիայի բժշկագիտական դպրոցի ներկայացուցիչներ Ասար և Բունիաթ Սեբաստիացիների բժշկարանները («Գիրք բժշկական արհեստի» «Գիրք բժշկութեան տումարի»), որոնք իրքև միջինհայերեն աղբյուրներ, առանձին ուսումնասիրության նյութ չեն դարձել: Նկատենք սակայն, որ վերջիններիս քննությունը պատկերացում է տալիս ուշ միջնադարի (16-17-րդ դդ.) լեզվավիճակի մասին: Կարծում ենք, որ ուսումնասիրության կարիք ունեն նաև քերականական առանձնահատկությունները, մանավանդ դրանց բացահայտման առումով զգալի տարրերություն է նկատվում միջին հայերենի առաջին և երկրորդ ենթաշրջանների միջև: Եթե առաջինում դեռևս գերիշխում են զրաբարյան, ապա երկրորդում արդեն որակ են կազմում աշխարհաբարյան ձևերը:

Սույն հոդվածում ներկայացվում են Ասար և Բունիաթ Սեբաստիացիների բժշկարանների հոլովական առանձնահատկությունները: Գրաբարի և միջին հայերենի հոլովական հատկանիշների հետ հատակորեն ընդգծվում և ավելի հաճախ են

<sup>13</sup> Առաջնորդվել ենք «Ակնարկներ միջին զրական հայերենի պատմության» գրքում կատարված շրջանաբաժնմամբ, տե՛ս նշված աշխ., հ. Ա, Ե., 1972, էջ 42-44:

կիրառվում նաև աշխարհաբարյան ձևերը: Դրանց համար կարելի է առանձնացնել արտաքին թեքման չորս հիմնական հոլովում՝ *ի, ու, ու, ան*: Աշխարհաբարի հոլովական առաջին դրսեվորումը *ի արտաքին հոլովման* ընդհանրացումն է: Սահմանափակված չլինելով այս կամ այն խմբերով՝ *ի հոլովումը իր սահմաններն ընդլայնել* է *ի հաշիվ նորակազմությունների*, բազմաթիվ փոխառյալ բառերի, ինչպես նաև այլ հոլովումներից անցած բառերի: Այդ հանգամանքը նկատի առնելով առանձնացրել ենք բժշկարաններում գործածված *ի հոլովման հետևյալ խմբերը*.

ա) զրաբարից ավանդված *ի հոլովման բառեր, ինչպես՝ ազոիսի* (ԲՈ 71)<sup>14</sup>, *բունի* (ԱԱ 223)<sup>15</sup>, *երեսի* (ԲՈ 85, ԱԱ 125), *լօշտակի* (ԱԱ 230), *կարասի* (ԱԱ 198), *կաղամքի* (ԲՈ 128), *վարդի* (ԲՈ 78, ԱԱ 176) և այլն.

բ) զրաբարում այլ հոլովումների (այդ թվում նաև *ի-ախառն*) պատկանող բառեր, որոնք անցել են *ի-ի*, թեև շարունակում են զուգահեռաբար գործածվել նաև իրենց հին հոլովմամբ, ինչպես՝ *կաքվի* (ԲՈ 77), *ուլի* (*ու*), *դդմի* (ԲՈ 73, ԱԱ 175), *ծոի* (ԱԱ 175), *ցաւի* (ԱԱ 136) (*ո*), *ջերսի* (ԱԱ 88), *սերսի* (ԲՈ 105) (ա ներքին) և այլն: Յ. Կարստը, իր քերականության մեջ առնանձնացնելով նախնական և *երկրորդական* ի հոլովում, վերջիններս դնում է *երկրորդականի մեջ*<sup>16</sup>:

գ) Միջին հայերենում ի հայտ եկած նոր բառեր և նորակազմություններ. *անծխոտի* (ԱԱ 209), *ականջթուրի*, *անթ-*

<sup>14</sup> Բունիար Սեբաստացի, *Գիրք բժշկութեան տումարի*, Ե., 1987, էջ 71: Այսուհետև օրինակների էջերը կնշվեն փակազգերում ԲՈ համառոտագրությամբ:

<sup>15</sup> Սաար Սեբաստացի, *Գիրք բժշկական արհեստի*, Ե., 1993, էջ 223: Այսուհետև օրինակների էջերը կնշվեն փակազգերում ԱԱ համառոտագրությամբ:

<sup>16</sup> Յ. Կարստ, *Կիլիկյան հայերենի պատմական քերականություն*, Ե., 2002, էջ 145-146:





լովման շաղ բառը՝ շաղոյ (ԱՍ 170)), ի-ա խառն հոլովման տեղ-ը տեղոյ (ԲՍ 75):

Արտաքին թեքման ան հոլովումը, որ առաջ է եկել գրաբարի աներքին հոլովումից, կիրառվել է միայն -ակ, -իկ, -ուկ վերջնահանգով բառերի դեպքում, ինչպես աղջկան (ԲՍ 78), տղական (ԲՍ 104), այրկան (ԱՍ 102), էրկան (ԱՍ 99), կնկան (ԱՍ 99), մարդկան (ԱՍ 190):

Աշխարհաբարի վան հոլովմամբ են կիրառվել է միայն զիշեր և ցերեկ գոյականները՝ զիշերվան, ցերեկվան (ԱՍ 104):

Ներքին թեքման հոլովումներից բժշկարաններում կենսունակ է միայն ա հոլովումը, որին, ինչպես և գրաբարում, ենթարկվում են ա ներքին հոլովման գոյականները, այն է՝ ա ) նով և նախորդող բաղաձայնով վերջացող ամոան (Աս 152), եղան (ԲՍ 69), լեռան (ԲՍ 107), ծիծոան (ԲՍ 77), ձկան (ԲՍ 127), ճոան (ԲՍ 106), նոան (ԱՍ 192), շրթան (ԱՍ 178), ջերման (ԲՍ 109), սերման (ԱՍ 131), սիսոան (ԲՍ 64), սնկան (ԱՍ 178), փայծդան (ԲՍ 98), ըղնկան (ԱՍ 102), ծնկան (ԱՍ 134), բ)-ութիւն վերջածանցով և -ուն, -իւն-ով՝ ալորութեան (ԱՍ 100), արեան (ԲՍ 68), բնութեան (ԲՍ 64), զիջութեան (ԱՍ 100), հովութեան (ԱՍ 107), վատուժութեան (ԱՍ 106), քարշողութեան (ԱՍ 101), զ) -ումն-ով վերջացող գոյականներ՝ շարժման և այլն:

Ներքին թեքման մյուս հոլովումներն հազվադեպ են, ինչպես՝ անձին (ԱՍ 113), զառին(ի), ոսկեր(ե) (ԱՍ 122), աղջկանմօր (ո):

Նշված հոլովումներին պատկանող բառերը, ինչպես և բնորոշ է միջին հայերենին, գուգահեռաբար հոլովում են նաև այլ հոլովիչով՝ առաջ բերելով քերականական գուգածենություններ: Այդ փոխանցումները տեղի են ունենում հիմնականում ի ընդհանուր հոլովման և այլ հոլովումների միջև, ինչպես՝ ատամի – ատաման (ԱՍ 187), ջերմին (ԱՍ 96) – ջերման (ի/ան), ուլի (ԲՍ 77)- ուլու (ԲՍ 84), կարկի (ԲՍ 77)- կարկու (ԲՍ 125) (ի/ու), ուժի (ԱՍ 99) – ուժոյ (ԱՍ 166) – ուժու (ԲՍ 71), ցալի (ԱՍ 135) – ցալոյ (ԲՍ 67) – ցալու (ԲՍ 87), մյուս կողմից ո և ու հոլովում-

ների միջև, ինչպես՝ աղաւնոյ (ԱՍ 108) - աղաւնու (ԲՍ 125), զլիոյ - զլիու (ԲՍ 83), իշոյ (ԲՍ 88) - իշու (ԱՍ 149), լեղոյ (ԱՍ 150) - լեղու (ԲՍ 99), մարդոյ (ԱՍ 97) - մարդու (ԲՍ 117), ցրտոյ (ԲՍ 79) - ցրտու (ԲՍ 86), պորտոյ (ԱՍ 141)-պորտու (ԲՍ 79), տարոյ (ԱՍ 178)- տարու (ԱՍ 100), օդոյ (ԱՍ 103)-օդու (ԲՍ 84):

Հոլովական առանձնահատկությունների մասին անհրնար է խոսել առանց անդրադառնալու հոգնակի թվի կազմությանը, մանավանդ բժշկարաններում աշխարհաբարյան դրսուրումներն ավելի զգալի են: Այստեղ ևս արտացոլում են գտել թվակազմության՝ միջին հայերենին բնորոշ անմիօրինակությունը, հոգնակերտների բազմազանությունը, սակայն միևնույն ժամանակ նկատելի է նաև հստակեցում. գոյականների մեծ մասը հոգնակին կազմում է չորս հիմնական ձևույթներով՝ եր, նի, ներ, ք, իսկ մյուսները (ունք, անք, ոնք, իք, տիք, վի վեր, վնի) ավելի քիչ են հանդիպում:

Գործածության հաճախականությամբ ամենից առաջ աշքի է ընկնում աշխարհաբարի եր հոգնակերտը: Նկատելի է, որ ք հոգնակերտը սահմանափակել է իր կիրառությունը, թեև չկա որևէ օրինաչափություն, թե որ բառերն են ք հոգնակերտ ստանում: Բացառություն են կազմում ձայնավորով (հիմնականում ի-ով) վերջավորվողները (աղիք, գոլորշիք, սպեղանիք), որոնք կ մեծարի չեն: Ք-ն հիմնականում կցվում է եզակի ուղղականին, ինչպես՝ անդամը (ԱՍ 103), գործք (ԱՍ 224), զալակը (ԱՍ 112), իրք (ԱՍ 87), կերակուրք (ԲՍ 104), մժիղը (ԱՍ 79), նմանք (ԱՍ 87), շատք (ԱՍ 129), սահմանք (ԱՍ 113), վերջք (ԲՍ 82), տերեք (ԱՍ 115) և այլն: Միայն ներքին թեքման որոշ գոյականների դեպքում նկատելի է սեռական-տրականի հիմքից կազմություն, ինչպես՝ աւուրք (ԲՍ 119), ոսկեքք (ԲՍ 85):

Տվյալ բժշկարաններում արդեն հստակեցում է նկատվում. եր-ք միավանկ բառերի հոգնակերտն է, ինչպես՝ դարձեր (ԱՍ 150), խոցեր (ԱՍ 91), ծլեր (ԱՍ 223), կոսկեր (ԲՍ 87), հապեր (ԲՍ 82), ձուեր (ԱՍ 212), դուրսեր (ԱՍ 139), ճանձեր (ԱՍ 169), մաղձեր (ԱՍ 111), շներ (ԲՍ 82), շղեր (ԲՍ 73, ԱՍ 93), տակեր





ըք. այն է՝ նկատելի է հոլովարվանիշ թեքույթների առատություն և բազմազանություն: Կիրառվել են հոգնակի սեռականի երեք թեքույթներ.

1. Գրաբարյան թեքույթներ (*աց, ոց, ուց*), որոնք համադրականորեն արտահայտում են թվի և հոլովի իմաստը: Նկատենք, որ բժշկարաններում ավելի շատ կիրառվել են հենց սրանք: Եթե եզակիում սեռականի հիմնական հոլովիչը ի՞ն է, ապա հոգնակիում գոյականների զգալի մասը հոլովվում է *ացով*, ինչպես՝ *աշաց* (ԲՍ 76), *բժշկապետաց* (ԱՍ 129), *դիհաց* (ԱՍ 158), *երիկամաց* (ԱՍ 124), *խելաց* (ԲՍ 66), *հիւանդաց* (ԱՍ 180), *ձազաց* (ԱՍ 176), *մրզաց* (ԲՍ 73), *նստոտեղաց* (ԲՍ 122), *շնչահանաց* (ԱՍ 101), *պատճառաց* (ԱՍ 159), *ջաղջաց* (ԲՍ 81), *ոսմկաց* (ԱՍ 189), *ստամոքաց* (ԱՍ 139), *տեղաց* (ԲՍ 68) և այլն: *Ոց* թեքույթով հոգնակի սեռական են կազմել հիմնականում ո հոլովման պատկանող գոյականները, որոնք այնքան ել շատ չեն, ինչպես՝ *անդամոց* (ԱՍ 91), *զրոց* (ԱՍ 205), *զօդուածոց* (ԱՍ 98), *խառնվածոց* (ԲՍ 79), *կշռոց* (ԱՍ 221), *կերակրոց* (ԲՍ 84), *հելլենացոց* (ԱՍ 113), *հաւատոց* (ԲՍ 76), *ջլոց* (ԱՍ 131), *ցաւոց* (ԱՍ 118) և այլն: *Ուց* թեքույթով արձանագրել ենք միայն կովուց (ԱՍ 137) ձևը, իսկ մյուս դեպքերում *ու* հոլովման գոյականները հոլովվել են միջին հայերենի նման, այսինքն՝ հոլովիչը ավելացել է աշխարհաբարյան եր հոգնակերտից հետո:

2. Միջին հայերենին բնորոշ երկրադարիշ թեքույթներ, որոնցից առաջինը արտահայտում է թվի, իսկ երկրորդը՝ հոլովի իմաստ: Այս դեպքում թեքույթները կազմվում են միջինհայերենան հոգնակերտին ավելացնելով *ու* կամ *ոյ* հոլովիչը (եր+ոյ, եր+ու, նի+ոյ, եր+ի): Ինչպես արդեն նշեցինք, *եր+ու* թեքույթով նախ և առաջ հոլովվել են *ու* հոլովման գոյականները, ինչպես *դեղերու* (ԱՍ 130), *ծակերու* (ԱՍ 91), *ցաւերու* (ԱՍ 113): Մյուս դեպքերում որևէ օրինաչափություն չի գործում, մասնավանդ որ միևնույն գոյականները զուգահեռաբար գործածվել են *երու* և *երոյ* թեքույթներով, ինչպես՝ *ազգերոյ* (ԱՍ 147), *դեղերոյ* (ԱՍ

113), *խոցերոյ* (ԱՍ 155), *պատերոյ* (ԱՍ 230), *ջղերու* (ԱՍ 140), *շերմերու* (ԲՍ 78), *տակերու* (ԱՍ 151), *ցավերոյ* (ԲՍ 124) և այլն:

Բազմավանկ գոյականների դեպքում կիրառվել է *ներ+ու* թերույթը, ինչպես՝ *կտրաներու* (ԱՍ 141), *մորհամներու* (ԱՍ 193), *պոկներու* (ԱՍ 72), *տղայկներու* (ԱՍ 101) և այլն: Հոգնակի սեռական-տրականի այս ձևերը, ինչպես զիտենք, բնորոշ են արևմտահայերենին, իսկ արևելահայերենին բնորոշ եր+ի ձևը բժշկարաններում ավելի սակավ է հանդիպում, ինչպես՝ *կայ-ձերին* (ԱՍ 150), *ջղերի* (ԱՍ 230), *սամերիս* (ԱՍ 224):

Հաճախ են հանդիպում նի հոգնակերտով և ու կամ ոյ հոլովիչով հոլովվող գոյականներ, ինչպես՝ *երկնուն* (ԱՍ 99), *ելքնոյ* (ԱՍ 213), *ծարուրնու* (ԱՍ 190), *պատճառնոյ* (ԱՍ 87), *քամուտնոյ* (ԱՍ 154) և այլն:

3. Թեքույթներ, որոնք կազմվել են միջինհայերենյան հոգնակերտով և զրաբարյան հոլովիչով (եր+աց/ոց/ուց): Այս տեսակը սակավ է հանդիպում. ուշագրավ է, որ միևնույն դեղ գոյականը բժշկարաններում հոլովվել է հոգնակի սեռականի երեք ձևով՝ *դեղերաց* (ԱՍ 209), *դեղերանց* (ԱՍ 116), *դեղերուց* (ԱՍ 229):

Անդրադառնանք նաև զրաբարյան *եաց* թեքույթին, որով զրաբարում հոգնակի սեռական են կազմել խառն հոլովումների (*ի-ա*, *ո-ա*) գոյականները: *Իք-ով* վերջավորվող բառերի դեպքում բժշկարաններում երբեմն նկատելի է այդ ձևը, ինչպես՝ *բաղանեաց* (ԱՍ 231), *ընտանեաց* (ԱՍ 115), ըստ կարեաց (ԱՍ 201), *շարեաց* (ԱՍ 185): Ըստ Յ. Կարստի՝ այս գոյականները միօրինակացման օրենքի ձևավան տակ միացել են ի վերջավորությամբ բառերին վերցնելով վերջիններիս հոգնակի սեռականի *եաց* ձևը, որն էլ դարձել է *եց*<sup>18</sup>: Նշված բժշկարաններում տվյալ բառերը հիմնականում հանդիպում են *եց հնչունափոխված ձևով*, ինչպես՝ *աղեց*, *բաղնեց*, *կարեց*, *շլնեց*: Այդպիսով՝ կարելի է ասել, որ վերջիններիս համար *եց-ը* ամրա-

<sup>18</sup>Տե՛ս Յ. Կարստ, նշվ. աշխ., էջ 206:

գրվել է իբրև սեռականի և դրանից կազմվող բացառականի ցուցիչ:

Ճիշտ է նկատվել նաև, որ *եց* թերույթով ձևերը ավելի շատ հանդիպում են եզակիի իմաստով<sup>19</sup>: Պատճառն այն է, որ տվյալ բառերը բաղնիք, կարիք, շնչիք, չարիք հիմնականում զրաբարի անեզականներն են, որոնք հոգնակիածն են հոլովկում, բայց արտահայտում են եզակիի իմաստը. «Նշանն այն է, որ երեսն կարմիր լինի, շնչեց և բազկին երակն ի լի լինի» (ԲՍ 60): «...ք/2/ տամար կա, որ ի շնչեցն ք./2/ դիհեն երթա» (ԲՍ 106): «Եւ երբ ի բաղնեցն ելնէ, սակավ զինի խմե» (ԱՍ 169): «Պատճառն այն է, որ տաքնա և քրտնի կամ ի բաղնեցն ելնէ և պաղ ջուր խմե» (ԲՍ 85): «Յերբ պիտենայ տուր քստ կարեցն հիվանդին և օգտէ» (ԱՍ 127): Թերևս բացառություն է կազմում աղեց ձևը, որ միանշանակորեն կիրառվում է հոգնակիի իմաստով. «Նշանն այն է, որ ի ներսէն աղեց սկրտուք զա» (ԲՍ 96): «...որ օգտէ տալախին ցավուն և աղեց զաներուն» (ԱՍ 172): «Եւ որ սունկ չունենայ և արին երթայ այնոր պատճառն աղեցն երկնին բացւելուն լինի» (ԲՍ 123):

Բացառական հոլովը, ինչպես միջին հայերենում, առհասարակ աչքի է ընկնում հոլովակազմիչների առատությամբ, և հնարավոր չէ այս հոլովի կազմության հարցում գտնել որևէ օրինաչափություն, մանավանդ միևնույն բառը կարող է գործածվել մի քանի վերջավորություններով՝ ունենալով և՛ նախդրավոր և՛ աննախդիր ձևեր<sup>20</sup>:

Եզակի բացառականը հիմնականում կազմվում է ի նախդրով և է հոլովակազմիչով (յարենէ (ԲՍ 101), ի դուրսէն (ԱՍ 102), ի լինտէն (ԱՍ 179), ի կերակրէն (ԱՍ 115), ի ներսէ (ԲՍ 92), ի շարժմանէն (ԱՍ 88), ի պաղէ (ԲՍ 95), ի սնկէն (ԲՍ 124)), կամ միայն հոլովակազմիչով (բլղասէ (ԱՍ 228), դախիրայէն (ԲՍ 92),

<sup>19</sup> Է. Մկրտչյան, *Աշխարհաբարի զրական տարրերը միջնադարի զրական հուշարձաններում*, Ե., 1980, էջ 123:

<sup>20</sup> Տե՛ս նույն տեղում, էջ 119-120:

զախմէն (ԲՍ 110), լուծմանէն (ԱՍ 89), կերակրէն (ԲՍ 125), կնկանէ (ԱՍ 225), հիմնէն (ԱՍ 204), ձկնէ (ԱՍ 225), սրութենէ (ԲՍ 105), ուռեցնէ (ԲՍ 92), վաղվնէ (ԱՍ 154)): Բացի այս ընդհանրական ձևերից, բացառականը հանդես է զալիս նաև միայն ի նախյրով և սեռական-տրականի թեքույթներով՝ առանց հոլովակազմիչի, ինչպես՝ ի զինոյ, ի մսոյ (ԱՍ 115), ի ցրտոյ (ԱՍ 140), ի զլիացավու (ԲՍ 105), ի յուկրացավու (ԲՍ 60), ի բաղնեց (ԱՍ 169), ի շլնեց (ԱՍ 106): Առավել ուշագրավ են բացառականի՝ եզակի իմաստով աննախդիր կիրառությունները *աց, ից, ոց, ուց և եց* թեքույթների հետ: Այս դեպքում բացառականը ձևով նույնանում է սեռական-տրականին, և միայն իմաստից է երեւում հոլովական պատկանելությունը. ինչպես Պատճառն *այնկից* լինի, որ ... ի տղաբերքն ջուր շատ կու խմէ (ԲՍ 101): ... և փորոքն անկանի, նա անտից ընծայի զաւակն (ԱՍ 103): Որ ի ջերմն ցաւ կենայ, եթէ ի ցրտոյ և եթէ *զարկուց* (ԱՍ 140):

Ըստ Գ. Զահուկյանի հոգնակի ձևերը որպես եզակի ըմբռնելու համար հիմք են ստեղծել գրաբարի անեզական բառերը, որոնց բացառականի իցը սկսել է ըմբռնվել իբրև եզակի բացառականի վերջավորություն<sup>21</sup>: Այսպիսով՝ հենց այս շրջանում արդեն կարելի է փաստել աշխարհաբարի բացառականի *ից հոլովակազմիչի առկայությունը*:

Հոգնակի բացառականը իր կազմությամբ նմանվում է հոգնակի սեռական-տրականին. վերջինս կազմվում է հոգնակի սեռականի *աց, ից, ոց, ուց, նաև եց* թեքույթներով, իսկ հոլովակազմիչի դեր է կատարում ի նախդիրը, ինչպես՝ ի ծնողաց (ԱՍ 111), ի հիւանդաց (ԱՍ 116), ի շնչահանաց (ԱՍ 101), ի տէղացն (ԱՍ 90), ի սալուց (ԲՍ 100), ի դրուց (ԱՍ 100), ի մաղձից (ԱՍ 111), ի նեարդից (ԱՍ 131), ի յոտիցն (ԲՍ 106), յաղեց (ԱՍ 126): Առանձին դեպքերում նկատելի են նաև կրկնակ հոլովման<sup>22</sup>

<sup>21</sup> Գ. Զահուկյան, նշվ. աշխ., էջ 135:

<sup>22</sup> Այս մասին ավելի մանրամասն տե՛ս Հ. Աճառյան, *Հիակատարքերականություն հայոց լեզվի*, հ. III, Ե., 1957, էջ 852-856:

(կրկնակի բացառականով, այն է՝ սեռական-տրականի հոլովակազմիչ + է), կիրառություններ, ինչպես՝ ի դրուցէ (ԱՍ 136), ի կրծոցէն (ԱՍ 138), ի տեղացէն (ԱՍ 93), ի տղակուցէ (ԱՍ 122):

17-րդ դ. բժշկարանների քննությամբ հստակ կարելի է ասել, որ գործիական հոլովի թեքությներից (աւ, իւ, ով, ու ամբ, երբ) տարբեր հոլովման պատկանող բառերի համար արդեն իբրև գործիականի հոլովակազմիչ ընդհանրացել է աշխարհաբարի ով-ը, ինչպես՝ աղով (ԲՍ 117), բամբկով (ԱՍ 168), եղով (ԲՍ 124), ըղնկով (ԱՍ 194), թթվով (ԲՍ 125), կամով (ԲՍ 105), հուկնայով (ԲՍ 100), ճերմկուցով (ԲՍ 111), մշկով (ԱՍ 221), շարապով (ԲՍ 93), պարզուտով (ԱՍ 136), սերմով (ԱՍ 232), տարչինով (ԲՍ 98)և այլն:

Ով-ի հաղթանակը (ընդգծումը մերն է) Աճառյանը բացատրում է նրանով, որ այն ամենից լավ է զուգորդվում ւ-ի հետ<sup>23</sup>: Գործիականի ամբ թեքույթն էլ ընդհանրացել է -ուժին վերջավորությամբ ա ներքին հոլովման պատկանող բառերի համար (անուշութեամբ, կուսութեամբ, շարժելութեամբ, ողորմութեամբ, օգնութեամբ), որոնք աշխարհաբարում ևս ամբ-ով են թեքվում: Առանձին դեպքերում միայն կիրառվել են նաև առև և իյլ վերջավորություններով գրաբարյան հետևյալ ձևերը. դիւրաւ (ԲՍ 89), ժամանակաւ (ԲՍ 123), կամաւ (ԱՍ 107), ձեռաւ (ԲՍ 100), ճաւաւ (ԲՍ 103), բանիւ (ԱՍ 116), մարդիւ (ԱՍ 88), պատճառիւ (ԱՍ 117), փորձիւ (ԲՍ 68), բացախիւ (ԱՍ 135):

Հոգնակի գործիականը հիմնականում գործածվել է երև և նի հոգնակերտներով ու ով հոլովակազմիչով (դեղերով (ԲՍ 90), ձիթերով (ԱՍ 211), մեղերով (ԱՍ 199), տերենով (ԲՍ 118)), թեև կիրառվել են նաև օք վերջավորությամբ բառեր, ինչպես՝ դիմօք (ԱՍ 131), իրօք (ԱՍ 115), կամօք (ԲՍ 121), հնտանօք (ԱՍ 211), ձեռօք (ԱՍ 99), նշանօքն (ԱՍ 120), ջանօք (ԱՍ 117):

Բժշկարաններում զգալի հետաքրքրություն են ներկայացնում ներգոյական հոլովի կիրառությունները: Ներգոյականի

<sup>23</sup> Հ. Աճառյան, նշվաշիւ, էջ 527:

իմաստը հավասարապես արտահայտվում է ինչպես գրաբարածել (ի նախդիրը և՝ եզակիի, և՝ հոգնակիի դեպքում դրվում է հայցականի հետ (ի բաղնիսն, ի դանոնն, ի բուշտն)), այնպես էլ աշխարհաբարին բնորոշ ուժ հոլովակազմիչով, ինչպես՝ այսուբում (ԱՍ 230), զինում (ԱՍ 224), մադանում (ԱՍ 189), ոտքերում, ջղերումն, միքրում (ԱՍ 230): Ներգոյականի իմաստ արտահայտելու միջոց է նաև մեջ կապը սեռական հոլովի հետ (ի մեջն ծովու (ԱՍ 196), ի մեջ աղեցն (ԱՍ 98)): Տարածված է հատկապես դասական թվականների ներգոյականական կազմությունը ուժ վերջավորությամբ, ինչպես երկրորդում օրն (ԱՍ 116), չորրորդումն օրն (ԱՍ 217), վեցերորդում (ԱՍ 218): Այս կազմությամբ ներգոյականի ձևեր վկայվել են 12-13 դդ. հիշատակարաններում և վիմագիր արձանագրություններում<sup>24</sup>:

Այսպիսով՝ ուշ միջնադարի բժշկարաններում դրսենորվել են աշխարհաբարի հոլովման համակարգի գրեթե բոլոր առանձնահատկությունները, որն էլ փաստում է, որ դրանք արդեն սկսում են ընդհանրանալ և կայունանալ:

Tadevosyan Hasmik - Manifestation of Declension Features in the Medical Books of the Late Middle Ages. - This article investigates the declension features of the late middle ages' medical books (Asar and Buniyat Sebastatsi). The special attention is paid to forms which are characteristic for ashkharabar. There are represented features drawing up of types of declension, plural endings and case forms.

Тадевосян Асмик - Проявление особенностей склонения ашхарабара в лечебниках позднего средневековья. - В статье рассматриваются особенности склонения существительных в текстах лечебников (Асара и Буниата Себастаци) позднего средневековья. Особое внимание уделяется формам, которые характерны для ашхарабара. Представляются особенности типов склонений, окончаний множественного числа и падежных форм.

<sup>24</sup> Է. Մկրտչյան, նշվ. աշխ., էջ 137:

ԼԵԶՎԻ ՀԱՐՑԵՐԸ ՎԱՀԱՆ ՏԵՐՅԱՆԻ  
ՀՈԴՎԱԾՆԵՐՈՒՄ ԵՎ ՆԱՍԱԿՆԵՐՈՒՄ

Հայ գրական լեզվի հարցերը մշտապես մտահոգել են Վահան Տերյանին: Բանաստեղծի տեսակետները լեզվական հարցերի վերաբերյալ արտահայտված են հոդվածներում («Հոգևոր Հայաստան», «Ալեքսանդր Շատուրյան», «Անունը կա, ամանումը չկա», «Արջի ծառայություն», «Մի բացատրություն»), նամակներում և Հովհաննես Հովհաննիսյանի ու հայ բանաստեղծության լեզվի հարցերին նվիրված երկու գեկուցումներում\*, ինչպես նաև 1914 թ. կարդացած «Հայ գրականության գալիք օրը» հայտնի գեկուցման մեջ:

Լեզվի վերաբերյալ բանաստեղծի տեսակետները ներառում են հարցերի հետևյալ շրջանակը. ա. գրական լեզվի դերը, գործածության ոլորտներն ու մշակման ուղիները, բ. լեզվի «կենտրոնացման» հարցը, այսինքն՝ գրական լեզուն գործածելի դարձնելու և կանոնավորելու խնդիրը, գ. օտարախոսության հաղթահարումը որպես լեզվի զարգացման կարևոր գործոն, դ. բանաստեղծի դիրքորոշումը փոխառությունների վերաբերյալ:

Տերյանն ամենից առաջ մտահոգել է հայ գրականության գալիք օրով, ուղիներ փնտրել գրական լեզվի զարգացման ու «վերելքի» համար: Հստ բանաստեղծի գրականության զարգացումը պայմանավորված է ոչ միայն համամարդկային զաղափարների ու հույզերի արտացոլմամբ, այլև բարձր մշակման հասած գրական լեզվով:

\*Նշված գեկուցումների բնագրերը չեն պահպանվել, դրանց բովանդակության սեղմ շարադրանքը ներկայացրել է Պ. Մակինցյանը և տպագրել «Մշակ» թերթում (Թիֆլիս, 1917, N 26):

Տերյանի զեկուցումներից ու նամակներից պարզ է դառնում, որ բանաստեղծն ունեցել է գեղարվեստական գրականության ու մշակույթի զարգացման գործում ազգային լեզվի նշանակության խորը և հստակ ըմբռնում: Նա ազգային լեզվի դերն ու նրա մշակման ուղին համարել է գրականության զարգացման բոլոր գործուներից ամենակարևորը, քանի որ լեզուն ազգային մշակույթի ամենազորեղ գործոնն է: «Կուլտուրականության առաջին պայմանը զարգացած, հարուստ և ձկուն լեզուն է: Եթե շենքերը, պալատներն ու տաճարները այնքան ցայտուն կերպով չեն ցոլացնում ժողովրդի կուլտուրան, որքան լեզուն»<sup>25</sup>, – գրում է բանաստեղծը: Նա համոզված է, որ «լեզուն ժողովրդի հոգու, բնակորության արտահայտիչն է»<sup>26</sup>, նաև «լեզուն կուլտուրայի ամենազորեղ միջին է, մարդու ամենահավատարիմ ու անդավաճան միսիթարիչն ու սփոփիչը անխոս բնության, անբարբար տիեզերքի առջև»<sup>27</sup>:

Որոշակի տարբերակում մտցնելով գրական լեզու, գեղարվեստական գրականության լեզու, գիտության լեզու, բարբառ և այլ անվանումների ու հասկացությունների միջև բանաստեղծը տարրորշում է հայ գեղարվեստական գրականության արևելյան ճյուղի լեզվական մշակույթի երկու հիմնական ուղղությունները. «Մյուս կողմից մեր ոուսահայ կամ արևելյան լեզուն առաջ է գնացել երկու շավիով, երկու ճյուղավորությամբ՝ մի կողմից դա այն լեզուն է, որ դարձել է մեր մամուլի այժմյան լեզուն, այլ խոսքով՝ մեր գրական լեզուն, մյուս կողմից՝ այն լեզուն, որ գործածել են Աբովյանը, և հետո Պոռշյանը, Աղայանը և Թումանյանը»<sup>28</sup>: Ալ. Շատուրյանի մասին գրած հոդվածում ևս Տերյանը խոսում է լեզվամշակման այդ երկու հակադիր ուղղությունների մասին՝ այս դեպքում ոչ թե լեզուն, այլ գեղար-

<sup>25</sup> Վ. Տերյան, Երկերի ժողովածու, հ. 2, Ե., 1961, էջ 282:

<sup>26</sup> Նոյն տեղում:

<sup>27</sup> Նոյն տեղում, էջ 381:

<sup>28</sup> Նոյն տեղում, էջ 284:

վեստական գրականությունը նկատի ունենալով. «Մեր գրականությունը առաջ է գնացել երկու ուղղությամբ՝ Արովյան-Պոռշյան- Աղայան -Թումանյան -Իսահակյան և Նազարյան - Նալբանդյան -Շահազիզ -Պատկանյան -Ծատուրյան: Մեկի մեջ իշխում է ժողովրդական ոգին, մյուսը ստեղծում է մեր գրական լեզուն ընտրած մի միջին ճանապարհ գրաբարի ու ժողովրդական բարբառների միջև»<sup>29</sup>: Բանաստեղծն իրավացիորեն նկատում է, որ այդ երկու ճյուղավորումներից մեկը դարձել է մամուլի, գրազրության լեզուն, իսկ մյուսը կիրառվել է զլիավորապես գեղարվեստական ստեղծագործությունների լեզվում: Իսկ լեզվի երկփեղկման պատճառ Տերյանը համարել է այն, որ մեր զրոյները երբեմն հակում են ցուցաբերել դեպի գրաբարը կամ բարբառները: Ստեղծված իրավիճակը խոչընդոտել է հայ գրական լեզվի կանոնավորումն ու զարգացումը:

Մինչև 19-րդ դ. կեսերը հայ գրական լեզուն չի կիրառվել գեղարվեստական գրականության մեջ, քանի որ «չի ունեցել զարգացման կանոնավոր հուն»: 19-րդ դ. երկրորդ կեսից սկըսած հայ նոր գրական լեզուն սկսել է զարգացում ապրել: Գրական լեզվի զարգացման գործում, ըստ Տերյանի, մηիչ գործոն եղել է ոչ թե գեղարվեստական գրականությունը, այլ զարդարական մամուլը ու դպրոցները: Ահա թե ինչո՞ւ է հայ մամուլի լեզուն բանաստեղծը համարում գրական լեզուն նրան հակադրելով լեզվական մշակույթի այն ուղղությունը, որը լիովին առնչվում էր գեղարվեստական գրականության ստեղծմանը: Դրա համար ել գրական լեզվի ժողովրդայնացման ուղղությունը շեղում էր գրական լեզվի արհեստական ու հոետորական բնույթի դեմ:

Տերյանն անդրադառնում է հայ գրական լեզվի մշակման երկու ուղղությունների թերություններին ու արժանիքներին: Բարձր գնահատելով լեզվամշակման հակադիր ուղղության ներկայացուցիչներին՝ բանաստեղծը միաժամանակ ան-

<sup>29</sup> Նույն տեղում, էջ 239:

կենդան, կիսամեռ և այլ որակումներ է տալիս լեզվական հյուսափայլյան ուղղությանը, որի ներկայացուցիչն էր համարում իրեն<sup>30</sup>: Այդ լեզվի մեջ հենց պատկերավորության պակասն էլ ամենայն հավանականությամբ չէր բավարարել Պոռշյանին, Աղայանին, Սունդուկյանին. «Եվ շատ հասկանալի է, որ Սունդուկյանի նման մի անզուգական տաղանդ պետք է նկատեր, որ դրամայի ասպարեզում, թատրոնում այդ Նազարյան-Շահազիջյան լեզուն անկիրառելի է, անթույլատրելի, անհնար: Որովհետև ոչ մի տեղ այնքան աչքի չի ընկնում լեզվի մեռածությունը, որքան թատրոնում և այն կենցաղագրական -նատուրալիստական թատրոնում: Մյուս կողմից նույնը պիտի զգար և՝ Աղայանը, և՝ Պոռշյանը ժողովրդական կենդանի կենցաղին մոտենալիս»<sup>31</sup>:

Նոր գրական լեզվին նման որակումներ տալիս էր նաև Թումանյանը. «Էս լեզուն աղքատ, չոր ու ցամաք բառերի մի տերողորմյա է, անոճ ու անկենդանի»<sup>32</sup>: Եթե գրական լեզվի գնահատման հարցում Տերյանի ու Թումանյանի կարծիքները համընկնում էին, ապա գրողների կարծիքները գրական լեզվի զարգացման հեռանկարների վերաբերյալ, տարբերվում էին: Ի տարբերություն Թումանյանի Տերյանը համոզված էր, որ լեզվամշակման Աբովյան - Պոռշյան - Սունդուկյան - Թումանյան ուղղությունը, որքան էլ պատկերավոր լիներ, չէր կարող հաղթել Նազարյան - Շահազիջ - Հովհաննիսյան - Ծատուրյան ուղղությանը: Պատմական զարգացման հետևանքով հայ նոր գրական լեզու էր դարձել ոչ թե «կենդանի ու բնական», այլ «արվեստական», «անկենդան ու շինծու» լեզուն: Գաղութային, անկենդան լեզվի հաղթանակի զիսավոր գործոնը պայմանավորված էր այդ լեզվի համընդհանուր ու հասկանալի լինելով: «Լեզուն զարգանում է ազատ և չի կամենում հպատակվել լեզվաբաննե-

<sup>30</sup> Վ. Տերյան, Երկերի ժողովածու, հ. 2, էջ 285:

<sup>31</sup> Նույն տեղում:

<sup>32</sup> Հ. Թումանյան, Երկերի ժողովածու, հ. 4, Ե., 1951, էջ 142:

թին պեղած հին օրենքներին և օրինակներին»<sup>33</sup>, – գրում է Տերյանը: Բանաստեղծը հայ գրականության զալիք օրը պատկերացնում էր համամարդկային զաղափարներով ու հույզերով, «լայն ճանապարհի լեզվի» բարձրարվեստ զեղարվեստական մշակմամբ, որը պետք է նոր կյանք տար անկենդան լեզվին:

Տերյանը հայ գրականության զեղարվեստական վերելիք համար անհրաժեշտ երկու հանգամանք էր կարևորում՝ «ազգային կանոնագիր» դուրս եկած, համամարդկային հույզեր ու զաղափարներ արտահայտող գրականություն և մշակված, զարգացած գրական լեզու: Պատմական յուրաքանչյուր դարաշրջան թելադրում է կյանքն արտացոլելու իր սկզբունքներն ու շափանիշները, ուստի նպաստավոր չէր ժամանակի ռուս և եվրոպական գրականության բուռն որոնումների տեսադաշտում հայացքը ուղղել նախորդ շրջանի «զավառական» կամ «կիսազյուղական» գրականությանը: Անհրաժեշտ էր հաղորդակից լինել աշխարհի բարձրարվեստ մշակույթներին և հայ գրականությունը դուրս բերել շրջագծված գրական ավանդույթների կադապարներից, մոտեցնել ժամանակակից մարդուն ու մտածողությանը: Ինչպես նշում է 20-րդ դ. հայ գրական-քննադատական մտքի խոշորագույն ներկայացուցիչներից մեկը՝ Զ. Օշականը, Տերյանն «առանց ցոյցի շեղեցաւ մեծերին սիրելի ավանդութիւններէն» և «բարեշրջեց» արևելահայ բանաստեղծության ընթացքը<sup>34</sup>: Պատահական չէ, որ Թումանյանի նման մեծությունը արևելահայ չափածոյի լեզվի զարգացման երրորդ փուլի հիմնադիր էր համարում ոչ թե իրեն կամ Խահակյանին, այլ Տերյանին: Բանաստեղծի քնարերգության՝ իբրև իր ժամանակի զիսավոր այրումների ու դիմապատկերի ըմբռնումն էր Թումանյանին թելադրում արևելահայ բանարվեստի պատմության մեջ տերյանա-

<sup>33</sup> Վ. Տերյան, նշվ. աշխ., 2, էջ 289:

<sup>34</sup> Յ. Օշական, Արևելահայ դէմքէր, Պէյրութ, 1999, էջ 217:

կան շրջանն առանձնացնել իրքև նոր սկիզբ<sup>35</sup>:

Տերյանական լեզվի երևան գալով՝ լեզվամշակման ժողովրդական ուղղությունը տեղի տվեց: «Այն չմահացավ, իհարկե, – գրում է Ռ. Իշխանյանը, – բայց Տերյանի հանդես գալով վճռվեց «ով ումի» հարցը. արևելահայոց բանաստեղծության մեջ և առհասարակ գեղարվեստական խոսքում վերջնական ու բացարձակ գերիշխանությունն անցավ գուտ գրական լեզվին»<sup>36</sup>:

Հայերենի ավանդական բառաշինության ու Միփթարյան-ների կատարած գործի նկատմամբ Տերյանը դրսելորում է քննադատական վերաբերմունք: Գրողը ընդգծում է «լեզվի եվրոպականացման» անհրաժեշտությունը, այսինքն՝ «եվրոպական բառերի» առատ մուտքը հայերեն, պետք է փոխառություններ կատարել տարբեր լեզուներից «ստեղծագործական» լեզվի օգնությամբ յուրացնելով և ընդունելով դրանք: Այս առումով նա քննադատում է Միփթարյանների գործունեությունը. «Նրանք օտար բառը թարգմանում են կամ տեղը մի նոր, ինչպես իրենք են ասում, ավելի հայաշունչ բայց են թիում: Վելոսիավելին ասում են հեծանիվ, ինտելիգենցիային՝ մտավորականություն, սոցիոլոգիային՝ ընկերաբանություն, ֆիլոսոֆիային՝ իմաստասիրություն, պալտոյին՝ վերարկու, գալորշին՝ կրկնակորշիկ, փեշին՝ վառարան, տրամվային՝ էլեկտրաքարշ և այլն: Այդ ձևը սխալ է ոչ միայն նրա համար, որ «տրամվայ» բառը «էլեկտրաքարշ» բառից և բարեհնշյուն է, և դյուրըմբոնելի, այլև զլասավորապես նրա համար, որ այդպիսի սխոլաստիկ ձևով ստեղծվում է մի շարք անկենդան, շինծու, անհասկանալի բառերի ու դարձվածքների, որոնք մեր լեզուն դժվարացնում են, դարձնում ավելի դժվար յուրացվող մի լեզու...»<sup>37</sup>: Սակայն նշված տեսակետը բանաստեղծը չկիրառեց

<sup>35</sup>Հ. Թումանյան, Երկերի ժող. 6 հատորով, հ. 4, Քննադատություն և հրապարակախոսություն (1892 -1921), Ե., 1951, էջ 381:

<sup>36</sup>Ռ. Իշխանյան, Արևելահայ բանաստեղծության լեզվի պատմություն, Ե., 1978, էջ 348-349:

<sup>37</sup>Վ. Տերյան, Երկերի ժողովածու, հ. 2, էջ 280:

իր ստեղծագործության մեջ: Դրա համար էլ Տերյանի խոսքարվեստը բառաշխնության դասական օրինակ է, իսկ ոճական որոշակի արժեքով գործածվող նորաբանությունները գեղարվեստական խոսքի ու միջավայրի երանգավորման նպատակադրում ունեն:

Հայերենի զարգացման, պահպանման ճանապարհին Տերյանը լուրջ խոչընդոտ էր համարում հայ ժողովրդի մեջ խոր արմատներ զցած օտարախոսությունը: Նա մայրենիի պահպանումը համարում էր առօրյա գործելակերպ, լեզվի ամենօրյա բանավոր ու գրավոր գործածություն: Տերյանը բարոյական ու հասարակական աղետ է համարում, որ հայության մտավորականության զգալի մասը հայերեն չի խոսում: «Եթե «Հայ գրականության զալիք օրը» գեկուցման մեջ կարելի է որոշակի հանդուրժողականություն գտնել օտարախոս հայ մտավորականության նկատմամբ, ապա «Հոգևոր Հայաստանում» խստորեն քննադատվում է ազգային լեզվով չխոսող մտավորականությունը: Բանաստեղծը մերժում է օտարախոսության ամեն մի երևույթ: Տերյանը ոչ քնականոն է համարում անզամ՝ իր և ընկերների նամակագրությունը երբեմն հայերեն չէ, այլ դեպքերում խոսում է հայերեն չիմացող կանանց հայերեն սովորեցնելու մասին և այլն:

Ցոլակ Խանզադյանին հասցեազրած մի շարք նամակներում բանաստեղծը խիստ դժգոհություն է հայտնում, որ Խանզադյան ամուսինները իրենց երեխայի հետ հայերեն չեն խոսում. «Զեր փոքրիկ դստերը բարե կանես և կասես, որ Վահան քերին դժգոհ է, որ նա հայերեն չի բլլացնում...»<sup>38</sup>: Մեկ այլ նամակում, մտաբերելով Լազարյան Ճեմարանի դաստիարակ Ալ. Ֆլինկի խոսքերը, գրում է. «Մտաբերում եմ սրիկա Ֆլինկի բառերը «Խղճուկ ժողովուրդ եք, և ձեր լեզուն կ խղճուկ է: Ո՛չ, լեզուն խղճուկ չէ, բայց մենք համենայն դեպս, խկապես խղճուկ ժողովուրդ ենք»<sup>39</sup>: Տերյանը, հայերենը համարելով ամենահարուստ

<sup>38</sup> Վ. Տերյան, Երկերի ժողովածու, հ. 3, Ե., 1963, էջ 305:

<sup>39</sup> Վ. Տերյան, Երկերի ժողովածու, հ. 3, էջ 452:

լեզուներից մեկն աշխարհում, իր ազգակիցներից շատերին խղճուկ էր համարում այդ պարզեցնելու արժեքը չհասկանալու համար: Տերյանի կյանքից հայտնի են նաև ուրիշ դրվագներ, երբ նա բարոյական անկում է համարում ազգային լեզուն չկիրառելը: Հիշենք նաև այն հայտնի դեպքը, որ առիթ դարձավ «Զեմ դավաճանի իմ Նվարդին» ութնյակի գրությանը, ուր Արայի կնոջ՝ Նվարդի կերպարը խորհրդանշում է հայոց լեզուն:

Այսպիսին են եղել Վահան Տերյանի տեսակետները հայոց լեզվի դերի, նշանակության ու զարգացման հեռանկարների մասին, այն, ինչ էական է եղել բանաստեղծի համար, քանի որ, ինչպես փաստում է նա, լեզուն ազգի լինելության միակ գրավականն է, «լեզուն ազգի հոգին է. կենդանի է այդ հոգին, կենդանի է և ազգը. կենսունակ է առաջինը, ուրեմն կենսունակ է և երկրորդը»<sup>40</sup>:

Hovhannisyan Mary – The Problems of Language in the Articles and Letters of Teryan. - Teryan was constantly troubled about the issues of literary language, and in his letters and articles he expressed views on the great importance that national language had in the development of fiction and culture, as well as on the areas of usages and processing directions of literary language. It becomes clear from the reports and letters of Teryan, that he considered the role of national language and the path of its development to be the most important factor for the development of literature.

Оганнисян Мери – Языковые проблемы в статьях и письмах Теряна.- Проблемы литературного языка были постоянной заботой Теряна, и в своих письмах и статьях он высказал мнение о большом значении национального языка в развитии художественной литературы и культуры, а также о сферах использования и направлениях переработки литературного языка. Из писем и отчетов Теряна становится ясно, что он считал роль национального языка и путь его развития самым важным фактором развития литературы.

<sup>40</sup> Վ. Տերյան, Երկերի ժողովածու, էջ 290:

ԱՌԿԱՅԱՑՄԱՆ ՔԵՐԱԿԱՆԱԿԱՆ ԿԱՐԳԻ  
ԱՌԱՋԱՀԱՅԱՏԿՈՒԹՅՈՒՆՆԵՐԸ ՄԻՋԻՆ ՀԱՅԵՐԵՆՈՒՄ ԵՎ  
ՄՇՈ ԲԱՐԲԱՌՈՒՄ\*

Հայերենի գարգացման բոլոր փուլերում առկայացման քերականական կարգը նշույթային արտահայտություն ունի: Անորոշությունն ու որոշակությունն արտահայտության պլանում ներկայանում են որոշակիորեն ընդգծված հակադրությամբ: Եթե որոշակությունը ձևաբանորեն արտահայտվել է բառերի վերջում հոդեր ավելացնելով, ապա անորոշության իմաստը եղել է աննշույթ, զրո վերջավորությամբ<sup>41</sup>, սակայն, ինչպես կտեսնենք, նախաաշխարհաբարյան շրջանից սկսած՝ լայն տարածում է ստացել անորոշը նշույթավոր տարբերակով արտահայտելը նույնպես: Հայերենի գարգացման բոլոր փուլերում առկայացման քերականական կարգն արտահայտելուն ծառայել են ս, դ, ն հոդերը, որոնք, որպես արմատահնչյուններ, հանդես են գալիս նաև գրաբարյան սա, դա, նա, այս, այդ, այն, սոյն, դոյն, նոյն ցուցական դերանուններում: Սա ապացուցվում է ներքին վերականգնման այն օրինաչափությամբ, որ բազմիմաստ ս, դ, ն հոդերն անհրաժեշտության դեպքում կարող են ստանալ անձնական, ցուցական, ստացական դերանունների

\* Հետազոտությունն իրականացվել է ՀՀ ԿԳՆ ԳՊԿ-ի կողմից տրամադրվող ֆինանսական աջակցության շնորհիվ՝ № SCS 13-6B382 գիտական թեմայի շրջանակներում:

Միջին հայերենին վերաբերող լեզվական փաստերը հիմնականում տրվում են ըստ «Ակնարկներ միջին գրական հայերենի պատմության» աշխատության /հ. Բ, ՍՍՀ ԳԱ հրատ., Ե., 1975/:

<sup>41</sup> Գ. Զահուլյան, Ժամանակակից հայերենի տեսության հիմունքները, ՀՍՍՀ ԳԱ հրատ., Ե., 1974, էջ 205:

իմաստ և գործածվել՝ կա’մ փոխարինելով համապատասխան դերանուններին, կա’մ վերջիններիս հետ զուգահեռաբար<sup>42</sup>:

Գոյականների առկայացման համակարգայնությունն արտացոլվում է նաև միջինհայերենյան լեզվական հուշարձաններում ու Մշո բարբառի տարաբնույթ լեզվանյութում՝ թե՝ գըրավոր, թե՝ կենդանի խոսքում: Գրաբարում որոշյալության իմաստը հիմնականում արտահայտվել է ն հոդով. ս, դ հոդերն այս գործառույթով հանդես են եկել ավելի սահմանափակ կիրառությամբ: Միջին հայերենում ձևահմաստային այս նմանօրինակությունը մասնակիորեն վերանում է: Ստացականության իմաստը սկսում է կապվել հիմնականում ս, դ հոդերի հետ, իսկ ն հոդը ստանում է առաջին հերթին որոշյալություն արտահայտելու գործառույթ, թեև երկրորդաբար կարող է ունենալ ստացականության և ցուցականության իմաստ: Խիստ հազվադեպ սկամ դ հոդերը կարող են կատարել որոշիչ հոդի գործառույթ, ինչպես՝ *Ով զեղեցիկ ի հաւերդ, երնեկ ականջին, որ լսէ զբարի բարբառ քո-ՎԱ-30 /դ-որոշից/:* Բերենք հոդառության տարբեր դրսևորումներին վերաբերող օրինակներ միջին հայերենից՝ .... մինչ որ վճարի պարտքերս, որ ի յիմ շալակս է կուսած - Ֆր.-388 /ս-ստացական/, .... տեսեք թե քանի մարդիք յաշխարհէս դարտակ մնացին, - Ֆր.-434 /ս-ցուցական/, .... աշերդ է ի ծով նրման, ուներդ աղեղան լարման-ԿԵ-156 /դ-ստացական/, .... ես այդ աթոռոյդ տէրն եմ-ԷՍՍ-114 /դ-ցուցական/, .... թագաւոր մի կայր, աշուին էր խաժ-ՆՇ-638 /ն-ստացական/, .... ասեն իշխանքն և ճորտերն առ թագաւորն-ՎԱ-211, .... նոր տնկին զինին բնութեամբ այլ հով է, քան զին այզոյն-ԳՎ-84 /ն որոշիչ հոդ/<sup>43</sup>:

Միջին հայերենում և Մշո բարբառում տարբերակվում են ա/ որոշիչ, բ/ ստացական, գ/դիմորմշ, դ/ ցուցական հոդեր: Այս բոլոր իմաստային տարբերակումները որոշ չափով որոշյալության տարր են պարունակում և վերջին հաշվով ծառայում

<sup>42</sup> Ակնարկներ միջին գրական հայերենի պատմության, հ. Բ, էջ 78:

<sup>43</sup> Ակնարկներ միջին գրական հայերենի պատմության, հ. Բ, էջ 78-79:

են բառերի նշանակած առարկաների առկայացմանը<sup>44</sup>: Ս. Բաղդասարյան-Թափալցյանի գնահատմամբ Մշո բարբառի որոշիչ հոդերն են ն-ն և ը-ն: Ն որոշիչ հոդը դրվում է ձայնավորով վերջացող բառերից հետո՝ ճին, կադուն, լուն, գինին, շառուն, քերին և այլն: Բարբառագետը ը որոշիչ հոդը ներկայացնում է բաղաձայնով վերջացող բառերի գործածություններով, որպես օրինակներ բերում տունը, շունը, քաղաքը, գեղը, հերը, ախշարքը բառերը: Սակայն, ինչպես արդեն նշեցինք, Մշո բարբառում ը հոդը տիպաբանորեն բացակայում է, քանի որ համակարգային է ն-ի գործածությունն անզամ բաղաձայնավերջ բառերում: Եթե ը հոդի գործածությունները կան ել, ապա դրանք, ենթադրում ենք, Արարատյան բարբառի ազդեցությունն է, որում ը հոդը ներկայանում է առանց ն-ի զուգորդման: Ս. Բաղդասարյան-Թափալցյանը նույնպես նկատել է, որ Մշո բարբառում, եթե բառը վերջանում է բաղաձայնով, հաճախ ն որոշիչ հոդից առաջ բառին ավելանում է ը ձայնավորը, այսպես՝ տունըն, շունըն, քաղաքըն, գեղըն, հերըն, ախշարքըն, սակայն որևէ կերպ չի բացատրում դա: Հետազոտողը զրում է միայն՝ «Եթե որոշիչ ը հոդը ստացած բառին հաջորդում է ձայնավորով սկսվող բառ, այն դեպքում ը-ն, հակառակ աշխարհաբարի, չի դառնում ն»<sup>45</sup>, ասենք՝ կրնիզըն ըսէծ, կօվըն ուռավ և այլն: Որպես բացառություն է հիշատակում այն դեպքերը, եթե հաջորդող բառը լէ-ն է: Այդ դեպքում, ըստ Ս. Բաղդասարյան-Թափալցյանի, որոշյալ ը հոդին ավելանում է ն՝ *զերգու հացըն լէ կերավ, ըզչուրըն լէ խրմէց ու զընաց: զերգու ախաղէրըն լէ գացին սալդայթ* և այլն: Ս. Բաղդասարյան-Թափալցյանը կար-

<sup>44</sup> Գ. Զահուկյան, Հայոց լեզվի զարգացումը և կառուցվածքը, Ե., 1969, էջ 184:

<sup>45</sup> Ս. Բաղդասարյան-Թափալցյան, Մշո բարբառ, ՀՍՍՀ ԳԱ հրատ., Ե., 1958, էջ 102:

ծես ընդունում է ք հողի գոյությունը ն-ի զուգորդմամբ: Սակայն հայերենում երկու հոդ համատեղ, նույն նշանակությամբ գործածվել չեն կարող: Ընդամենը կարելի է ասել, որ մինչ օրս Մշո բարբառում ն հոդը բաղաձայնավերջ բառերի վերջում շարունակում է գործառել: Այն, որ Մշո բարբառում չկա ք հոդը, ժամանակին Մշո բարբառի Ալաշկերտի խոսվածքի տվյալներով դիտարկել է նաև Քերոբ Մադարյանը<sup>46</sup>: Մշո բարբառն օրինաշափորեն և անաղարտորեն մինչ օրս պահպանել է հինհայերենյան հոդառությունը, քանի որ քերականական կարգերը տոկուն են և հեշտությամբ չեն փոփոխվում և ոչ մի լեզվում:

Մշո բարբառում ու նրա խոսվածքներում կան կիրառություններ, երբ գոյականը որոշիչ հոդ չի կրում: Նմանատիպ դրսնորումները բերում ենք ստորև. ա/ շատ հաճախ ենթական գործածվում է անհոդ՝ *Առշագ գընած գ՛եղ, Ծաղկաց ընգակ գ՛եղին* և այլն, բ/ հանգման և մատուցման անուղղակի խնդիրները հոդ չեն ստանում այն դեպքում, երբ բառը հոգնակի թվում օծ /ng/ հոլովման է պատկանում. *գ՛օնձիկներ բ՛աժնէծին գ՛եղածոծ, ճամպօռներ մօղէծան քաղկըծօծ*, զ/ թե՝ անձ, թե՝ իր ցույց տվող ուղիղ խնդիրը, դրվում է առանց որոշիչ հոդի՝ *Մարօն հած թըխէծ, ջ՛ուր բ՛լուէծ, օծխար կըտէծ, էրէխսէն մօր շաղ գուզա* և այլն, դ/ ձայնավորով վերջացող անձնանուն ուղիղ խնդիրը գործածվում է առանց հոդի՝ *Մասմէկ գ՛ըրգէծ Կանօյ, զարգէծ Կարօյ, ծէձէծ Մարօյ* և այլն, ե/ առանց հոդի են գործածվում տրականով դրված նպատակի պարագան՝ *Մառան վազակ ջըրու* և այլն, զ/ ուղղական և տրական հոլովներով տեղի պարագաները, որոնք ներգոյական հոլովի իմաստ ունեն՝

<sup>46</sup> Ք. Մադարյան, *Ալաշկերտի խոսվածքը*, ՀՍՍՀ ԳԱ հրատ., Ե., 1985, էջ 95-98:

**Քօծօ արէստանօծ գօռձիկ շադ կա, դառպնօծ թազա փուկս ա դըրած, գաղէն էզավ ճ՛եռնէր ծօց և այլն:** Մշտ բարբառում ու նրա խոսվածքներում որոշիչ հոդը հաստատուն կիրառություն ունի: Վերոբերյալ անհոդ կիրառությունները ցույց են տալիս՝ այս քերականական կարգի ոչ համակարգվածությունը պայմանավորվում է նախորդ լեզվափուլերի հետ առնչություններով: Կարծում ենք՝ այսպիսի կիրառություններն արագախոսության հետևանք կարող են լինել:

Որոշյալությունն արտահայտելիս Մշտ բարբառը երկու հնչյունական յուրահատկություն է հայտաբերում: Եթե հոդակիր բարին հաջորդում է ձայնավորով սկսվող բառ, ապա ն հոդը արտասանվում է այդ ձայնավորի հետ, իսկ ը-ն ընկնում է՝ **քարըն կօղրավ**, բայց՝ **էձըն ուռավ /էձ նուռավ/**. Այս նույն օրինաշափությունն է գործում նաև հ՝-ից առաջ. և խուլ հազարը դուրս է ընկնում, ն հոդին հաջորդում է ձայնավոր՝ **քար նրնզավ**, այլ ոչ թե **քարըն հ՝ընզավ**: Թե՛ միջին հայերենում, թե՛ Մշտ բարբառում այն բարերը, որոնք բառավերջում ունեն ա ձայնավոր, ն հոդից առաջ հնչյունափոխվում են է-ի՝ **տղա >տղէն, փարա>փարէն, շրլապկա>շլապկէն, էրէխա>էրէխէն, փէսա>փէսէն** և այլն:

Որոշիչ հոդը միջին հայերենում գուրկ է հոլովատարբերակիչ գործառույթից, ձևաբանական մակարդակում ոլիրքային ոչ մի պայմանավորվածություն չունի և կարող է կցվել ցանկացած հոլովածեկի՝ եզակի, թե հոգնակի: Օրինակ՝ .... կատարեցաւ լիճ ճորտերուն անսիզնին և իրաւներն-ՍՍՍ-43 /հոգ. սեռ.-տր. և ուղղ./, ....իւրեանք իւրեանց անձներովն և բորգակովն-ՎԼ-187 /հոգն. և եզ. գործ./, ....մէկ մի ի զգայա-րանցն կամ չորս զգայարանքն-Գր.-93 /հոգն. բաց. և ուղղ./, ....զայն այզոյն գեղեցկութիւն -ՎԱ-179 /եզ. սեռ.-տր./, ....եւ թէ մի ուն հանց նեղ և մուրժն տեղումն կենար՝ չէր ապրիլ-ՍՕԲ-27 /եզ. ներգ./: Այս երևույթը Մշտ բարբառում զգալի սահմանափակումներով է ներկայանում, քանի որ հոդերն առհասարակ կըց-

վում են բացառապես ուղղական-հայցական և տրական հոլովներին: Սակայն Մշո խոսվածքներում հանդիպում են կիրառություններ, երբ բացառական հոլովը ն հոդ է ստանում չուրի յասուց տուն, բեռնիցը բերէց ախճրզա մառթիցըն լուր մի չիկա և այլն:

Մշո բարբառում պատկանելություն արտահայտելիս մեծ կիրառություն ունեն ստացական դերանունները, սակայն շատ հաճախ գործադրվում են ստացական հոդերը, որոնք իրացվում են ս, դ/տ, ն մասնիկներով: Ընդ որում, առաջին դեմքը ստանում է ս /ի/- գիրքսի, գըրքերսի-գիրքս, գրքերս, երկրորդ դեմքը՝ դ/տ/ի/- գիրքսի, գըրքերսի-գիրքդ, գրքերդ, երրորդը՝ ն՝ գիրքըն, գըրքերն-գիրքըն, գրքերն. Մշո բարբառով, Ալաշկերտի, Մանազկերտի խոսվածքներով խոսող բարբառախոսները ստացական ս, և դիմորոշ դ/տ հոդերին են ավելացնում նաև -ի մասնիկը՝ օրդներ> իմ օրդներ> օրդներս>օրդներսի, մադրիմ մադրն>մադրս>մադրսի, զլօխիմ զրլօխն> զլօխս>զլօխսի, ցավրօ ցավրցավրդ/տ> ցավրդ/տի, մրոռլ/տ>իմ մրոռլ/տն> մրոռլ/տս>մրոռլտսի, մէջր>րօ մէջրը>մէջրը> մէջրդ/տի, թէվրթէվրս> թէվտի, թուշ> քօ թուշր>թուշդ/տ>թշներդ/տի, միդրիմ միդր մրտէս>մրդէսի, ախալէր>քու ախալէր>ախալէրսի, փօր>իմ փօրի մէց փօրուսի մէջ և այլն: Օրինակներից երևում է, որ երբ -ի մասնիկն ավելանում է ս հոդին, արտահայտում է ստացականի, իսկ երբ ավելանում է դ/տ-ին՝ դիմորոշի իմաստ:

Ստացական ս, տ /դ/ հոդերը, երբ ավելանում են բառերին, որոշակի յուրահատկություններ են հայտաբերում: Մշո բարբառում տարածված գործածություն է բառերի՝ ոչ միայն ստացական հոդեր, այլև ստացական դերանուններ ստանալը՝ իմ քուրսի, քու հառստի, մէր տավարսի, ձէր քավօրտի և այլն: Ս. Բաղրասարյան-Թափալցյանը ստացական -ի մասնիկը համարում է աճական, բայց, թերևս, -ի մասնիկը ես դերանվան սեռական հոլովի, պատկանելություն արտահայտող իմ բառա-

ձեմի ի արմատահնչյունն է և, հավանաբար, ստացականության իմաստը սաստկացնելու համար դրվում է բառի վերջում: Այս տեսակետը հիմնավորվում է նաև նրանով, որ հինահյերենյան լեզվական հուշարձաններում իմ ստացական դերանունը գործառում է նաև հետադաս:

Մշտ բարբառի խոսվածքներում ստացական հոդերը գործածվում են դերանունների եզակի թվի փոխարեն, հոգնալի թվում պատկանելության իմաստն արտահայտվում է դերանուններով՝ *ՃՇՆՃՐ, ՃՇՆՃՐ, ՃՇՆՃՐՆ=իմ ՃԵՐԵՐԸ, ճՇՆՃՐԸ*, նրա ՃԵՐԵՐԸ, իսկ երկուսի կամ շատերի ՃԵՐԵՐԸ նշելու համար ասվում է՝ *ՄԵՐ ՃՇՆՃՐ, ՃՇՆՃՐ ՃՇՆՃՐ, ընդօնծ ՃՇՆՃՐ*: Ետադաս գործածության ժամանակ մեր, ճեր դերնունները ենթարկվում են կրծատման՝ ճեներ մէ, ճեռներ ճէ: Մըզի /մեզի/, ճըզի /ճեզի/ դերանունները ետադաս գործածվելիս չեն կրծատվում՝ *ՃՇՆՃՐԻ ՄՐՋԻ, ՃՇՆՃՐԻ ՃՇՆՃՐԻ* և այլն:

Մշտ բարբառի խոսվածքներում դիմորոշ են ս, դ, ն հոդերը, իսկ ն-ն ցուցական հոդի կիրառություն ունի՝ արտահայտելով ցուցական դերանունների նշանակությունը՝ կընի-գըն>այս կնիզը/այն կնիզը/այդ կնիզը և այլն: Ք. Մադաթյանի դիտարկումներով՝ Ալաշկերտի խոսվածքում բացակայում են ցուցական հոդերը: Մշտ բարբառի խոսվածքներում օրինաչափ երևոյթ է կապերի ստացական, դիմորոշ հոդ ստանալը՝ *խոռվան հետս «խոռվեցին ինձնից», կընստիմ մօղըդ «նստում եւ քեզ մուս», կէրտամ հէտըդ «կգնամ քեզ հետ»* և այլն: Մշտ բարբառում ս, տ/դ/ հոդերն արտահայտում են և՝ ստացականի, և՝ դիմորոշի իմաստ:

Մշտ բարբառում ցուցական հոդը ն-ն է, որը հավասարապես կարող է գործածվել և՝ այս, և՝ այն դերանունների իմաստն արտահայտելու համար՝ *գնիրքըն, տունքըն* և այլն: Ն հոդն

միաժամանակ նշանակում է և՝ *այս գիրքը, այս տունը, և՝ այն գիրքը, այն տունը:*

Միջին հայերենում արդեն նկատելի է դառնում մի թվականի անորոշության իմաստ արտահայտելու միտումը: Գործածության հատուկենտ դեպքերը, ինչպես՝ «....թագաւոր մի կայոց» կամ «....վարդապետի մն խօսքն բարի իրատ լինի» /ԱՕԲ-6/, աստիճանաբար լայն տարածում են ստանում, որոնց արտացոլումը տեսանելի է նաև Սշո բարբառում ու հայերենի մյուս տարածական միավորներում: Սշո բարբառում անորոշ առումն արտահայտվում է զրո վերջավորությամբ, ինչպես նաև *մի/մէ/ մը* անորոշ հոդերով, թեև հնչունական մը տարբերակը, որը հիմնականում հայերենի եզրային, արևմտյան բարբառներին է հատուկ, սակավադեպ է հանդիպում, համակարգային չէ և, ըստ էության, հնչաղթայում արագախոսության հետևանք է: Այս ձևույթները, որոնք նաև դիտվում են որպես անորոշ դերանուններ, ծագմամբ կապվում են մի թվականի հետ՝ որոշակիացնելով գոյականի ընդհանուր իմաստը՝ *մէ բան, մէ գոռծ, մէ խատ, մէ օր, մը ճար, մը խօսքի, տուն մի, բան մի, ճար մի, շօր մի* և այլն: Եթե գոյականը լրացում է ունենում, անորոշ մի/մը հոդերը դրվում են լրացումից առաջ՝ *մէ ջօշ քար, մէ խուռծ փաղախ խօդ* և այլն: Մէն միշտ նախադաս է, իսկ մին՝ հետադաս: Անորոշ հոդի հետ կարող է գործածվել նաև *հադ բառը, ինչպես՝ մէ հադ տուն, մէ հադ շուն* և այլն: Հոդի նման գործածությունը Հ.Աճառյանը համարում է «անորոշի գորացում»<sup>47</sup>: Սշո բարբառում նկարագրական եղանակով հոդի արժեքը ունի նաև մէզ բառը՝ անորոշ կիրառությամբ՝ *մէզ մարթ, մէզ տուն* և այլն:

Համադրումը ցույց է տալիս, որ առկայացման քերականական կարգը միջին հայերենում դեռևս պահպանում է դասական հայերենի նույն կարգի դրսեւորումները, որոնք հատկապես տեսանելի են ցուցական, դիմորոշ և ստացական հոդերի դեպ-

<sup>47</sup> Հ. Աճառյան, Քննություն Վանի բարբառի, Ե., 1953, էջ 142:

քում, իսկ Մշոն բարբառով որոշյալության գրեթե բոլոր դրսերումներում՝ աղերսվում նախորդ լեզվափուլերին, որոշ դեպքերում՝ հայտարերում ձևային յուրահատկություններ: Թէ՛ միջին հայերենում, թէ Մշոն բարբառում, առկայացման քերականական կարգի ձևականացման լուծումները նույնն են: Միայն ըհոդն է, որ միջին հայերենում ընդհանրապես ձևաբանորեն չի արտահայտվել, իսկ Մշոն տարածքի խոսվածքներում տարրեր պատճառներով համակարգային չի դարձել մինչ օրս:

Mkrchyan Garik- The Peculiarities of Grammatical Category of Taking Articles in Middle Armenian and Dialect of Moush.-The analysis based on the data of Middle Armenian and the dialect of Moush showed that the grammatical category of taking article in Middle Armenian still possesses the manifestations of the same system of the previous linguistic stage. Both in Middle Armenian and the dialect of Moush the form and meaning of the grammatical category of taking article are almost the same.

Мкртчян Гарик- Особенности расчлененной грамматической системы в среднеармянском языке и мушском диалекте .- Исследование, проведенное по данным среднеармянского языка и мушского диалекта, показывает, что в расчлененности грамматической системы в среднеармянском языке имеются проявления предыдущих языковых этапов. В частности, они очевидны в указательных, возвратных и притяжательных артиклах, в то время как мушский диалект соотносится с предыдущими языковыми этапами почти во всех проявлениях определенности. Как в среднеармянском, так и в мушском диалекте образно-смысловые решения расчлененности грамматической системы почти одинаковые.


ԿՑԱԿԱՆՈՒԹՅԱՆ, ԹԵՔԱԿԱՆՈՒԹՅԱՆ ԵՎ  
ԱՆՁԱՏԱԿԱՆՈՒԹՅԱՆ ԱՐՏԱՀԱՅՏՈՒԹՅՈՒՆԸ ՀԱՅԵՐԵՆԻ,  
ՌՈՒՍԵՐԵՆԻ ԵՎ ԱՆԳԼԵՐԵՆԻ ԱՆՑՅԱԼ ԱՆԿԱՏԱՐ  
ԺԱՄԱՆԱԿԱԶԵՎԵՐՈՒՄ

Հայերենը, անզլերենը և ռուսերենը տիպարանական տեսանկյունից երեք տարբեր լեզուներ են, համապատասխանաբար կցական, անջատական և թեքական: Սակայն, հայտնի է, որ յուրաքանչյուր լեզվում կարող է հանդես գալ տվյալ տիպին ոչ բնորոշ հատկանից: Դրանք վեր հանելու համար հայերենի, ռուսերենի և անզլերենի անցյալ անկատար ժամանակաձևերի բայաձևերը վերլուծենք երկու տեսանկյունից՝ ըստ բայաձևի քերականական մասնիկների արտահայտած իմաստի՝ մենիմաստ, բազմիմաստ, և ըստ բայաձևի բաղադրիչների կազմության ձևի՝ կցում, թերում, անջատում:


Անցյալ անկատար ժամանակաձևն ունի կազմության երեք կամ չորս բաղադրիչ՝ պարզ բայերի դեպքում արմատ (*խոս-ել, խաղ-ալ*), անկատար դերբայի -ում վերջավորություն և եմ օժանդակ բայի անցյալ ժամանակի խոնարհված ձևեր, ածանցալոր բայերի դեպքում վերոնշյալին ավելանում է ևս մեկ բաղադրիչ՝ ածանց (սոսկածանցներ և պատճառական ածանցներ)<sup>48</sup>: Հստ այդմ, հայերենի անցյալ անկատար ժամանակաձևի բայաձևը բաղկացած է երկու մենիմաստ՝ դերբայական -ում վերջավորություն, ածանցներ, և մեկ բազմիմաստ՝ էի, էիր, էր,

<sup>48</sup>Բազմապատկական ածանցները քննության շեն առնվում՝ նկատի առնելով այն հանգամանքը, որ վերջիններս կատարյալի հիմքից կազմված բայաձևում շեն ընկնում և շեն ենթարկվում հնյունական հերթագայության, այլ շարունակում են պահպանել բառակազմական իմաստը:

էինք, էիք, էին, քերականական մասնիկներից: Հստ բայաձևի քերականական մասնիկների արտահայտուծ իմաստի՝ բայաձևն ունի հետևյալ տեսքը.



Եթե անցյալ անկատար ժամանակի բայաձևը վերլուծենք ըստ բայաձևի բաղադրիչների կազմության ձևի, ապա կնկատենք բայաձևի բաղադրիչների և կցում, և անջատում, և թերում:



Բայաձևի բաղադրիչների և դրանց ամբողջության մասին պատկերացում կազմելու համար անցյալ անկատար ժամանակի բայաձևը կարելի է բանաձևել և այն համեմատել զուգադրվող երկու լեզուների՝ ռուսերենի և անգլերենի նույն ժամանակի բայաձևերի հետ: Անցյալ անկատար բայաձևի արմատական բաղադրիչը նշանակենք *A* տառով, անկատար դերբայի -ում վերջավորությունը՝ *Շ*, օժանդակ բայը՝ *Ե*, սուլկածանցը՝ *Ը*, պարզ բայերի դեպքում կունենանք *Ad+Ե* բանաձևը<sup>49</sup>, ածանցավոր բայերի դեպքում՝ *Adc+Ե*:

Ռուսերենում անցյալ անկատար ժամանակը վերլուծելիս պետք է հաշվի առնել բայի անկատար և կատարյալ կերպի կազմության առանձնահատությունները: Անցյալ անկատար ժամանակաձևը կազմվում է և անկատար, և կատարյալ կերպից: Կատարյալ կերպից կազմվող անկատար կերպի բա-

<sup>49</sup> + նշանը դրվում է, եթե բայաձևի բաղադրիչները անջատ են զրկում, իսկ բառային մեկ ամբողջություն կազմող բաղադրիչների միջև նշան չի դրվում:


յերը ածանց են ստանում՝ *-и́ва/-ва/-а<sup>50</sup>*: Անցյալ անկատար ժամանակի վերջավորությունը՝ *–я* ածանցն է, որն ավելանում է անորոշի հիմքին, իսկ հոգնակի թվի ցուցիչը՝ *-и-ն*՝ *–я* ածանցին.

1. անկատար կերպ - *игра/тъ* > *игра+л(и)*, *люби/тъ* > *люби+л(и)*, *бра/тъ* > *бра+л(и)*.
2. կատարյալ կերպ - *пере/писа/тъ* > *пере/пис/ы́ва/л*, *до/бы/тъ* > *до/бы/в/а/л*, *за/земли/тъ* > *за/земл/я/л*:

*Ոռւսերենի* անցյալ ժամանակի երրորդ դեմքն ունի նաև *արական*, *իզական* և *չեզոք սեղի* ցուցիչներ: Արական սեռն արտահայտվում է զրո վերջավորությամբ, *իզականը՝ -а*, *չեզոքը՝ -о<sup>51</sup>*: Սեղի ցուցիչները միանում են եզակի երրորդ դեմքի բայաձևին, հոգնակիում դրանք բացակայում են:

*Հայերենի* համեմատությամբ՝ *ոռւսերենի* անցյալ ժամանակն ունի մեկ առանձնահատկություն. առանց անձնական դերանունների՝ գործողություն կատարողի դեմքը մնում է անհայտ: Այս տեսանկյունից *ոռւսերենը* նման է *անգլերենին*, որտեղ դերանունն իր վրա է վերցնում գործողություն կատարողի դեմքի և թվի գաղափարը: *Հայերենում* անձնական դերանունները միայն ընդգծում են գործողություն կատարողի դեմքը և թիվը:


*Հստ բայաձևի քերականական մասնիկների արտահայտած իմաստի՝* ոռւսերենի անցյալ անկատար ժամանակաձևներով:




մենիմաստ քերականական մասնիկներ

<sup>50</sup> *Русская грамматика*, т. I, М., 1980, с. 585, 634:

<sup>51</sup> *Русская грамматика*, т. I, М., 1980, с. 627:



Հստ բայաձեկի բաղադրիչների կազմության ձևի՝ անցյալ անկատար ժամանակի բայաձեկի մեջ միաժամանակ առկա է բաղադրիչների կցում, անջատում և թերում:



Անցյալ ժամանակը կազմելիս բայակերտ վերջավորությունից առաջ առաջ և ունեցող բայերում առ պահպանվում է: Այն, ըստ էության, խոնարհիչի դեր է կատարում, բայց քանի որ, ի տարբերություն հայերենի խոնարհիչների (Ե, Ա), չի ընկնում, ոչ էլ հանդես է գալիս բայաձեկի կազմի մեջ մտնող քերականական որևէ մասնիկի հետ, ապա անցյալ անկատար ժամանակի բայաձեկի կադապարը կազմելիս կարելի է դիտարկել այն որպես ածանցական բաղադրիչ, նշանակել և տառով՝ զուգադրելով հայերենի սուլածանցներին: Սուլածանցները ևս բային նոր իմաստ չեն հաղորդում, իսկ քերականական առանձնահատկությունն այն է, որ անցյալ կատարյալի հիմքից կազմվող ժամանակների բայաձերում ընկնում են. *հազնել-հազա, հազել-էմ, դիազել-դիազա, դիազել-էմ*. Առ առ առ ընկնում է, սակայն ոչ թե

<sup>52</sup> Արական սեռը քերականական ցուցիչ չունի:

կատարյալ կերպից կազմվող բայաձերում, այլ ներկայում՝ լիօնլիո, իսկ անցյալ ժամանակի անկատար և կատարյալ կերպից կազմվող բայերում պահպանվում է՝ լիօնլլ, ոլիօնլլ։ Այդ իսկ պատճառով -*Ա*-ն ներկայացնում ենք այնպես, ինչպես -*ն*-և -*շ*- սուլկածանցները։

Կարելի է կազմել նաև ոուսերենի անցյալ անկատար ժամանակի կազմության բանաձեր։ *Ոուսերենի դեպքում* ևս կա երկու բանաձեւ։ Անկատարի կերպից կազմվող բայաձեի արմատը նշանակում ենք *A* տառով, դերանունը՝ *Ե*, ժամանակի վերջավորությունը (-*լ*)՝ *Ճ* տառով, գոյականական սեռի ցուցիչը՝ *Ր* (*րօլ*), ածանցը՝ *Ը*, ստացվում է *b+Acd(Ճ)*<sup>53</sup> բանաձեր։ Հոգնակի թվում սեռի ցուցիչ փոխարեն հանդես է զալիս հոգնակի թվի ցուցիչը (-*Ա*)՝ *bՃ*։ Ստացվում է *b+Acd(bՃ)* բանաձեր։

Բայի կատարյալի կերպից կազմվող անցյալ անկատար ժամանակի բայաձերը քերականական երկու մասնիկով ավելի են անկատարի կերպից կազմվող ձևերից։ Անկատարի կերպի ցուցիչը՝ *-ԵՎԵ-*, նշանակում ենք *Ը* տառով, իսկ նախածանցը *ՊԵՐԵ-*, որն անցյալ անկատար ժամանակաձեռում կատարյալի կերպի ցուցիչն է, նշանակում ենք *Ճ*։ Եզակիում ստացվում է *b+Ը+Acd(Ր)*, իսկ հոգնակիում՝ *b+Ը+Acd(bՃ)* բանաձեր։

Հայերենի և *ոուսերենի* անցյալ անկատար ժամանակաձևին *անզլերենում* համապատասխանում է *անցյալ շարունակականը*՝ *Past Continuous-ը*<sup>54</sup>։

Ինչպես ներկայում, այդպես էլ անցյալում կա նրբերանգային տարբերություն. անցյալ մի ժամանակակետում ընթացքի


<sup>53</sup> *Ր*-ն փակագծերի մեջ դնելու պատճառն այն է, որ հոգնակիում *Ր*-ն, որպես պարտադիր պայման, ընկնում է, քանի որ դրա փոխարեն հանդես է զալիս *ԵՎԵ*-ը՝ հոգնակերտ մասնիկը. ընդգծում ենք, քանի որ, եթե եզակի թվում գործողություն կատարողն արական սեռ լինի, որի ցուցիչը զրո վերջավորությունն է, այն չի արտահայտվի։

<sup>54</sup> В. Каушанская, указ. соч., с. 90-91:

մեջ եղող գործողություն և առհասարակ գործողություն, որ կատարվում է անցյալում:

Անզերենում գործողություն կատարողի դեմքն արտահայտում են դերանունները՝ *I, You he/she/it, we, they*: Ի տարբերություն հայերենի՝ առանց դերանվան ոչ մի ժամանակաձև դիմավոր բայի իմաստ չի կարող արտահայտել: *Առուսերենը հայերենի և անզերենի միջև միջին դիրք է գրավում*: Այն ժամանակաձևերում, որոնց բայաձևը զուրկ է դիմաթվային վերջավորություններից, հանդես են գալիս անձնական դերանունները: Անզերենը զուրկ է թերական տիպին պատկանող լեզուների առանձնահատկությունից՝ դիմաթվային վերջավորություններից: Վերջիններիս փոխարեն եղանակաժամանակային ձևերում հանդես են գալիս դերանունները:

*Անցյալ անկատար ժամանակաձևը կազմությամբ նման է ներկա անորոշին:* Միակ տարբերությունը -ed թերականական մասնիկն է, որ կցվում է անորոշի ձևին՝ բացի անկանոն և տարարմատությամբ կազմվող բայերից:




Բայաձևի բանաձի կազմությունը պարզ է, նույնանում է ներկա անկատար ժամանակի բանաձևին՝ *b+Ad*. Ի տարբերություն -s (-es)-ի՝ -ed-ն՝ d-ն, հանդես է գալիս եզակի և հոգնակի թվի բոլոր բայաձևերում. *I worked, you worked, he worked, we worked, they worked*:

Եթե *հայերենում անցյալ անկատար ժամանակաձևի բայաձևն արտահայտվում է երկու առանձին բաղադրիչով, ոուսերենում՝ մեկ, ապա անզերենում՝ երեք*. *I was talking, you were playing, she was swimming*. Երկրորդ բաղադրիչը *to be* բայի անցյալի տարբերակներն են՝ *was* (եզակի թվի հետ), *were* (հոգ-

նակի թվի հետ): Վերջիններս անցյալ ժամանակի քերականական ցուցիչներն են և առանձին գործածություն ունեն:


Երրորդ բաղադրիչը կարելի է համեմատել հայերենի անկատար դերբայի հետ, որն անկախ գործածություն չունի, իսկ *-ing* վերջավորության միջոցով բայաձևին հաղորդում է գործողության անավարտության զաղափար: Կազմվում է բայի հիմքին կամ առանց *to* մասնիկի անորոշ ձևին *-ing* մասնիկի կցումով:

*Հստ բայաձևի քերականական մասնիկների արտահայտած իմաստի՝* անզլերենի Past Continuous ժամանակաձևում ենք և' մենիմաստ, և' բազմիմաստ քերականական մասնիկներ:



առաջին բառաձև երկրորդ բառաձև երրորդ բառաձև

*Հստ բայաձևի բաղադրիչների կազմության ձևի՝* անցյալ անկատար ժամանակաձևի բայաձևի կազմում միաժամանակ առկա է բաղադրիչների անցատում, կցում և թերում:



թերում (ժամանակ, թիվ, մասամբ՝ դեմք)

Նոյն կերպ կարելի է բանաձևել նաև անզլերենի Past Continuous-ը: Բայի հիմքը նշանակում ենք A տառով, *participle I*-ի վերջավորությունը՝ d տառով, դերանունը՝ b, իսկ ժամանակի ցուցիչը՝ *was/were*, նշանակենք եւ: Կատացվի *Past Continuous* ժամանակաձևի կազմության ե+ե+Ad բանաձևը:

Այսպիսով, անցյալ անկատար և անցյալ շարունակական ժամանակաձևերի կազմության բանաձևերը ցույց են տալիս, որ երեք լեզուների զուգադրությամբ ժամանակաձևի *ա-*

ուավել պարզ կազմություն ունի հայերենը, ամենաբարդը՝ ուսւերենը, անզլերենը այս երկու լեզուների միջև միջին դիրք է գրավում: Ուսւերենի անցյալ անկատար ժամանակածուում լեզվի տիպին բնորոշ թերականության հատկանիշը ցայտուն չի դրսենուի, իսկ անզլերենի անջատականության հատկանիշը դրսենուի է:

**Աղյուսակ 1: Հստ բայաձեի թերականական մասնիկների արտահայտած իմաստի:**

Լեզու	Հայերեն	Ուսւերեն	Անզլերեն	
Ժամանակածու	Անցյալ անկատար	Անցյալ անկատար	Անց- յալ անո- րոշ	Անցյալ շարունական
Մենիմաստ թերականական մասնիկների թիվ	1	2/4 // //	1	1
Բազմիմաստ թերականական մասնիկների թիվը	1	-	-	1
Բառաձերի թիվը	2	2	2	3

**Աղյուսակ 2: Հստ բայաձեի բաղադրիչների կազմության ձևի:**

	Հայերեն	Ուսւերեն	Անզլերեն	
	Անցյալ անկատար	Անցյալ անկատար	Անցյալ անորոշ	Անցյալ շարունական
Կցում	1	2/4	1	1
Թերում	1	-	-	1
Անջատում	1	1	1	2

Muradyan Lusine - The Expression of Agglutination, Inflection and Isolation in Armenian, Russian and English Past Indefinite Tense.- The article represents the parallel typological analysis of the Past indefinite Tense of the Armenian, Russian and English languages. In the article are formed and compared the Past Indefinite's creating formulae of three languages. The comparison shows that more simple forming has Armenian, the most difficult Russian, and English takes medium position with comparing of this two languages.

Мурадян Лусине - Агглютинативное, флективное и изолирующее выражение прошедшего времени армянского, русского и английского языков.- В статье представлен сопоставительно-типологический анализ прошедшего времени в армянском, русском и английском языках. Сформированы и для сравнения представлены формулы прошедшего простого времени трех языков. Сравнение показывает, что в армянском способ построения глагольной формы наиболее простой, самый сложный - в русском, а английский занимает среднее место по сравнению с армянским и русским.

## ԱՎԵԼՈՐԴԱԲԱՆՈՒԹՅՈՒՆՆԵՐ ԵՐԵՎԱՆԻ ԽՈՍԱԿՑԱԿԱՆ ԼԵԶՎՈՒՄ<sup>55</sup>

Խոսքում հաճախ կիրառվում են բառեր, որոնք ավելորդ են, խոսքին լրացուցիչ բովանդակություն չեն հաղորդում, չեն նպաստում խոսքն արագ և ավելի արդյունավետ ընկալելուն, ծանրաբեռնում են խոսքը: Այսպիսի բառեր և արտահայտություններ հաճախ կիրառվում են ոչ պաշտոնական, առօրյա շփման ընթացքում, կենցաղում, մտերմիկ զրույցներում, վիճելիս և բանավիճելիս: Ընդունված է նման կիրառությունները հիմնականում վերագրել աղքատ բառապաշար ունեցող մարդկանց՝ կարծելով, որ նրանք չեն կարողանում խոսքն ավելի բազմազան դարձնել, կիրառել հոմանիշներ, փոխարերություններ և այլն, ուստի դիմում են ավելորդ բառերի:

Ավելորդաբանությունները կամ ավելորդ բառերը առաջարկում ենք դասակարգել հետևյալ կերպ:

1. *Բառեր, որ չեն փոխում խոսքի բովանդակությունը, անհրաժեշտ չեն, մակարույժ են:* Ումանք սիրում են բանավոր խոսքում կիրառել այնպիսի բառեր, որոնք անհրաժեշտ չեն տվյալ միտքը ամբողջությամբ արտահայտելու համար: Հաճախ մարդիկ ձգուում են ավելի արագ և կիրք խոսել, բայց քանի որ չունեն բավարար բառապաշար, խոսքում արտահայտչական ընդմիջումներ են հայտնվում, նաև այնպիսի բառեր, որոնք, անկախ խոսողի կամքից, անընդհատ կրկնվում են: Սրանք, այսպես կոչված, մակարույժ բառեր են: Նմանատիպ բառերի կիրառումը կարելի է բացատրել ինչպես բառապաշարի սակա-

<sup>55</sup> Հետազոտությունն իրականացվում է ՀՀ ԿԳՆ ԳՊԿ-ի կողմից տրամադրվող ֆինանսական աջակցության շնորհիվ՝ 13YR-6B0006 «Երևանի խոսակցական լեզուն» գիտական թեմայի շրջանակներում:

վությամբ, այնպես էլ խոսողի հուզական վիճակով, շտապողականությամբ, անակնկալ հարցադրումներով և այլն:

Հոգեբանները կարծում են, որ մակարույժ բառերի կիրառումը խոսքում ունի իր հոգեբանական պատճառները: Օրինակ՝ Նրանք, որոնք իրենց խոսքում հաճախակի են կիրառում «այսպիսով» բառը, ինքնավատահության պակաս ունեցող մարդիկ են, «ուղղակի, պարզապես» բառերը հաճախակի կիրառում են նրանք, որոնք վախենում են պատասխանատվությունից, «իրականում» բառը եզրիստ մարդիկ են շատ կիրառում, «ի դեպ» հաճախակի ասում են ամաչկոտները և այլն<sup>56</sup>:

Պետք է նշել, որ մակարույժ բառեր կիրառելը անհատական բնույթ ունի, յուրաքանչյուրն ինքն է «ընտրում», թե որ բառը կիրառի, սակայն կան բառեր, որոնք համընդիանուր կիրառություն ունեն: Մակարույժ բառերն արտահայտվում են տարբեր խոսքի մասերով, հիմնականում ձայնարկություններով, եղանակավոր բառերով, որոշ դեպքերում միջանկյալ բառերով և արտահայտություններով: Օրինակ՝ *Ըմ-ըս, է-է, ա-ա,* այսպիսով, *լավ, բայց, սակայն, ուրեմն, ահա, ի միջի այլոց, կարծում եմ, իմ կարծիքով, հասկանում ենք, ասենք, ենթադրենք, համենայն դեպս, մի տեսակ, եսիմ, պարզ ա, տենց բաներ, բանք, բա և այլն:*

Առօրյայում հաղորդակցվելիս շփման ցածր մակարդակում տեղ են գտնում ժարգոնային մակարույծներ: Օրինակ՝ *խոսքի, քցենք...*

2. *Բառեր, որոնք կիրառելիս առաջանում է իմաստի կրրկնություն:* Երբեմն նախադասության մեջ գործածվում են բառեր, որոնք ավելորդ են, քանի որ այդ բառերի իմաստն արդեն արտահայտում է կից գործածված մյուս բառը կամ բառերը: Օրինակ՝ *Նորից եմ կրկնում, նորից վերիշեցի* արտահայտու-

<sup>56</sup> Տե՛ս

[http://www.diplomat.am/publ/ani\\_xudoyan/psixo/makabowyc'\\_bar'er/22-1-0-720:](http://www.diplomat.am/publ/ani_xudoyan/psixo/makabowyc'_bar'er/22-1-0-720)

թյունների մեջ ավելորդ է նորից բառը, քանի որ կրկնում եմ բայց արդեն ունի «նորից» իմաստը, նշանակում է նորից եմ ասում, վերհիշեցի բառի վեր մասնիկը արդեն ունի «նորից» իմաստը: Քեզ հետ միասին արտահայտության մեջ ավելորդ է միասին կապը, քանի որ հետ-ը արդեն նշանակում է միասին:

Կամ՝ *Մինչև առ այսօր* արտահայտությունը սխալ է, պետք է գործածել կամ մ մինչև, կամ առ, քանի որ գրաբարյան *առ նախդիրն* ունի «մինչև» իմաստը: *Նրանք միմյանց փոխադարձաբար ողջունեցին նախադասության մեջ սխալ է միմյանց-ի և փոխադարձաբար-ի միաժամանակյա կիրառությունը:* *Միմյանց, իրար, մեկմեկու դերանուններն ունեն փոխադարձության իմաստ, ուստի փոխադարձաբար բառն ավելորդ է:*

*Անվճար նվեր, անվճար նվիրել* արտահայտությունները խոսակցական լեզվում սկսել են տարածվել հավանաբար գովազդի հետևանքով: Անշուշտ հասկանալի է, որ նվերը վճարովի չի լինում, բայց գովազդում կիրառվում է այս ավելորդաբանությունը, որպեսզի ավելի շեշտվի մատուցվող ծառայության անվճար լինելը:

**3. Բառեր, որոնք արդեն հայտնի են, ինքնին հասկանալի, լրացուցիչ բռվանդակություն չեն հաղորդում խոսքին:**

Օրինակ՝ Երևան քաղաքը – Երևանը, երկուշաբթի օրը- երկուշաբթի, հայերեն լեզուն- հայերենը // հայոց լեզուն, դեղին գույնը-դեղինը, մարտ ամսին- մարտին և այլն: Հայտնի է, որ Երևանը քաղաք է, ուստի ավելորդ է քաղաք բառը, նմանապես ավելորդ են նաև լեզու, օր, գույն, ամիս բառերը:

Կամ՝ *խիստ ձևով, դաժան կերպով* արտահայտություններում ավելորդ են ձևով և կերպով բառերը, քանի որ խիստ և դաժան մակրայներն արդեն ինքնին արտահայտում են ձևով և կերպով բառերի իմաստները:

*Հինգ հատ* արտահայտության մեջ էլ ավելորդ է հատ բառի գործածությանը, քանի որ թվականները նշանակում են հենց քանակ:

Նմանատիպ արտահայտություններ են նաև *հանդիպել* միասին, *լրացուցիչ բռնուս, ուրիշ այլընտրանք, տեղացի աբորիգեն, ժողովրդական բանահյուսություն, անսպասելի անակնկալ, իսպնելի իրար, փոխադարձ համազործակցություն և այլն:*

4. *Բառեր, որոնք ավելորդ են, քանի որ հայերենի քերականությանը հարիր չեն, կիրառվում են օտար լեզուների ազդեցությամբ, բառացի թարգմանությունների հետևանք են, հիմնականում ոռւսաբանություններ: Օրինակ գտնվում է լավ վիճակում, հանդիսանում է ներկայացուցիչը արտահայտություններում ավելորդ են գտնվել, հանդիսանալ բայերը, քանի որ է օժանդակ բայը նշանակում է «գտնվել, լինել, գոյություն ունենալ», ուստի լիովին արտահայտում է այդ իմաստը:*

Նմանապես *համարվում է, կայանում է օտար կառույցներում ավելորդ են համարվում և կայանում բայերը, դրանց փոխարեն պետք է կիրառել է օժանդակ բայը: Օրինակ՝ բանը կայանում է նրանում-ի փոխարեն՝ բանն այն է...*

Ներկայացնենք հայերենին խորթ մեկ այլ օրինակ, եթե ենթակայից հետո միաժամանակ դրվում է դա կամ դրանք որպես լրացուցիչ ենթակա: Օրինակ՝ *Հայրենիքը՝ դա, երազանքները՝ դրանք, արտահայտություններում ավելորդ են դա, դրանք դերանունները, քանի որ դրանց կիրառությունը խորթ է հայերենին. ոուսերենից բառացի թարգմանությունների հետևանք են՝ ոուսերենի թու դերանվան նմանողությամբ:*

Խոսրում ավելորդ բառերի կամ ավելորդաբանությունների լայն կիրառությունը պայմանավորված է առաջին հերթին նրանով, որ հանրության տարբեր ներկայացուցիչներ տարբեր հաճախականությամբ և տարբեր չափով են կիրառում դրանք, այսինքն՝ ավանդությով փոխանցվում է դրանց կիրառությունը: Մինչդեռ կան ավելորդաբանություններ, որոնք անհատական, դիպվածային բնույթը ունեն, դրանք ժամանակակից ավելորդաբանություններ են, որ հիմնականում կապված են նոր երևույթ-

ների, ժամանակակից տեխնոլոգիաների հետ: Հստ այդմ՝ առանձնացնում են ավելորդաբանությունների երկու խումբ<sup>57</sup>:

1. Խոսակցական լեզվում արմատացած կառույցներ՝ ավանդական ավելորդաբանություններ,
2. Դիպլածային, անհատական կառույցներ՝ ժամանակակից ավելորդաբանություններ:

Այսինքն այդ կառույցները արմատացել են լեզվում, իսկ դրանց կիրառական հաճախականությունը արդեն խոսակցական լեզվի նորմ է դառնում:

Պետք է նշել, որ կան ավելորդաբանություններ, որոնք ի սկզբանե կիրառվել են մասնագիտական ներ ոլորտներում կամ հասարակության որևէ խմբավորման շրջանակներում, բայց աստիճանաբար սկսել են տարածվել, կիրառվել հանրության լայն շրջանակների կողմից: Տեղեկատվական տեխնոլոգիաներին, համակարգչին և հաշվողական տեխնիկային առնչվող նմանատիպ շատ օրինակներ կան, որոնք մեծ տարածում ունեն: Օրինակ՝ *IT* տեխնոլոգիաներ արտահայտության մեջ հապալումն արդեն ներառում է տեխնոլոգիաներ բառը, նմանապես ավելորդ է *CD* դիսկ արտահայտության դիսկ բառը, *LCD* էկրան արտահայտության՝ էկրան բառը, *GPS* համակարգի՝ համակարգը ևն:

Նշենք, որ այնպիսի ծեծված արտահայտություններ, ինչպիսիք են ես անձամբ, սեփական աշրով տեսնել են, կիրառվում են ոչ միայն առօրյայում հաղորդակցվելիս կամ ընկերական գրույցներում, այլև զիտական կամ քաղաքական բանավեճերի ժամանակ: Նմանատիպ ավելորդաբանությունները այնքան արմատացած են խոսակցական լեզվում, որ հաճախ խոսողը չի էլ զիտակցում, որ ավելորդ բառ է կիրառում, պարզապես այս կամ այն իրադրության մեջ ցանկանում է ընդգծել իր ասելիքը:

<sup>57</sup>Տե՛ս <http://files.school-collection.edu.ru/dlrstore/4aaff19e-4f7b-c6eb-fc10-dfcf6b97cb8b/1008591A.htm>

Կարծում ենք՝ հաճախ ավելորդաբանություններ կիրառվում են ոչ թե անզրագիտության կամ շիմացության, այլ հետևյալ պատճառներով՝

1.Խոսողը հաճախ լսում է դրանք՝ ցանկանալով հետևել լեզվական ընդհանուր միտումին, այսինքն՝ առանց զիտակցելու կիրառում է դրանք որպես լեզվական քարացած ձևեր /մայիս ամսին, ես անձամբ/:

2.Տվյալ արտահայտությունը ճիշտ է համարում. դրանք այնքան արմատացած են խոսրում, որ դրանց ավելորդ լինելը չի զիտակցվում /նախապես կանխազգալ, հիմնական էությունը, վերև բարձրանալ, նորից կրկնել/:

3.Ցանկանում է խոսակցի ուշադրությունը երավիրել տրվյալ արտահայտության վրա, ուստի այն ավելի ընդգծելու համար կիրառում է ավելորդաբանություն /սեփական աշքով տեսնել/:

Ամփոփելով նշենք, որ չնայած ավելորդաբանություններն անհարկի, ոչ ցանկալի, խոսքը ծանրաբեռնող լեզվական երևոյթներ են, բայց դրանք, այնուամենայնիվ, ոճական արժեք ունեն, խոսակցական կենդանի լեզվի անբաժանելի մասն են. դրանք խոսքը դարձնում են ավելի կենդանի և բազմազան:

Sargsyan Meri – Pleonasms in the Colloquial Language of Yerevan.- In this article, pleonasms used in colloquial language of Yerevan are shown, also their classification is represented by the peculiarities of their usage: 1. parasite words, 2. words generating a repetition of the meaning, 3. words already known, understandable by itself, 4. russifications. In the article the peculiarities and the reasons of application of the pleonasms are also represented.

Саргсян Мери- Плеоназмы в разговорном языке Еревана.- Представлена классификация плеоназмов в разговорном языке Еревана по особенностям их применения: 1. слова паразиты, 2. слова, порождающие повторение значения, 3. слова, уже известные, сами по себе понятные, 4. русификации. В статье также представлены особенности и причины применения плеоназмов.

Ղամոյան Լուսինե  
(ԳԱԱ լեզվի ինստիտուտ)

### ԵՐԵՎԱՆԻ ԼԵԶՎԻ ԱՐԴԻ ՎԻՃԱԿԸ<sup>58</sup>

Անժիստելի փաստ է, որ լեզուն է տվյալ ժողովրդի գոյության, հարատեղության և ինքնահաստատման հիմքերի հիմքը: Լեզվի զարգացումը, նրա հասարակական գործառությունը մեծապես պայմանավորվում է հասարակական այն պայմաններով, որոնցում ապրում է նրանով խոսող հասարակությունը:

Լեզվավիճակի վրա ազդող հասարակական, քաղաքական, տնտեսական ու մշակութային գործոնները բազմազան են, ինչպես՝ տարիքային խմբերը, ազգային կազմը, ժողովրդական կրթությունը, հանրության կենցաղն ու մշակութային բնութագիրը և այլն<sup>59</sup>:

Լեզվի զարգացման գործում առաջատար դերը սովորաբար պատկանում է քաղաքներին: Հետևաբար հայերենի խոսակցական լեզվի արդի վիճակի ուսումնասիրության համար նպատակահարմար ենք գտել վերցնել Երևանը:

Երևանում հայերենից բացի զգալի տեսակարար կշիռ ունեցող այլ լեզուներ չեն գործառում: Թեև մայրենի լեզուն են համարում գրական հայերենը, սակայն, ցավոր, այսօր հայերենի, որպես պետական լեզվի, կարգավիճակը ոչ միայն ապա-

<sup>58</sup> Հետազոտությունն իրականացվում է ՀՀ ԿԳՆ ԳՊԿ-ի կողմից տրամադրվող ֆինանսական աջակցության շնորհիվ՝ 13YR-6B0006 «Երևանի խոսակցական լեզուն» գիտական թեմայի շրջանակներում:

<sup>59</sup> Տե՛ս Հ. Զաքարյան, Երևանի արդի լեզվավիճակը.- Հանրալեզվաբանական, հոգելեզվաբանական և համեմատալեզվաբանական հետազոտություններ, Ե., 1979, էջ 19:

հովված չէ, այլև ենթարկվում է համակարգային խաթարումների, աղավաղումների, կորցնում լեզվակիրներին:

Առօրյա գործածության հայերենը Երևանում գրական լեզվի խոսակցական տարբերակն է, որն էլ բանավոր հաղորդակցման հիմնական միջոցն է: «Դա ոչ միայն գրական լեզուն տիրապետող հանրության բանավոր, անկաշկանդ, ոչ պաշտոնական խոսքն է, այլև հասարակության այն մասի խոսքը, որի համար գրական լեզուն սովորաբար հաղորդակցման միջոց չէ»<sup>60</sup>: Այդ հայերենով երևանցիները խոսում են տանը, փողոցում, մտերիմների, աշխատանքային ընկերների հետ և այլն: Առօրյա խոսակցական հայերենը թեև հարաբերակցվում է գրական լեզվին, այդուհանդերձ, հեռանում է նրանից որոշ հատկանիշներով՝ երբեմն մաքուր, իսկ սովորաբար այս կամ այն չափով բարբառախառն կամ էլ օտարաբանություններով (հիմնականում ոուսաբանություններով) աղավաղված:

Այսօր խոսակցական հայերենն ու գրական հայերենն ակնհայտորեն հեռացել են իրարից. առօրյա շփման ժամանակ մի լեզվով ենք հաղորդակցվում, իսկ գրավոր կամ պաշտոնական հաղորդակցման ժամանակ փորձում խոսակցական լեզվի տարրերը մաքրել, որն էլ դժվարացնում է հաղորդակցումը: Առօրյա խոսակցական հայերենի և գրական հայերենի այս խզումը զգալիորեն թուլացնում է հայերենի դիրքերը մի շարք ոլորտներում (պաշտոնական գրագրություն, պետական հիմնարկներ, կրթություն, գիտություն, տեխնիկա և այլն):

Բազմաթիվ են խնդիրներ՝ ուղղախոսությունից մինչև շարահյուսական կառույցներ: Այսպես՝ քանի որ խոսակցական լեզվին բնորոշ է հանպատրաստից, խոսելու ընթացքում առանց նախապատրաստվելու դրսնորվելը (լեզվաբաններն այն կոչում են ինքնարերականություն), հաճախ երկարաշունչ բառերն ու անձնանունները բանավոր խոսքում արհեստականորեն կըր-

<sup>60</sup> Ս. Մելքոնյան, Ակնարկներ հայոց լեզվի ոճարանության, Ե., 1984, էջ 218:

ճատվում են, այսպես՝ *հաջողությունը* դառնում է *հաջող, ցտեսությունը՝ ցը, մորաքույրը՝ մոք, հորաքույրը՝ հոք, հորեղբայրը՝ եռպար, մորեղբայրը՝ քեռի/քեռ և այլն, այդպես նաև՝ Համբ (Համբարձում), Մկո (Մկրտիչ), Ան (Անուշիկ, Անի, Աննա, Անահիտ և այլն), Ամո (Արմինե), Վլո (Վոլոյյա), Խչո (Խաչատուր) և այլն: Գուցե այս պատճառով էլ հաճախ շնորհակալության փոխարեն գործածում են մերսի օտարաբանությունը, ցտեսության փոխարեն՝ պակա-ն, որն անշուշտ հանձնարարելի չէ: Կամ, օրինակ, եթք դպրոցականները թվաբանությունը թվաբ են ասում, բնագիտությունը՝ բնագ, մաթեմատիկան՝ մաթեմ և այլն, հասկանում ենք, որ «ություն»-ները կրծատելով՝ արտահայտվում է կարծ խոսելու ձգտումը, այսպես կոչված՝ «տնտեսման սկզբունքը», որը հատուկ է ամեն մի խոսակցական լեզվի: Բայց եթք անձնանունների փոխարեն «մականուններ» են գործածվում, սա բացասական երևույթ է, ինչպես՝ *Սոված, Բոյով, Չուր, Ճուտ, Շակալ, Չիկո (Չախկալ), Ճպջլ* և այլն:*

Ժողովրդախոսակցական բառաշերտի մեջ առանձին որակ են կազմում հասարակաբանական-խոսակցական բառերը: Սրանք հուզաարտահայտչական երանգավորում ունեցող ցածր ոճի այն բառերն են, որոնք ունեն որոշակի հասարակաբանական ոճական երանգ և, բնականաբար, ոճական նշույթավոր բառեր են, ինչպես՝ *ասորոց, կապուտ, հեր, մեր, ախազեր, գել, լեն, ծեր, կայնել, ախչի, էրկու, իրեք, եսիմ, իի, յա, ընչի, ըտե, ըսքան, ըստոց, ընդուց, ով ա ասե, ինչ ա ըլե, բառուն, հավքել, լողնալ, վախցընել, հիշրցնել, ատեցնյակ, ախազերնյակ, ընգերնյակ* և այլն:

Երևանի խոսակցական լեզուն, ցավոր, առատ է ժարգոնային բառերով ու արտահայտություններով (*տոշկել, շվցնել, ցվրվել, կայֆ բռնել, քյոլել, եզու, ցկցկալ, տժժալ, մզզցնել, խզարել, չորով դնել, բեսամթ դզել, բլյաժըցնել, լումկա, մանթո, բիթի, ճարել էինք, բացում ա, ջոզած ա, լիշնի խոսել, զլուխ հարթուկել, ծնզլահան անել և այլն*), գուհիկաբանություններով

(բյալ, խղոր, տուփտա, քնձիս, չմո, համբալ, հայվան, քնձոռոտ, շնթռկել, խուժան, զոքուզիրիլ և այլն): Կան նաև բազմաթիվ բարբառային իրողություններ, բարբառների կամ առանձին խոսվածքների միջոցով արևելյան լեզուներից (թուրքական, պարսկական, արաբական) Երևանի խոսակցական լեզվին անցած բազմաթիվ բառեր, ինչպես՝ պարսկերենից՝ բալիշ, բախչա, բեթար, բեխարար, լազյան, լեշ, խամ, խիար, խումարքագ, հավես, հեշ, մահանա, մուխտառ, չանա, չանցյալ, սթար, և այլն, թուրքերենից՝ աղաշ, ամագ, արշին, բալքի, բայդուշ, բաջանադ, բիրիք գյամ, գյոռ, գյորա, դալան, դուզ, դուզզյունի, գոռ, գորքա, թագա, թայ, լայադ, դոնախ, մաղալ, յախու, յորդան, չափալախ, չաքուշ, ջանջալ, սադ, քյասիք, օյադ, օյին, օյինքագ և այլն, արաբերենից՝ այիբ, աջալ, բարաքյաթ, եթիմ, թայֆա, թադարուք, ինադ, խաբար, խաթըր, խարար, խեր, հալալ, հալբաթ, հարամ, հարիք, դադր, դալաթ, դալմաղալ, դամաթ, մուննաթ, նադդ, շառ, շարբաթ, շրհանդամ, ջեր, սալամաթ, սամթ, վախտ, քեֆ և այլն<sup>61</sup>:

Լեզվին տիրապետելու մակարդակը, խոսքի որակը և հասարակական տարբերակման աստիճանը մեծ չափով պայմանավորված են խոսողների կրթությամբ և մշակութային ընդհանուր զարգացմամբ:

Մայրենի լեզվով ճիշտ խոսել ու գրել սովորելը (նաև սովորեցնելը) և՝ ազգային պարտականություն է, և՝ կյանքի հրամայական: Որպեսզի մարդն իր միտքը ճիշտ ու գեղեցիկ արտահայտի, պետք է կարողանա իր խոսքը կառուցել լեզվի ոճական ու քերականական կանոններին համեմատ: Սակայն ցավալին այն է, որ այսօր տասներկու տարի «չոր քերականություն» սովորելուց հետո, հայախոս շրջանավարտը չի կարողանում գրա-

<sup>61</sup>Տե՛ս Ս. Բաղրասարյան-Թափալցյան, *Արարատյան բարբառի խոսվածքները Հոկտեմբերյանի շրջանում*, Ե., 1973, էջ 184-203, Ս. Դուկայան, *Առօրյա բառարան*, Ե., 2013, էջ 255-278, Հ. Աճառյան, *Հայերեն արմատական բառարան*, Ե., հու. 1-4, 1971-1979:

վոր և բանավոր շարադրել իր մտքերը: Դրա համար քերականություն ուսուցանելուն զուգահեռ պետք է իրականացվի լեզվի, խոսքի գրավոր և բանավոր ուսուցում: Ե՛վ դպրոցներում, և համալսարանական միջավայրում կանոններ սերտելու փոխարեն պետք է նախ լեզու սովորել:

Այսօր բառաձեերի բազում խախտումներով ու սխալներով են խոսում և՝ բարձրագույն, և՝ միջնակարգ կրթություն ունեցողները հավասարապես, ինչպես՝ *ավելնորդ, կանանցի, անձեռնոցիկ* (փոխ.՝ *ավելորդ, կանացի, անձեռոցիկ*), *ալանի* (նկատի ունենք՝ առանց աղի, փոխ.՝ *անալի*), *բալանի* (փոխ.՝ *բանալի*), *հաշվանդամ* (փոխ.՝ *հաշմանդամ*), *տուժվել, կապնըվել, խարնվել* (փոխ.՝ *տուժել, կապվել, խարվել*), *տարեկետում, թույլտվություն, ութանատուն* (փոխ.՝ *տարկետում, թույլտվություն, ութառուն*), *պատճե* (փոխ.՝ *պատճեն*), *իմ մոտ, իմ վրա* (փոխ.՝ *ինձ մոտ, ինձ վրա*) և այլն: Հաճախակի են գործածում բարիմաստային, քերականական օտարաբանություններ և օտար այնպիսի կառույցներ, ինչպիսիք են՝ «Ես ինձ մոտ եմ», «Բանը կայանում է նրանում...», «Նա համարվում է մեր կուրսի ամենալավ ուսանողը», «Էղ խանութք Ամիրյան փողոցի վրա ե», «Անահիտը նվազելու է դաշնամուրի վրա», տարածված սխալ է նաև՝ «Ես Անիի վրա եմ սիրահարվել» և այլն<sup>62</sup>:

Բուհերի՝ լեզվի անաղարտությունը պահպանելու դերը շատ մեծ է: Մինչդեռ մեր կրթահամակարգն իր բովանդակությամբ այսպիսի խնդիր լուծել չի կարողանում: Կարծես այսօրվա կրթահամակարգի խնդիրը միանգամայն այլ է՝ «համաշխարհային շուկայի պահանջներին համապատասխան քաղաքացիներ կրթելն է»: Հայաստանում այսօր սնկի պես աճում են օտարալեզու, օտարամշակույթ հաստատություններ՝ և՝ պետական, և՝ մասնավոր: Գիտատեխնիկական հայլեզու գրականության բացակայության պատճառաբանությամբ ամուր են

<sup>62</sup>Տե՛ս Պ. Բեղիրյան, *Հայ լեզուն և մեր խոսքը*, Արևելահայերեն խոսքի ուղեցույց, Ե., 1999:

պահպում ոռւսերենի դիրքերը, համակարգիչներ ներդնելով «անփոխարինելի» դարձնում անզլերենը: Շատերն են ցանկանում կրթվել օտար լեզվով՝ մոռանալով, որ բարեկեցության առաջին պայմանը սեփական լեզվի իմացությունն է: Մեր կարծիքով, իր երեխային օտարալեզու դպրոց տվող հայաստանաբնակ հայը զոհաբերում է և՝ իր, և՝ իր զավակի ազգային արժանապատվությունը՝ ստեղծելով պարարտ հող օտարամոլության համար:

Ճիշտ է, թեև ժամանակը ստիպում է մարդուն տիրապետել առնվազն երկու լեզվի (այդ երևույթը բնութագրվում է ազգային լեզուների փոխազդեցությամբ և փոխադարձ հարցստացմամբ), սակայն, ինչպես լեզվի նկատմամբ անփույթ վերաբերմունքի և լեզվական ցածր մշակույթի, այնպես էլ երկրորդ լեզուն վատ տիրապետելու պատճառով ի հայտ են զալիս բազմաթիվ սխալներ ու լեզվական շեղումներ:

Ոռւսերեն բառերի մի մեծ խումբ (եթե բավարարվենք միայն բառերով՝ *պրիվետ, պակա, վարչե, մարշրուտկա, աստանովկա, մոստ, մարուճնի, զռնտիկ, լիֆտ, պերերիվ, դակումենտ, մոստ, սադ, ոռոչկա, շկաֆ* և այլն) լայնորեն զործածվում է խոսակցական հայերենում: Գուցե այս փաստը կարելի է բացատրել պարզ սովորության ուժով: Դժվար է նույն կերպ բացատրել Երևանում ոռւսական դիմելաձևի (Այսինչ Այսինչովից) լայն տարածումը: Ակնհայտ է, որ ոռւսական դիմելաձևը Երևանում դեռևս հարգանքի և հասարակական որոշակի կարգավիճակի ճանաչման և արտահայտման անփոխարինելի արտահայտություն է: Կամ՝ խոսակցական լեզվի արտասանական համակարգում ոռւսերենից հայերեն ներթափանցած բառերը ոռւսերենի նմանությամբ արտաքերելու սովորությունը:

Մաքուր, գեղեցիկ հայերեն խոսք այժմ, իհարկե, հաճախ կարելի է լսել՝ հասարակական վայրերում, ընտանիքներում: Քիչ չեն այն մարդիկ, որոնք ուշադիր են իրենց խոսքի նկատմամբ, սիրով, երկյուղածությամբ են վերաբերվում մայրենի լեզվին և չեն զործածում վերոհիշյալ և այլ անհարկի, ոչ հայերեն

բառեր: Բայց ովքեր անփույթ են իրենց խոսքի նկատմամբ, չեն խնայում մայրենին, նրանք, բնականաբար, իրենք իրենց չեն խնայում: Այս սովորույթի ուժը հատկապես մեծ է միջանկյալ բառերի նկատմամբ (դաժե, վայոծե, զատո, նեուժելի, պոռստը, վարշե, վարշե տը, վորշեմ և այլն):

Հասարակության տնտեսության, մշակույթի զարգացման հետ օրեցօր շատ ավելի մեծանում է անգլերեն կամ եվրոպական այլ լեզուներից վերցված բառերի տեսակարար կշիռը՝ ok, please, thanks, hy, bye, «FULL ա», «BREND-ովի ա», «LIKE անել», «Լայքեր և տարածեք», «Ֆոֆ քառ ենք անում», «Ֆլեշմոք ենք անելու», «Քենալ արա», «Քոմենթել եմ», «Քոփի եմ արել», «Էսօր փարթի ա», «Անցկացվում է քաստինգ», «Սերը իրա մոտ պիկ ա տվել», «Ստատուսդ լրարձրանա» և այլն:

Փաստորեն, եթե մի կողմից՝ նկատվում է Երևանում հայերենի դիրքերի ամրապնդման միտում, ապա մյուս կողմից՝ գնալով մեծանում է ժողովրդական զանգվածների՝ ոռուսերենին և անգլերենին տիրապետելու աստիճանը: Այս երևույթը բացատրվում է նրանով, որ ժամանակն անհատից պահանջում է ոռուսերենի, անգլերենի լավ իմացություն, և դրանց իմացության պակասը աշխատանքային գործունեության մեջ կարող է զգալի դժվարությունների առաջ կանգնեցնել, հետևաբար՝ մարդիկ չեն կարող չարձագանքել այդ երևույթին, չեն կարող նկատի չառնել կյանքի թելադրող պահանջները:

Հայերենը տիրապետող է Երևանի պետական ու հասարակական-քաղաքական կյանքում, գեղարվեստական գրականության ոլորտում: Երևանում հիմնականում հայերեն է նաև տեղեկատվական զանգվածային միջոցների լեզուն, ռադիոյի և հեռուստատեսության ծրագրերի գերակշիռ մասը: Սակայն չպետք է մոռանալ, որ այսօր մամուլի լեզուն բազմաշերտ է: Ինչ վերաբերում է հեռուստատեսությանը, ապա որոշ հաղորդումներում հնչում է մարուր գրական հայերենը, սակայն նույնը չի կարելի ասել հեռուստասերիալների կամ որոշ երգիծական հաղորդումների մասին, որոնցում հաստատապես աղավաղված է

զրական հայերենը: Փողոցի լեզուն մտել է հեռուստատեսություն. երևոյթ, որը շատ վտանգավոր է, հետևաբար անհրաժեշտ է հեռուստալեզվի նկատմամբ մասնագիտական և պետական լուրջ վերահսկողություն սահմանել:

Լեզվապահպանությունը ինչպես ազգային, այնպես էլ պետական լուրջ հիմնահարց է, քայլ, ցավոք, դուրս է մնացել կարևորագույն համարվողների շարքից: Հայի սուրբ պարտականությունն է ուսում ստանալ հայերեն, կրթվել, մտածել, խոսել և արարել հայերեն, քանի որ ազգային նկարագիր ունեցող մարդն ինքնին արժեք է:

Մեր ժողովրդի մեծագույն հարստությունը լեզուն է, որը պետք է պաշտպանված լինի բոլոր ոտնձգություններից:

Gamoyan Lusine- Current State of the Yerevan Language.-The vocabulary of the spoken language of Yerevan is a constantly changing and developing sphere, where linguistic and extra-linguistic, literary and non-literary different variants and realities are mutually influenced. Nowadays, the colloquial Armenian and literary Armenian of Yerevan apparently are separated from one another. This gap between colloquial and literary Armenian considerably weakens the position of Armenian in a number of spheres (official documents, education, science, technology, etc.). The problems are various starting from correct pronunciation to syntactic structures.

Гамоян Лусине- Современное состояние языка Еревана.- Разговорная лексика Еревана, постоянно меняющаяся и развивающаяся область, где взаимно влияют элементы и реалии языковых и внеязыковых, литературных и нелитературных, а также дополнительных форм.

Сегодня, очевидно, разговорный язык отдалился от литературного. Этот разрыв в повседневном разговорном и литературном армянском языке значительно ослабляет позиции армянского языка в ряде областей (официальная переписка, образование, наука, техника и т.д.). Есть много вопросов - начиная от орфографии до синтаксических структур.

ՓՈԽԱՌՈՒԹՅՈՒՆՆԵՐ ԵՎ ՕՏԱՐԱԲԱՆՈՒԹՅՈՒՆՆԵՐ  
ԱՐԴԻ ՀԱՅԵՐԵՆ ԽՈՍՔՈՒՄ

Լեզվի բառապաշտում արտացոլվում է հասարակական կյանքի ամեն մի փոփոխություն՝ գիտատեխնիկական նորագույն նվաճումները, հասարակական-քաղաքական նոր հարաբերությունները, սոցիալ-տնտեսական և կենցաղային նոր երևույթները: Այս նոր հասկացություններն արտահայտելու համար լեզուն մի կողմից ստեղծում է նոր բառեր, որոնք ժամանակի ընթացքում կարող են մերվել կամ չմերվել գործուն բառաշերտին, կամ այլ լեզուներից կատարում է փոխառություններ:

Փոխառություն կատարելու լեզվական գործոնը պայմանավորված է լեզվակիրների՝ տվյալ առարկայի մասին իրենց գիտելիքները լրացնելու, խորացնելու և ընդլայնելու ձգտումով, ինչպես նաև իմաստային ու գործառութային նրբին հատկանիշների միջոցով տարբերակելու, մասնավորեցնելու տվյալ հասկացությունը: Վերջինս առնչվում է այն իրողությանը, եթե տրվյալ լեզվի հոմանիշային կամ հականիշային շարքում հայտնը վում է փոխառյալ ձևը, որն ունի իմաստային լրացուցիչ երանգավորում կամ դրսնորում է կիրառության տարբերություններ (հանդես է գալիս այլ ոլորտներում):

90-ականներին հայոց լեզվում զգալիորեն մեծացավ փոխառությունների հոսքը: Դա պայմանավորված էր երկրի քաղաքական կյանքում, տնտեսության, մշակույթի բնագավառներում, ինչպես նաև հասարակության սոցիալական գիտակցության մեջ տեղի ունեցած փոփոխություններով: Այդ բառերը բափանցում են գրական լեզվի բառապաշտը նոր երևույթի, նոր հասկացության, նոր առարկայի, սարքավորման երեան գալու հետ միաժամանակ և գործածվում են այնքան ժամանակ, մինչև

լեզվում ստեղծվի համապատասխան համարժեքը: Երկրի քաղաքական կյանքում սկսեցին հարմարվել նոր հասկացություններին և օտար տերմինները տիրապետող դարձան գիտության ու տեխնիկայի առաջատար ոլորտներում, առևտրաֆինանսային ոլորտում, ինչպես՝ էլեկտրատ առողջական բրոքեր, դիլեր, ինվեստիցիա, հոլդինգ, մոնիթորինգ, վելշեր, ֆայլ, ֆաքս և այլն: Մշակութային ոլորտ թափանցեցին այնպիսի բառեր, ինչպես՝ բլոքբաստեր, թրիլեր (հոգեբանական մոտեցմամբ դետեկտիվ ժանրի հրապուրիչ ֆիլմ կամ գիրք), էլեկտրո, հիթ, շոու, շոումեն, ռեսիրս (երգի, ֆիլմի փոփոխված տարբերակը), սառնդուրեկ (որևէ ֆիլմում հնչող երաժշտություն), սերիալ, վեսթեռն<sup>63</sup> (ֆիլմ կամ գիրք 19-րդ դարի ԱՄՆ-ի արևմտուրի, առավելապես քովբոյների կյանքի մասին), տրեկ (երգ), եկիփ-հոփ, ֆանք, սոուլ (երաժշտական ոճեր) և այլն: Արագ փոխվեց նաև կենցաղային խոսքը՝ իր մեջ առնելով ոչ հայկական անվանումներ՝ լանչ, համբուրգեր, հորթոգ, չիզբուրգեր, չիփս, պիցցա, թրաֆիկինգ, տրանսֆերտ, բանկոմատ, քարթերիջ և այլն: Քանակական տեսանկյունից նորագույն փոխառություններում գերակշռում են արտաքին փոխառություններն ու պատճենումները՝ անցման միջնորդավորված եղանակով (առավելապես ռուսերենի միջնորդությամբ):

Հասարակական կյանքի փոփոխությունները, նորանոր հարաբերությունների ձևավորումն ու զարգացումը պատճառ են դառնում, որ բառապաշտը ոչ միայն համալրվի, հարստանա բառային նոր միավորներով ու նոր բարիմաստներով, այլև վերաբաշխում կատարվի բառային միավորների ու խմաստների միջև, այսինքն՝ տեղի է ունենում բառային միավորների անցում բառապաշտի մի շերտից մեկ այլ շերտ: Այդ առումով առանձնացնում ենք փոխառություն-օտարարանություն անցումը, եթե օտար փոխառյալ բառերի թարգմանվում է օտար բառի

<sup>63</sup> Թեև այս հասկացությունը եղել է վաղուց, բայց վեսթեռն բառը, որեւէ բառարանում նշված չէ:

հայերեն համարժեքը, մինչ այդ գործածական փոխառությունը համարվում է օտարարանություն և մերժելի գործածության առումով:

Սակայն այս հարցին պետք է որոշ վերապահումով մոտենալ. երբեմն փոխառյալ բառի իմաստային որոշ նրբերանգներ հայերեն բառում չեն արտահայտվում. ասենք, ինչպես սկարելի է թարգմանել շորու բառը, շորումեն, բիզնես, պրոյուսեր, վիրտուալ, օլիգարխ, բոմֆ, սերիալ, դիզայներ, կաստինգ բառերը, իսկ թարգմանելու փորձերն ել իմաստը ամբողջությամբ չեն արտահայտում. մոնիթորինգը նույն դիտումը<sup>64</sup> չէ. դա դիտում է հատուկ նպատակով, որն է երևույթի ուսումնախրությունն է՝ դրան հետևելու միջոցով: Դիզայներ բառի համար գործածում են կամ դերձակ, կամ ձևավորող, կամ գեղարար տարբերակները, սակայն դիզայները միայն դերձակը կամ միայն ձևավորողը չեն. այդ բառի մեջ հասկացվում են այդ բոլոր իմաստները միաժամանակ: Բոմֆ բառը չի նշանակում միայն մուրացկան կամ անսուն, տնանկ. երկու իմաստներն ել միաժամանակ զիտակցվում են: Սերիալ բառի համար ստեղծվել է հեռուստանովել տարբերակը, որը, սակայն, այնքան էլ նույնը չէ. հեռուստանովել կարող են կոչվել հեռուստատեսային տարատեսակ հաղորդաշարեր, որոնք շարունակական բնույթ ունեն. սերիալը հատուկ առանձնահատկություններ ունեցող հեռուստատեսային ֆիլմ է և կարող է անվանվել հենց այդպես՝ սերիալ: Երբեմն փոխառյալ բառի իմաստը արտահայտելու համար նկարագրական կառույց են գործածում, այսինքն՝ հնարավոր չեն այդ իմաստն արտահայտել մեկ բառով, ինչպես՝ բիժուտերիա-ոչ թանկարժեք զարդեր, բիլեր-վարձու մարդասպան, քաստինգ-դերասանների (աշխատողների) ընտրութ-

<sup>64</sup> Օտար բառերի համար տրվում են դրանց ոչ միայն բառարանային բացատրությունները, այլև այն իմաստները, որոնցով դրանք գործածվում են տարբեր ոլորտներում:

յուն<sup>65</sup>, SMS-կարճ հաղորդագրություն: Այս բառերը դժվար է բնութագրել որպես օտարաբանություն, հետևաբար նաև՝ գործածության առումով անհանձնարարելի: Երբեմն նաև իմաստային-բովանդակային անհամապատասխանություն է նկատվում, ինչպես՝ դրային տերմինի համար հանդիպում է խթանիչ բառը, սակայն հայերեն այս ձեզ չի ընկալվում որպես գոյական համարժեք, *իսթանիչ* բառն ավելի ածականական ընկալում ունի, և այդ բառի հետ գործածում են նաև *դեղամիջոց* գոյականը՝ *իսթանիչ դեղամիջոց*:

Վինետկա բառի փոխարեն հանդիպում է խմբանկար հայերեն տարբերակը, սակայն նկատենք, որ վինետկան ոչ թե խմբի նկար է կամ նկար խմբով, այլ առանձին անձերի նկարների հավաքածու է: Անեկդոտ բառը թարգմանվել է խնդրով<sup>66</sup>, սակայն այս նոր բառը և՝ կազմության, և՝ իմաստային առումով ընկալելի չէ որպես *անեկդոտ-ի* համարժեք: Դիկտոֆոն տերմինի համար ունենք հայերեն խոսագիր, թելադրագիր բառերը, սակայն հայերեն երկու տերմիններն ել գործածական չեն: Բրելոկ բառի համար գործածում են կախազարդ-ը, սակայն նշենք, որ *կախազարդ* բառը՝ որպես զարդի անվանում, համապատասխանում է օտար *կուլոն* բառին, իսկ *բրելոկ* իմաստի համար գործածում են բանալիների *կախազարդ* կապակցությունը. փաստորեն թարգմանելիս արհեստականորեն երկարում է առարկայի անվանումը, որի պատճառով էլ գործածության մեջ չի երևում: Ատեսատ բառի փոխարեն գործածում են ավարտական վկայական բառակապակցությունը, որը, սակայն, ավելի երկար լինելու պատճառով չի գործածվում. նկատենք նաև, որ ավարտական վկայականը կարող է վերաբերել

<sup>65</sup> Քաստինգ բառի համար Ռ. Սաքավետոյանի «Արևմտահայերենի բառարանում» նշվում է նախազտում հայերեն տարբերակը, որը, սակայն, իմաստային առումով այնքան էլ նույնը չէ և չի կիրառվում:

<sup>66</sup> Նկատենք, որ «Իններորդ հրաշալիք» ամսագրում *անեկդոտ* բառի փոխարեն բոլոր դեպքերում գործածվում է *խնդրով* բառը:

ոչ միայն դպրոցն ավարտելուն. ցանկացած բնույթի դասընթացի ավարտին տալիս են ավարտական վկայական, մինչեղու ատեստատուր վերաբերում է հենց դպրոցն ավարտելուն: Նույն կերպ և դիպլոմ բառի փոխարեն հանձնարարվում է վկայագիր բառը, որը իմաստային առումով թերի է. լրացուցիչ տեղեկության կարիք ունի դիպլոմին համապատասխանելու համար: Բոնուս բառի փոխարեն գործածում են պարզեավճար տարբերակը, սակայն իմաստային առումով այս երկու բառերը համարժեք չեն, քանի որ բոնուսը կարող է լինել նաև միավորների տեսքով, իսկ պարզեավճար բառը ենթադրում է գումարային վճար: Նշենք, որ պարզեավճար բառը հանձնարարվում է նաև պրեմիա օտար բառի փոխարեն: Բանկետ փոխառյալ բառի համար որպես փոխարինող համարժեք հանդիպում են ճաշկերույթ, խնջույք բառերը, սակայն բանկետը միայն ճաշկերույթ, խնջույք չէ. դա ճաշկերույթ է՝ որևէ մեկի պատվին կամ որևէ առիթով և այլն: Նկատենք, որ հայերեն համարժեքներ ունեցող որոշ օտարարանություններ դեռևս գործուն են բառակազմության մեջ՝ որպես բաղադրիչ, ասենք՝ բիզնես փոխառյալ բառի համար ունենք գործարարություն հայերեն տարբերակը, սակայն հայերեն բառը գործածության մեջ չի փոխարինում օտար բառին, մանավանդ բառակազմական բաղադրիչի դերում. օրինակ՝ «բիզնես-համաժողով, բիզնես-քննարկում» կառույցներում գործարարություն տարբերակը գործուն չէ և չի փոխարինում օտար փոխառությանը:

Երբեմն փոխառված բառը բազմիմաստ է լինում, և իմաստներից մեկն արտահայտելու համար հայերենը ստեղծում է համարժեք բառ, և օտար բառը դառնում է օտարարանություն, անցնում ոչ գործուն բառաշերտ, իսկ մեկ այլ իմաստով գործածվելիս այն դիտվում է իբրև փոխառություն. օրինակ՝ ակցիա < ուս. ակցիա < ֆր. action բառը մի դեպքում ֆինանսական տերմին է և ունի հայերեն բաժնետոմս, բաժնեթուղթ համարժեք բառերը, և այդ իմաստով գործածվելիս ակցիա բառը օտարարանություն է, մեկ այլ իմաստով այն նշանակում է

գործողություն, միջոցառում, որը կատարվում է քաղաքական կամ տնտեսական նպատակներ իրականացնելու համար: Հայերեն մեկ բառով այս իմաստը չի արտահայտվում, ուստի այս իմաստով ակցիա բառը փոխառություն է: Ակտիվ օտար բառը նշանակում է գործուն, գործունյա, եռանդուն, ներգործող և այս իմաստներով այն արդեն օտարաբանություն է. իսկ երկրորդ իմաստով նշանակում է «որևէ կազմակերպության, հիմնարկի, կուսակցության և այլնի առավել գործուն մասը», այս բառը նշանակում է նաև «հիմնարկության, կազմակերպության ունեցվածքը». այս իմաստներով ակտիվ բառը փոխառություն է: Անալիգ տերմինը նշանակում է «վերլուծություն, ուսումնասիրության մեթոդ» և այս իմաստով օտարաբանություն է, սակայն բժշկագիտության մեջ այն կիրառվում է որպես միակ ձև, հայերեն համարժեք չունի և ընդունվում է որպես փոխառություն: Բազմիմաստ տերմինները թարգմանելիս երբեմն ստեղծվում են առանձին իմաստներին համապատասխան հայերեն առանձին տերմիններ, որոնք օտար բառի իմաստը մասնավորեցնում, որոշակիացնում են՝ ըստ կիրառության ոլորտի, ինչպես՝ օտար ռեցեպտ տերմինը գործածվում էր և բժշկագիտության ոլորտում, և սննդի արդյունաբերության մեջ. այս բառի բժշկագիտական իմաստի համար այժմ գործածվում է դեղատում, իսկ սննդի արդյունաբերության մեջ՝ բաղադրատում համարժեքները: Միսիա բառի փոխարեն գործածվում են առաքելություն և ներկայացուցչություն տարբերակները. երկուսն էլ հասարակական-քաղաքական ոլորտի բառեր են: Պարկ օտար բառին՝ որպես առօրյա գործածական բառի, փոխարինել է զբոսայգի տարբերակը, իսկ որպես տրանսպորտի ոլորտի տերմինի՝ հավաքակայան տարբերակը (հիմն. տրամվայի հավաքակայան):

Փոխառությունների և օտարաբանությունների մեջ առանձնանում են այսպես կոչված էկզոտիզմներ՝ այն օտար բառերը, որոնք արտահայտում են որևէ ժողովրդի կենցաղին, մշակույթին բնորոշ առարկաներ, երևույթներ, հասկացություն-

ներ, իրեր, և որոնք գոյություն չունեն մեկ այլ ժողովրդի մշակույթում, կենցաղում:

Այս բառերը, ըստ էության, փոխառություններ են, որոնք, սակայն, փոխառվում են ոչ թե նրանց անվանած առարկաների ու երևույթների հետ, այլ վերցվում են առանց առարկաների և գործածվում են միայն հենց այդ առարկաների մասին խոսելիս: Այսպիսի նպատակային գործածություն ունեցող բառերը Պ. Պողոսյանը անվանում է օտարամուծություններ. «Դրանք այն բառերն են, որոնք առնվում են օտար միջավայրից և տվյալ պահի թելադրանքով գործածվում խոսրում՝ միջավայրի անմիջականությունը ընդգծելու կամ տվյալ գաղափարն այլ կերպ արտահայտելու հնարավորություն չունենալու պատճառով»<sup>67</sup>: Հեղինակը նշում է նաև, որ օտարամուծությունների դիմում են այն գրողները, որոնց ստեղծագործության բովադակությունը դուրս է զայիս հայրենի երկրի միջավայրից և ընդգրկում տարաշխարիկ սոցիալական ու աշխարհագրական միջավայրը<sup>68</sup>: Իսկ Ֆ. Խլդարյանը, խոսելով օտար ժողովուրդների կյանքին, կենցաղային սովորույթներին վերաբերող հասկացություններ արտահայտող այս բառերի մասին, դրանք անվանում է տարաշխարիկ բառերը<sup>69</sup>:

Ուշադրություն է գրավում այն հանգամանքը, որ օտար, մասնավորապես ոուս լեզվաբանական գրականության մեջ տարակարծություններ կան: Մեզ հետաքրքրող բառաշերտը նրանք անվանում են «Էկզոսիզմներ»<sup>70</sup>: Այս բառերը հատուկ քննության նյութ են դարձել անցյալ դարի կեսերին: Ա. Գվոզդիկը

<sup>67</sup> Պ. Պողոսյան, Խոսրի մշակույթի և ոճագիտության հիմունքներ, հ.1, Ե., 1990, էջ 161:

<sup>68</sup> Նույն տեղը, էջ 162:

<sup>69</sup>Տէ՛ս Ֆ. Խլդարյան, Ոճարանական բառարան, Ե., 2000, էջ 159:

<sup>70</sup>Տէ՛ս Բ. Ярцева, Большой энциклопедический словарь, Языкоизнание, М., 1998, с. 158, Т. Жеребило, Словарь лингвистических терминов, М., 2010, с. 461.

դեռևս 1955թ. գործածում է «Էկզոտիկ բառապաշար» տերմինը<sup>71</sup>, իսկ լեզվարան Լ. Շչերբան նշում է, որ «այս բառաշերտի դերը ոչ միայն ազգային նկարագրի լեզվական փոխանցումն է ամբողջությամբ, այլև պայմանական ակնարկ է տվյալ տարածաշրջանի մասին»<sup>72</sup>: Քանի որ այս բառերի օգնությամբ հեղինակները ներկայացնում են այլազգիների սովորույթները, օտար իրականությանն առնչվող իրողությունները, հասկացությունները, դրանք ժամանակակից գրական լեզվում հիմնականում չունեն իրենց համարժեքները. դրանց ստեղծման անհրաժեշտությունը չկա: Հատ Էղ. Աղայանի՝ այս կարգի բառերը հատկական փոխառություններ են. «Դրանց առանձնահատկությունն այն է, որ նրանք մեծ մասամբ գործածվում են այն դեպքերում, երբ խոսքը վերաբերում է տվյալ երկրին կամ ժողովրդին»<sup>73</sup>:

Էկզոտիզմները փոխառություններ են և սովորական փոխառություններից տարբերվում են նրանով, որ դրանց արտահայտած առարկաներն ու երևույթները հատուկ չեն հայ լյանքին: Նկատենք նաև, որ էկզոտիզմները հիմնականում վերաբերում են որևէ ժողովրդի կենցաղին և մշակույթին. դրանք հագուստի, արդուզարդի, կենցաղային առարկաների, սննդի տեսակների, կրոնական հասկացությունների անվանումներ են, որոնք բնորոշ են կոնկրետ ժողովրդի, չունեն համարժեքներ կամ հոմանիշներ հայերենում (նաև այլ լեզուներում) և չեն թարգմանվում, օրինակ՝ կունիս, մաշետե, թեկիլա, ռոմ, բոլերո, սարի, սուշի, ռազու, կուլիչ, մատրյոչկա, սոլյանկա, չաղրա, ֆես, նարզիլե, գեյշա, գոնդոլ և այլն:

Թարգմանական գրականության մեջ նման բառերը համարվում են անթարգմանելի ռեալաներ: Նկատենք նաև, որ կան

<sup>71</sup> А. Гвоздев, *Очерки по стилистике русского языка*, М., 1955, с. 85-86.

<sup>72</sup> Л. Щерба, *Избранные работы по русскому языку*, М., 1957, с. 119-120.

<sup>73</sup>Տե՛ս Գ. Զահուկյան, Է. Աղայան և ուրիշներ, *Հայոց լեզու*, հ.1, Ե., 1980, էջ 330:

այլ ժողովուրդների կենցաղին ու մշակույթին վերաբերող շատ բառեր, որոնք ունեն հայերեն համարժեքներ, օրինակ՝ սամովար-ինքնաեռ. այս դեպքում արդեն սամովար բառը օտարաբանություն է, և եթե տերսուում գործածված է սամովար տարբերակը, ապա գործ ունենք օտարաբանության պատճառաբանված կիրառության հետ: Հեղինակը նախապատվությունը տվել է օտար բառին համապատասխան միջավայր ստեղծելու նրապատակով: Այսպիսով, Էկզոտիզմները ոչ թե օտարաբանություններ, այլ փոխառություններ են, քանի որ չունեն համարժեքներ:

Պետք է նկատել, որ թեև փոխառություն և Էկզոտիզմ երևույթները տարբերակվում են, այնուամենայնիվ դրանք բացարձակորեն սահմանազատված չեն, և հարց է ծագում. հնարավոր է արդյոք, որ Էկզոտիզմը ինչ-որ մի ժամանակահատվածում մերվի տվյալ բառաշերտին և դառնա սովորական փոխառություն: Ուսումնասիրված գրականության մեջ այս հարցի առնչությամբ որևէ հստակ նկատառում չկա: Մեր կարծիքով հնարավոր է, որ Էկզոտիզմը վերածվի սովորական փոխառության այն դեպքում, եթե տվյալ առարկան, երևույթը, հասկացությունը մի այլ ժողովրդի մշակույթից, կենցաղից աստիճանաբար ներթափանցի մեր միջավայր և դառնա դրա բաղկացուցիչ տարր: Հատկապես խոհանոց, կենցաղ ներկայացնող բառերը ավելի շատ են ենթակա վերոնշյալ անցման, ինչպես ասենք պիլմենի, պիցցա, սպազետտի բառերը, որ սկզբում հայերենի բառապաշտար մտան որպես Էկզոտիզմ, այսօր արդեն դարձել են սովորական փոխառություններ, քանի որ թափանցել են հայկական խոհանոց և կորցրել իրենց բուն ազգային ուտեստ լինելու հատկանիշը: Դրան հակառակ՝ կրոնական ոլորտ ներկայացնող բառերը մնում են Էկզոտիզմներ (մինարե, մզկիթ, դուրան, շարիաթ): Ինչ-որ առումով Էկզոտիզմներ կարելի է համարել նաև այն հատուկ անունները, որոնք գործածական չեն հայկական միջավայրում և հուշում են կոնկրետ ազգային

կամ կրոնական պատկանելության մասին, ինչպես՝ Սալվադոր, Չուկամել և այլն:

Անդրադառնալով փոխառությունների, Էկզոտիզմների և օտարաբանությունների ոճական արժեքին՝ նկատենք, որ փոխառություններն այդ առումով ակտիվ տարրեր չեն. դրանց գործածությունը հատուկ ընտրության արդյունք չէ, քանի որ դրանք ինչ-որ առարկա, երևոյթ արտահայտելու միակ անվանումներն են, ուստի պատկեր կամ կերպար ստեղծելու գործընթացում հատուկ նպատակով չեն գործածվում: Ինչպես ընդհանրապես փոխառությունները, այնպես էլ Էկզոտիզմները մասնավորապես ոճական-արտահայտչական առումով ակտիվ տարրեր չեն: Այդ բառերը առավելապես անվանողական միավորներ են, թեև անվանողական արժեքից բացի ունեն նաև հատուկ ոճական-արտահայտչական երանգավորում. ստեղծում են միջավայրի ճիշտ գունավորում:

Օտարաբանություններն այդ առումով առավել նպատակային տարրեր են, քանի որ դրանց գործածության հիմքը բառնուրությունն է: Եթե դրանց գործածությունը անթույլատրելի է համարվում չեզոք-գործնական տեքստերում, ասենք՝ պաշտոնական զրագրության կամ փաստաթղթերի լեզվում, ապա գեղարվեստական տեքստերում դրանց կիրառությունը հատուկ ոճական նպատակ և երբեմն անփոխարինելի արժեք ունի. դրանք նպաստում են կերպարի, միջավայրի ընդհանուր տիպականացմանը և խոսում են հեղինակի հատուկ նպատակադրման մասին:

Melkonyan Luiza- Foreign uses and loans in the Modern Armenian . - In the different stages of development process, loanswords are considered effective factors of completing lexicon of the Armenian language. Loan of new words is arranged with the influence of foreign culture, with the emerge of new actualities, subjects and understandings. Recurrence to loans is a regular process, loans as denominations of new appearance are necessary for language, also if we can account the fact that with the appearance of new actualities mainly in the first

period are taken from foreign denominations. Only subsequently due to copies of word structure and word-structural patterns are emerged Armenian equivalents, which, at first, being used with the loanword, gradually can push it and can become winners in that competition of word usages.

Мелконян Луиза- Заимствованные слова и варваризмы в современном армянском языке.- В течение разных стадий своего развития, включая новейший период, лексика армянского языка пополнилась заимствованиями из русского и других языков. Новейшие заимствования появились как наименования новых событий, предметов, явлений, которые сформировались и появились в течение двух последних десятилетий в результате изменений в социальной жизни. Проникновение слов в неактивный слой лексики происходит под влиянием языковых факторов, в частности в результате перевода заимствованного иностранного слова, когда создается его армянский эквивалент и заимствование уже выходит из употребления, проникает в неактивный слой лексики, пополняя ряды архаичных слов.

ԷՇՄԻԱԾՆԻ ԵՎ ԱՐՄԱՎԻՐԻ ՏԱՐԱԾՐՁԱԼՆԵՐԻ  
ՏԵՂԱՆՈՒՆՆԵՐԻ ԻՄԱՍՏԱՅԻՆ ՎԵՐԼՈՒԾՈՒԹՅՈՒՆ

Տեղանունները, որպես լեզվի ընդհանուր բառապաշարի միավորներ, դասվում են հատուկ անունների շարքը։ Հատուկ անունները հասարակներից տարբերվում են քերականական, ուղղագրական, հատկապես իմաստային որոշ հատկանիշներով, որոնք կ հնարավորություն են տալիս հատուկ անունները դիտել իբրև լեզվական ինքնուրույն միավոր։

Հատուկ անունների և տեղանունների իմաստային առանձնահատկությունն այն է, որ այդ բառերը, ի տարբերություն հատուկ գոյականների, արտահայտում են ոչ թե հասկացական իմաստ, այլ անվանում են եզակի, անհատական հասկացություն։ Հատուկ անունները և տեղանունները անվանում են առանձին առարկա, օբյեկտ, ուստի ձևաբանական մակարդակում անհոգնական են։ Տեղանունները կողմնորոշիչ նշաններ են, որոնք պարունակում են ուղղակի տեղեկություն անվանակոչված օբյեկտի մասին՝ տեղանվանահիմք դարձած բառի միջոցով։ Տեղանունները քաղաքակրթության արդյունք են, առանց դրանց անհնար է պատկերացնել շփումը ժողովուրդների և երկրների միջև։ «Մշակույթի, գիտության և ընդհանուրապես քաղաքակրթության զարգացումը հանգեցնում է առանձին լեզուների տեղանունների շերտի անընդմեջ ընդլայնման»<sup>74</sup>։

Տեղանուններն օժտված են հարուստ բովանդակությամբ և տեղեկատվությամբ։ Տեղանունների բառակազմական վերլուծության միջոցով կարելի է բացահայտել տվյալ ազգային լեզվի զարգացման գրեթե բոլոր շրջանների օրինաչափութ-

<sup>74</sup> Ն. Դիլբարյան, Պատմաաշխարհագրական և լեզվական գործոնները Հայաստանի տեղանուններում, Ե., 2001,էջ 4:

յունները: Աշխարհագրական անունները անգնահատելի նշանակություն ունեն պատմության համար: Դրանք կարող են ապրել դարեր: Հետաքրքիրն այն է, որ դրանք երբեմն ոչ մի փոփոխության չեն ենթարկվում և պահպանելով իրենց նախնական անունը՝ հակասություն են առաջացնում փոփոխված իրողության մեջ:

Տեղանվան ծնունդը արդյունք է երեք գործոնների՝ պատմական, աշխարհագրական, լեզվական:

Աշխարհագրական անունները վկայում են նաև հասարակարգերի բնույթի մասին: Ցանկացած տարածաշրջանում կարելի է հանդիպել աշխարհագրական անուններ պատմական ամենատարբեր շրջաններից: Դրանք որպես անգնահատելի փաստ ծառայում են լեզվի պատմությանը՝ մեզ հասցնելով շատ այնպիսի բառեր, ձևեր և հնչյուններ, որոնք արդեն գոյություն չունեն կենդանի խորում: Դրանց միջոցով կարելի է վերականգնել լեզվի նախկին վիճակը: «Տեղանունը լեզվական փաստ է՝ ամրագրված տարածքայնորեն, դրանք մեզ հասնում են դարերի, հազարամյակների միջոցով, թույլ տալիս ուսումնասիրել անցյալի լեզվական երեսույթները աշխարհագրորեն՝ որոշելով դրանց տարածական սահմանները»<sup>75</sup>: Մրանք ժողովրդական ստեղծագործությունների, կենցաղի, հավատալիքների ուսումնասիրության համար շռայլ ու անգնահատելի աղբյուրներ են:

Տեղանվանագիտությունը չի գործառում նորահայտ ու ինքնակերտ բառերով, տեղանունները ծնվում են լեզվի սովորական բառերից և ենթարկվում համապատասխան ձևափոխությունների:

Տեղանվանագիտությունը լեզվի պատմության, բառարանագիտության, բառագիտության և լեզվաբանության այլ բաժինների խաչմերուկում է և անքակտելիորեն կապված է պատմությանը, աշխարհագրությանը, ազգագրությանը: Ամեն մի ժամանակաշրջան ունի իրեն հատուկ «տեղանվանագիտա-

<sup>75</sup> **В.А. Никонов**, Введение в топономику, М., 1965, ст. 14.

կան բառախումբը», որն ամբարում է տվյալ պետության, հասարակության, նյութական և հոգևոր մշակույթի զարգացման աստիճանը<sup>76</sup>:

Սույն հոդվածում ուսումնասիրվել են Արմավիրի տարածաշրջանի միայն գյուղանունները: Առավելապես կենտրոնացել ենք Վաղարշապատի տարածաշրջանի տեղանունների վրա ուսումնասիրելով նաև մանրատեղանունների հիմնական մասը(այդի, դաշտ, աղբյուր և այլն): Նշենք, որ Արմավիրի տարածաշրջանի մեջ մտնում է երեսունինը, իսկ Վաղարշապատի տարածաշրջանի մեջ՝ բառասուներեք գյուղ:

Էջմիածնի տարածաշրջանի տեղանունների իմաստաբանական քննություն: Տեղանվանահիմքերի գիտական դասակարգումը կատարվում է տարբեր սկզբունքներով՝ ձևաբանական, բառակազմական և իմաստաբանական<sup>77</sup>: Հատկանվանագիտության մեջ ընդունված է տեղանվանահիմքերը նախ բաժանել երկու խմբի՝ պարտադիր (իմապերատիվ) և ոչ պարտադիր (ֆակուլտատիվ), ապա վերջիններս դասակարգել վերոհիշյալ երեք սկզբունքներով<sup>78</sup>: Պարտադիր տեղանվանահիմքերի իմաստաբանական դաշտն ընդգրկում է. ա) աշխարհագրական-ֆիզիկական տարբեր եզրույթներ՝ լեռ, քար, ծով և այլն, բ) բուսական աշխարհի եզրեր, տեսակների անվանումներ, գ) կենդանանուններ՝ արջ, աղվես, գայլ և այլն, դ) եղանակային և բնական երևույթների անուններ՝ ձյուն, քամի, մրրիկ և այլն, ե) մարդու և կենդանիների մարմնամասերի անուններ՝ ոտ, ձեռ, բերան և այլն, զ) մետաղների և հանքատեսակների անուններ՝ ոսկի արծաթ, պղինձ և այլն, է) դիցանուններ և առապելական ու պատմական հերոսների անուններ՝ աստված, ա-

<sup>76</sup> Ն.Պողոսյան, *Տեղանվանագիտության համարության դասընթաց*, Ե., 2008, էջ 6:

<sup>77</sup> А.Суперанская, *Структура имени собственного*, М., 1969, ст.41-43.

<sup>78</sup> Ն.Դիլարյան, Հայկական տեղանվանահիմքերի իմաստային դաշտը, *Պատմաբանասիրական հանդես*, Ե., 2007, էջ14:

ուարյալ, իսաշ, բազին և այլն, թ) մասնագիտություն, արհեստ նշանակող բառեր սայլվոր, դարբին, զրիչ և այլն, թ) ազգակցություն ցույց տվող բառեր՝ հայր, մայր, աղջիկ և այլն: Պարտադիր տեղանվանահիմքեր են դառնում նաև օբյեկտները բնութագրող որոշիչները, մակդիրները՝ վերին, ներքին, բարձր, ցածր, մեծ, փոքր և այլն: Օբյեկտները բնութագրող որոշիչներով հարուստ են հատկապես մանրատեղանունները: Այդ որոշիչները ստույգ նկարագրում են տվյալ աշխարհագրական օբյեկտը: «Փոքր աշխարհագրական օբյեկտների անունները, որոնց հայտնիությունը դրւում չի զալիս այդ վայրում ապրող մարդկանց նեղ շրջանակներից, ընդունված է կոչել մանրատեղանուններ»<sup>79</sup>: Մանրատեղանունները ոչ մեծ բնական կամ արհեստականորեն ստեղծված (ձեռակերտ) օբյեկտների անհատական անվանումներն են, որոնք սովորաբար արտացոլում են դրանց բնույթն ու հատկանիշները: Բնակչության փոփոխությունը հանգեցնում է մանրատեղանունների զանգվածային փոփոխությունների, հետևաբար մանրատեղանունները կազմում են տեղանվանագիտության առավել շարժուն վասր: Սույն տարածաշրջանում ևս ակնհայտ է այս երեսույթը՝ կապված մանրատեղանունների անվանումների փոփոխությունների հետ: Մանրատեղանուններ կազմելիս շատ են հանդիպում հատկապես անձնանուններ (Համոյի դաշտ, Նուշոյի այգի և այլն): Այս տեղանունները ոչ միայն անվանում են համապատասխան օբյեկտը, այլև վկայում դրա պատկանելությունը: Ուսումնասիրված տարածաշրջանի (Էջմիածնի և Արմավիրի) տեղանունները դասակարգենք ըստ իմաստային դաշտերի:

Տեղանքի միավորներ նշանակող բառերը տեղանուններում: Տեղանքի միավորներ նշանակող բառերը կամ աշխարհագրական եզրույթները չափազանց հաճախ են հանդիպում տեղանուններում, և նման բառերից ծագած տեղանունները, թերևս, կարելի է համարել հնագույն կառուցվածքներ

<sup>79</sup> А.Суперанская, նշվ. աշխ., ս.42.

կամ կաղապարներ: Որովհետև հնում մարդիկ տեղանունները նույնացնում էին տեղանքի աշխարհագրական միավորների հետ, օրինակ՝ հնում մարդը ծովը անվանել է ծով, լեռը՝ լեռ: Տեղանքի միավորները կամ բնակավայրերի եզրույթները տեղանունների հիմք են դառնում մի շարք եղանակներով. եզրույթը ուղիղ ձևով վերածվում է տեղանվան: Այս տիպի անվանումները բավական սակավաթիվ են մեր տարածաշրջանի տեղանուններում, և ընդհանրապես այս եղանակը գործուն չէ հայերենի արդի շրջանում: Այս տարածաշրջանում հանդիպում է այս տիպի կազմության ընդամենը մեկ օրինակ՝ Հաշու:

ա) Փոքր-ինչ ավելի տարածված են նման բառերից տարբեր ածանցներով կազմված տեղանունները, օրինակ՝ *Այզեկ*, *Արևիկ*, *Շենիկ*. Երեքն էլ զյուղանուններ են: Այս շարքին կարելի է դասել նաև գրաբարի «ք» հոգնակերտով կազմված տեղանունները, որոնց «ք» բաղադրիչը աստիճանաբար կորցրել է հոգնակիության իմաստը: Տարածաշրջանում այդպիսի ընդամենը մեկ օրինակ կա՝ *Լիճք*, որը աղբյուրի անվանում է:

բ) Բարդ բառ-տեղանուններ, որոնց բաղադրիչներից մեկը տեղանքի միավոր նշանակող արմատ է: Այս կաղապարի տեղանունները ամենազործունն են եղել հայերենի զարգացման բոլոր շրջաններում: Իսկ «քար», «սար», «ձոր» տիպի հիմքերն այսօր կորցրել են իրենց իմաստային բովանդակությունը վերածվելով տեղանվանակերտ ձևույթների: Այս կաղապարի տեղանունների բազմաթիվ օրինակներ կան տարածաշրջանում: Օրինակ՝ *Առատաշեն*, *Արագափ*, *Արևադաշու*, *Երասիահուն*, *Լուսագյուղ*, *Ջրաշեն*, *Հայկաշեն*, *Կողբավան*. նշվածները զյուղանուններ են:

գ) Բառակապակցական տեղանուններ: Տեղանքի միավոր նշանակող բառերով կազմված բառակապակցական տեղանունների բոլոր օրինակները մանրատեղանուններ են: Այս տարածաշրջանում ընդհանրապես բառակապակցական կառույցները հատուկ են միայն մանրատեղանուններին: Օրինակ՝ *Իշխանաց այզի*, *Թթի այզի*, *Ջրադացի առու*, *Ակնաշենի ջրանցք*,

*Ծաղկալանջ բլուր* և այլն: Ուսումնասիրված տարածաշրջանում տեղանքի միավորներ նշանակող բառերով կազմված տեղանունները շատ են: Սրանց թիվը հասնում է մոտ երեք տասնյակի: Այսպիսի կաղապարներում առանձնացվում են որոշիչ-որոշյալ և հատկացուցիչ-հատկացյալ կառուցներ: ա) Որոշիչ-որոշյալ՝ *Ծաղկալանջ բլուր*, *Սևրար*, *Սևջուր*, *Ծանծաղ լիճ* և այլն: բ) Հատկացուցիչ-հատկացյալ՝ *Աղավնատուն*, *Էշխանաց այգի*, *Խամերի դաշտ*, *Խնձորի այգիներ*, *Սևջրի կամուրջ*, *Ջրադի թառակ* և այլն: Ակներև է, որ այս տարածաշրջանում հատկացուցիչ-հատկացյալով կառուցներն ավելի շատ են: Սրանք ցույց են տալիս պատկանելություն: Սեփականատիրության հոգեբանությունն ակնհայտ է, դա ապացուցում են նաև բազմաթիվ մանրատեղանունները՝ կազմված անձնանուններից:

Կրոնական բովանդակության տեղանուններ: Ցանկացած ազգի անցած պատմական ուղին և դրա խտացումը՝ հոգեսոր մշակույթը, իր աստիճանական զարգացմամբ արտահայտվում և մարմնավորվում է ոչ միայն նյութական հուշարձաններում, այլև ազգային լեզվում: Տեղանունների ուսումնասիրությունը թույլ է տալիս թափանցելու տվյալ ժողովրդի ունեցած գաղափարների շրջանակը:

Կրոնական բովանդակության տեղանունները նախ բաժանվում են հեթանոսական և քրիստոնեական խմբերի: Հեթանոսության ծնունդ տեղանունները, ծագումնաբանորեն ավելի հին լինելով, պատմական ու լեզվական ավելի մեծ հետաքրքրություն են ներկայացնում: Այս խմբի տեղանունների շարքում նախ առանձնացնում են հեթանոսական դիցարանի զիաւավոր աստվածների և աստվածուինների անուններից ստեղծված տեղանունները: Սակայն ուսումնասիրված տարածաշրջանում այս տիպի անուններից կազմված տեղանուններ չկան: Հեթանոսության պաշտամունքի հետ կապված կա մեկ տեղանուն՝ *Բազարան* (զյուղանուն): Բնականաբար այս անունը ծագել է մինչքրիստոնեական շրջանում և կապված է հեթանոսական

հավատքի հետ: Քրիստոնեական տեղանունները հասկանալի պատճառով (այն, որ Էջմիածինը հայոց հոգևոր կենտրոնն է) շատ ավելի մեծաթիվ են: Կրոնական բովանդակության տեղանունների ստեղծման հիմքում ընկած են անվանակոչման երեք սկզբունքներ՝

ա)ըստ անձնանունների,

բ)ըստ անվանվող օրիենտին բնորոշ հատկանիշների,

գ)ըստ տվյալ վայրում գտնվող եկեղեցու կամ վանքի:

Այս տարածաշրջանի՝ կրոնական բովանդակության տեղանունները կազմվել են անձնանունների հիմքի վրա: Անձնանունը տվյալ տեղանական զլսավոր բաղադրիչն է դառնում: Սրանք հիմնականում եկեղեցիների, ուխտավայրերի, մատուռների անուններ են: Օրինակներ՝ *Սր.Հովհաննես եկեղեցի*, *Սր.Թովմա առաքյալի եկեղեցի*, *Սր.Պողոս-Շետրոս եկեղեցի*, *Սր.Ստեփանոս եկեղեցի*, *Թուխ Մանուկ ուխտավայր*, *Սր.Կարապետ ուխտավայր*, *Սր.Սարգիս եկեղեցի*, *Սր.Հարություն եկեղեցի*, *Սր.Ստեփանոս Նախավկա եկեղեցի* և այլն: Աստվածածին բաղադրիչն կազմված անունները շատ տարածված են այս տարածաշրջանում: Միայն Էջմիածնի տարածաշրջանի յոթ գյուղերի սրբավայրերը անվանակոչված են *Սր.Աստվածածին անունով*:

Կենդանանուններից ածանցված տեղանուններ: Կենդանանուններն այն լեզվական բաղադրիչներն են, որոնցից բավական արդյունավետ բաղադրվում են տեղանունները, ընդորում տեղանվանակերտման այս կաղապարն առավել տարածված էր լեզվի հնագույն և հին ժամանակներում: Այս տեղանունները մեծավ մասամբ փոխաբերական աշխարհագրական եզրույթներ են ստեղծում<sup>80</sup>: Կենդանանուններից կազմվող հայերենի տեղանունները իմաստաբանորեն դասակարգելիս առանձնացվում է 4 տիպ՝ ա)վայրի և բ) ընտանի կենդանանուններից, գ)քոչունների, դ)սողունների անուններից կազմված տե-

<sup>80</sup> Ն.Դիլքարյան, Պատմապաշտարհագրական և լեզվական...., էջ 41:

դանուններ: Ընդհանրապէս հայերենի տեղանուններում իրենց քանակով ու տարածման հաճախականությամբ աչքի են ընկնում «արջ» բառից կազմված տեղանունները՝ *Արջաքարեր*, *Արջավագ*, *Արջագազաթ* և այլն: Տարածված են նաև «զայլ» բառով կազմվածները. Այս բառով բարդ տեղանունները ամենակենսունակն են, երբեմն զայլը դառնում է նաև գոյական որոշիչ, օրինակ՝ *Գայլզետ*: Ուսումնասիրված տարածաշրջանում կազայլ կենդանանունից կազմված ընդամենը մեկ օրինակ, այն էլ բառակապակցական *Գայլի բներ* դաշտ: «Աղվես» կենդանանունով երեք տեղանուն է արձանագրվել, որոնք երեքն էլ բառակապակցական մանրատեղանուններ են՝ *Աղվեսի դաշտ*, *Աղվեսի բներ* այզի, *Աղվեսաձոր* ձոր: «Խոզ» կենդանանունից բաղադրված տեղանունները սակավաթիվ են: Այս տարածաշրջանում կազմության մի կամուրջ, որն անվանում են *Խոզանոցի կամուրջ*. Սողունների անուններից բաղադրված տեղանուններում միանշանակորեն հաղթողը «օձ» հիմքից կազմված ձևերն են: Այս տարածաշրջանի արոտավայրերից մեկն անվանում են *Օձաբլուր*, իսկ դաշտերից մեկը՝ *Օձկոնդ*: Թոշնանուններից ամենամեծ տարածման գոտին ունեն *աղավնի*, *արազիլ*, *ագռավ*, *կաքավ*-ը: Այս տարածաշրջանում *Աղավնաձոր* անունով կազմակերպությունը կազմում է աղավնի անունը՝ *Աղավնատուն*: *Արազիլ* թոշնանունով կազմությունը մեկը՝ *Արազիլի բըներ* դաշտ: Հետաքրքրիքն այն է, որ այս տարածաշրջանում կազմակերպությունը անունը՝ *Մանրատեղանուն*՝ բաղադրված միջատանուններից, որանք են՝ *Մըշեմանոց* այզի (բարբառային տարբերակ) և *Տզրկադաշտը*:

**Բուսանուններից կազմված տեղանուններ:** Բուսանուններից կազմված տեղանունները, ի տարբերություն կենդանանունները որպէս հիմք ունեցող կառուցների, շատ ավելի կենսունակ ու գործուն են նաև արդի հայերենում: Բուսանունները ևս հեշտությամբ են դառնում տեղանունների հիմք: Սակայն այս կառուցվածքի տեղանունները երբեմն կապված չեն լինում անվանակոչվող միավորների բուսական բնութագրի

հետ: Օրինակ այս տարածաշրջանում կա մի զյուղանուն՝ *Տանձուտ*, որտեղ շատ հնարավոր է, որ բնավ էլ տանձենիներ չլինեն: Բուսանուններով բաղադրված տեղանունները նոյնպես բաժանվում են 4 կաղապարների՝ ա)անձեռոյթ, այս տիպը տարածաշրջանում չի հանդիպում, բ) ածանցային՝ *Տանձուտ*, Եղեգնուտ, Պողոսնք, Ծաղկունք, Մրգատուն, գ) բարդ, որտեղ դարձյալ վճռորոշ են տեղանվանակերտ դարձած «ձոր», «բլուր», «շեն», «սար» հիմքերով կազմվածները (կան այնպիսի տեղանուններ, որոնք կազմված են «շատ» տեղանվանակերտ մասնիկից և բուսանուններից՝ *Բամբակաշատ*, *Մրգաշատ*, *Բերքաշատ*. ավան հիմքով կազմված է *Փշատավան* տեղանունը), դ) բարակապակցային՝ *Բարդիների ծառուղի*, *Թթի այզի*, *Խնձորի այզի*, *Խոտնոց դաշտեր*, *Տանձանոց այզի*, *Ծիրանանոց այզի*, *Դեղձանոց այզի*: Ակներև է, որ բուսանուններից կազմված տեղանունները հիմնականում մրգերի անուններից են բաղադրված, որոնք մատնանշում են, թե տվյալ վայրում, օրինակ, որ միրգն է տարածված:

Մարմնամասեր նշանակող բառերից առաջացած տեղանուններ: Մարդու և կենդանիների մարմնամասեր նշանակող բառերից կազմված տեղանունները ժամանակագրական առումով ավելի հին շրջանի կառուցներ են: Մարմնի մասերի անվանումներից բաղկացած տեղանունները մարդու առարկայական մտածողության նախնական աստիճանի արտացոլումն են, մարդը նախ ճանաչում է իրեն, իր մարմինը, ապա փորձելով ճանաչել շրջապատը՝ ուղղակիորեն համեմատում է այն իր մարմնի հետ գտնելով ընդհանուր եզրեր: Այսպիսով՝ մարմնամասերից առաջացած տեղանունները կազմվել են համեմատությամբ և համարանությամբ<sup>81</sup>: Ամենահաճախ հանդիպողն ընդհանրապես աչք և ակն բառերից կազմված ձևերն են: Քննվող տարածաշրջանում ակն հիմքով կա երկու զյուղանուն՝ *Ակնաշեն*, *Ակնալիճ*. վերջինիս անունով կա նաև լիձ:

<sup>81</sup> Ն. Դիլբարյան, *Պատմաաշխարհագրական և լեզվական....*, էջ 33:

*Հանջ* բարից ածանցված ձևերն ավելի մեծաթիվ են, այս կաղապարը գործուն է նաև տեղանվանաստեղման ներկա փուլում: *Հանջ-ն* այժմ վերածվել է ռելիեֆի աշխարհազրական անվանման, արտահայտում է առարկայի տարածական հարաբերություն: *Հանջ-ով* կազմված երկու օրինակ կա այս տարածաշրջանում՝ *Հանջակող, Ծաղկալանջ*: Էջմիածնի տարածաշրջանի զյուղերից մեկում՝ Արշալույսում, կա մի դաշտ, որ կոչվում է *Քարաքիթ*: Այն կարելի է բացատրել այսպես քարի քիթ, այսինքն՝ ծայրը (այստեղ քիթ բառը իմաստափոխվել է): Մարմնամասեր նշանակող բառերով կազմված տեղանվան ևս մեկ օրինակ կա՝ կազմված *զող* մարմնամասով՝ *Հեռնազող*:

Գունանուններից կազմված տեղանուններ: Տեղանունների հիմքում դրվում են նաև գունանունները: Տեղանվանահիմք կարող են դառնալ գրեթե բոլոր գույները: Տեղանվան կազմում սրանք ոչ միայն սուս գունանուններ են, այլև բառեր, որոնք օժտված են հավելյալ իմաստային երանգներով՝ զգայական, ոճական կամ փոխաբերական: Օրինակ՝ կարմիրը կարող է դիտվել զեղեցկության կամ արյունահեղության խորհրդանիշ, սևը՝ ողբի, և այլն: Այս տարածաշրջանում գունանուններից կազմված տեղանունները հետևյալն են՝ *Կարմիր քարեր դաշտ, Սևքար դաշտ, Սպիտակ կամուրջ, Սևզուր, Սևցրի կամուրջ, Կարմրահյուր դաշտ, Սր. Կարմրավոր եկեղեցի:*

Թվական տեղանվանահիմքով այս տարածաշրջանում *յոթ* թվականով կազմված ընդամենը մեկ օրինակ կա, որը աղբյուրի անուն է՝ *Յոթնադրյուր*:

Անձնանուններից կազմված տեղանուններ: Անձնանուններից կազմված տեղանունները իրենց տարածվածությամբ չեն զիջում տեղանքի միավորներ նշանակող բառերից կազմված տեղանուններին: Բայց անձնանուններից կազմված տեղանունները համեմատաբար ավելի երիտասարդ են, քանի որ հնում մարդու մտածողությունը ծանրաբեռնված չէր կրոնական, զաղափարական հոսանքներով, հերոսների անուններով: 20-21-րդ դարերը բնորոշվում են անձնանուններից բաղադրված տեղա-

նունների բուռն աճով, օրինակ՝ Տերյան, Թումանյան, Պուշկին, Արովյան և այլն: Տարածաշրջանում քազմաթիվ են այս տիպի տեղանուններից: Մրանք հիմնականում Վաղարշապատ քաղաքի և Զվարթնոցի փողոցների անուններն են, ինչպես՝ Թամանյան, Հոմոնոսով, Չարենց, Շիրվանզադե, Կիրով և այլն: Ակնհայտ է, որ անվանակոչման համար օգտագործվում են զիտության, արվեստի, քաղաքական ասպարեզի գործիչների անունները: Անվանակոչման երեսույթը սերտորեն առնչվում է հասարակական-քաղաքական իրավիճակին: Դրա վառ ապացույցը Էջմիածնում վերանվանված մի փողոցի օրինակն է: Նախկինում Կոլխոզներ կոչված փողոցը այժմ վերանվանվել է Նարեկացի:

Mnatsakanyan Donara- Semantic Analysis of Toponyms of Echmiadzin and Armavir Areas.- In this work we have carried out the semantic examination of toponyms of Echmiadzin and Armavir areas and we have found out to which field of meaning the place names belong to. According to fields of meanings we have differentiated several meaning groups. Those groups are: 1.the toponyms, which are composed of words signifying place points, 2. the toponyms composed of animal names, 3.the toponyms composed of plant names, 4.the toponyms composed of the word signifying names of body parts, 5. The toponyms with religious plot, 6.the toponyms composed of personal names. We have brought examples from each mentioned meaning field.

Мнацаканян Донара- Семантический анализ топонимов Эчмиадзинского и Армавирского районов.- В данной работе проведено семантическое изучение топонимов Эчмиадзина и Армавира. Согласно семантической классификации выделено несколько семантических групп. К этим группам относятся топонимы: 1. образованные словами, означающими единицы местности; 2. образованные зоонимами; 3. образованные фитонимами; 4. образованные словами, означающими части тела; 5. религиозного содержания; 6. образованные антропонимами. Приведены примеры из каждой упомянутой семантической группы.

ԲԱՅԵՐԻ ՍԵՇԱՅՔՆ ԱՆՑՈՒՄՆԵՐ ԱՐԴԻ  
ԱՐԵՎԵԼԱՀԱՅԵՐԵՆՈՒՄ

Լեզուները, պայմանավորված լեզվական և արտալեզվական գործոններով, պարբերաբար ենթարկվում են ինչ-ինչ փոփոխությունների, որոնք արտահայտվում են լեզվի տարբեր համակարգերում: Եվ ժամանակ առ ժամանակ ոչ միայն անհրաժեշտություն է առաջանում դրանց անդրադառնալու որպես լեզվական շեղումների, այլև ինչ-որ առումով պարտադիր են դառնում որակական այդ փոփոխությունների դիտարկումը, համակարգային կանոնարկումն ու ամրագրումը: Ժամանակից հայոց լեզվի տարբեր համակարգերում (հոլովման, խոնարհման և այլն) նկատվող տեղաշարժերը դիտարկվել են լեզվաբանական տարբեր աշխատություններում<sup>82</sup>:

Քննության նյութը բայի ինդրառական համակարգում վերջին 1-2 տասնամյակներում կատարվող տեղաշարժերը, իսկ ավելի որոշակի՝ մի քանի բայերի սեռային անցումները<sup>83</sup>:

<sup>82</sup> Արդի գրական հայերենի ձևաբանական համակարգի տեղաշարժերը քննվում են Լ. Խաչատրյանի «Տեղաշարժեր բառերի ձևաբանական իմաստի մեջ» (Ե., 1985) աշխատությունում: Արտասանական և խոնարհման համակարգի տեղաշարժերը մանրամասն ներկայացվում են Յու. Ավետիսյանի «Տեղաշարժեր արդի գրական հայերենում» (Ե., 2011) ուսումնասիրության մեջ:

<sup>83</sup> Զենք անդրադառնում խնդրառական այն դրսերումներին, որոնք՝ 1. ակնհայտ սխալ են, ինչպես, օր.՝ Կծանոթացնեմ գործերի ընթացքը, Թշնամին գրոհում է քաղաքը և այլն, 2. կրկնասեռ բայերին բնորոշ խնդրառություն են, ինչպես՝ սովորել դասը, սովորել կլիմային, լավ ապրել, անմոռանալի օրեր ապրել, տիրել (գրավել) աշխարհամասը, լոռություն տիրել և այլն, 3. բայի՝ միայն համատեքստում փո-

Հայտնի է, որ քերականական համակարգը համեմատաբար կայուն է և շատ դանդաղ է ենթարկվում փոփոխությունների. հաճախ քերականական մի ձեից մյուսի անցումը կատարվում է դարի (եթե ոչ դարերի) ընթացքում: Այսուհանդերձ, համակարգի կայունությունը չի ենթադրում անշարժություն, և ամենատարբեր գործոններով պայմանավորված՝ լեզվական նոր որակներ մուտք են գործում նաև քերականություն՝ վերածվելով կանոնական ձևերի: Հայ քերականագիտության մեջ խնդրին տարբեր առիթներով անդրադարձել են տակավին անցյալ դարի կեսերից, տրվել են տարաբնույթ մեկնաբանություններ<sup>84</sup>, որոնց ըստ անհրաժեշտության կանդրադառնանք:

Սեռային (խնդրառական) տեղաշարժերը պայմանավորող գործոնները տարբեր են՝ բազմիմաստություն, իմաստի փոփոխություն, լեզվի տարրերակային ձևերի և օտար լեզուների ազդեցություն, քերականական ձևերի իմաստային առնչակցություն, սխալակազմություն, տարածվածություն հանրային գործունեության բոլոր ոլորտներում, խոսքի տնտեսման միտում, համարանություն և այլն: Եվ սրանք լեզվի զարգացման տարբեր փուլերում այս կամ այն չափով են ներգործում լեզվամիավորների որակական անցումների վրա (թեև հաճախ թվարկված գործոններից մի քանիսը միասնաբար են դառնում տեղաշարժի պատճառ):

Խարերական գործածությամբ պայմանավորված խնդրառություն են՝ լաց լացել, երգ ճռնչալ, վիշտ կարկաչել, կարտոսներ հեկեկալ և այլն:

<sup>84</sup> Տե՛ս Ս. Աբեղյան, Հայոց լեզվի տեսություն, Ե., 1965, Ա. Աբրահամյան, Բայր ժամանակակից հայերենում, զիրք I, Ե., 1962, Ս. Ասատրյան, Բայի սեռերը ժամանակակից հայերենում, Ե., 1959, Գ. Զահոնյան, Ժամանակակից հայերենի տեսության հիմունքները, Ե., 1974, Հ. Հարությունյան, Կառավարումը ժամանակակից հայերենում, Ե., 1983 և այլն:

Խնդրառական տեղաշարժերը բնորոշ էին մեր լեզվի դեռևս նախորդ փուլերին. գրաբարից միջին հայերեն անցման ընթացքում բազմաթիվ բայեր կրել են սեռային փոփոխություններ: Պատճառները տարբեր են: Վ. Առաքելյանը նշում է, որ գրաբարում սեռային անցումները հիմնականում իմաստային փոփոխության հետևանք են: Անդրադառնալով գրաբարի ե խոնարհման ներգործական սերի մի քանի բայերի՝ բուրեմ, գայթակղեմ, խոտորեմ, խուճապեմ, շտապեմ, զիջեմ, ազդեմ, աշխատեմ և այլն, գրում է. «Գրաբարի զարգացման ընթացքում ե խոնարհման ներգործական բայերի մի մասը սկսում է չեղոք դառնալ: Այս չեղոքացումը կատարվում է ամենից առաջ այն բայերի հետ, որոնք գործողության իմաստի հետ համատեղում են նաև շարժման դրության, վիճակի զաղափարը: Ակզբնապես նրանց մեջ արդեն չեղոք բայերի նախադրյալներ առկա են եղել... Հետազայում սեռացուցիչի թուլացման հետևանքով դրանք աստիճանաբար շարահյուսական նոր գործածություն են ձեռք բերում, այսինքն կիրառվում են չեղոք բայերի խնդրառությամբ»<sup>85</sup>: Կամ՝ Ռ. Իշխանյանը նշում է, որ նախկինում ձեռնարկել բայը չեղոք սերից բաղադրիչների իմաստի մթագնման պատճառով դարձել է ներգործական: Այն գրաբարում գործածվել է «ձեռք զցել» նշանակությամբ և կապվել միայն տրական հոլովով դրված լրացման հետ: Իսկ հետազայում բաղադրիչների այդպիսի ըմբռնումը չի գիտակցվել, որի պատճառով փոխվել է նաև խնդրառությունը, և ներկայումս բայը դարձել է անցողական՝ գործածվելով ուղղական հոլովով դրված լրացումների հետ<sup>86</sup>, ինչպես՝ ձեռնարկել նոր գործ, ձեռնարկել գրքի հրատարակումը և այլն:

<sup>85</sup> Վ. Առաքելյան, Սերի քերականական կարգը և բայածանցները գրաբարում. – Պատմա-բանասիրական հանդես, Ե., 1980, № 2, էջ 73-74:

<sup>86</sup> Տե՛ս Ռ. Իշխանյան, Բայի սերի կարգը արդի հայերենում. – Հայկական ՍՍԸ ԳԱ տեղեկագիր. հասարակական գիտություններ, Ե., 1, 1959, 11-12, էջ 79:

Ինչպես նշեցինք, զրաբարում և միջին հայերենում սեռային անցումները մեծ մասամբ բառիմաստի փոփոխության հետևանք են, և սերի խնդրի միակերպ արտահայտությունը չի ազդում սեռային փոփոխության վրա: Այս հանգամանքը հարկ է հատուկ շեշտել, նաև մի քանի խոսքով անդրադառնալ դրան, որովհետև սեռային (նաև խնդրառական) տեղաշարժերը պայմանավորող գործոնները ժամանակակից հայերենում զրաբարի համեմատությամբ փոքր-ինչ այլ են:

Հայտնի է, որ զրաբարում բայ+ուղիղ խնդիր հարաբերության մեջ չկա անձի և իրի քերականական տարրերակում, ինչպես՝ «Եւ անդէն թագաւոր ի ներքն կոչեցեալ զդայրապետը...» (Փալստոս Բուզանդ, «Պատմութիւն հայոց»), «Եւ թագաւորն սպառազինէ զգօրսն...» (Սերենոս, «Պատմութիւն») և այլն: Կարծիք կա, որ անձի և իրի քերականական տարրերակումը սկսվում է 18-րդ դ. առաջին կեսերից<sup>87</sup>, սակայն դրա սաղմերը նկատվում են դեռևս 15-17-րդ դդ. զրավոր աղբյուրներում, որոնցում անձի առման ուղիղ խնդրի տրականով արտահայտությունները, մեծ մասամբ զիջելով ուղղականաձև հայցականի կիրառություններին, գործածվում են դրանց հետ կողը կողքի, ինչպես՝ «զԱստուած կը պահէ ամէն դարիափի, ...զառիքն քեզ եղբայր շինէ ու զիրեշտակըն արա սիրելի» (Մկրտիչ Նադաշ, «Հայ դասական քնարերգություն») և այլն<sup>88</sup>:

18-րդ դ. երկրորդ կեսից հստակ տարրերակվող անձի և իրի առումները, իսկ ավելի կոնկրետ՝ դրանց քերականական արտահայտությունները, այսօր արդեն զգալի ազդեցություն

<sup>87</sup>Տե՛ս Հ.Պետրոսյան, Գոյականի առումները հայերենում, Ե., 1960, էջ 140-141:

<sup>88</sup>Չենք անդրադառնում միջին հայերենում սեռային անցումներին: Ինչպես հայտնի է, այս փուլում հայերենը ներկայացնում է չկանոնարկված ու «խայտաբղետ» լեզվական համակարգ՝ հազեցած բարբառային տարրեր իրողություններով: Այս պատճառով քննվող իրնդիքի վերաբերյալ դժվար է հիմնավոր և որոշակի եղբահանգման գալ:

ունեն բայի սեռային անցումների վրա: Այլ կերպ ասած՝ զրաբարի համեմատությամբ արդի հայերենում սեռային-խընդրառական տեղաշարժերի վրա մեծացել է հատկապես քերականական տարբեր ձևերի իմաստային նույնության և խոսողի վերաբերմունքի ներգործման դերը: Ներկայումս շարժը կատարվում է առավելապես բայ + ուղղական հոլովով դրված ուղիղ խնդիր և բայ + տրական հոլովով դրված անուղղակի խնդիր հարաբերությունների տիրույթում<sup>89</sup>: Հետաքրքիր է, որ իմաստափոխությամբ պայմանավորված սեռային տեղաշարժեր վերջին 2 տասնամյակներում չեն նկատվում: Ինչ խոսք, նշված շրջանը գուցե փոքր ժամանակահատված է իմաստային և որակական ինչ-ինչ անցումների համար: Սակայն մյուս կողմից չենք կարող չնկատել, որ հենց նույն ժամանակահատվածում կենսապայմանների, բարձր տեխնոլոգիաների, տեղեկատվականության զգալի առաջընթացն ու արագ զարգացումները իրենց արտահայտությունն են գտնում լեզվում, մասնավորապես բարիմաստի փոփոխություններում (բազմաթիվ բառեր, ներլեզվական զանազան օրինաչափություններով պայմանավորված, ընդլայնել են իրենց իմաստային դաշտը՝ պատուհան, մկնիկ, խողովակ, քաշել, բանկ և այլն): Այսուհանդերձ, ներկայացվելիք բայերը (խանգարել, խոչընդոտել, կարոտել և այլն) թեև սեռային (խնդրառական) ակնհայտ տեղաշարժի են ենթարկվել, սակայն ժամանակակից հայերենի բառարաններում արձանագրված իմաստ(ներ)ի համեմատությամբ իմաստային փոփոխություններ չեն կրել:

Թերևս բացառություն է բավարարել բայը, որը իմաստափոխության (իմաստի ընդլայնման) հետևանքով է ենթարկվել տեղաշարժի՝ վերածվելով կրկնասեռ բայի: Ըստ «Ժամանա-

<sup>89</sup> Բայ+ուղիղ խնդիր հարաբերությունը դիտարկելիս շեշտադրում ենք իրի առման ուղիղ խնդրի քերականական արտահայտությունը. հասկանալի է, որ անձի առման ուղիղ խնդիրը և հանգման անուղղակի խնդիրը ձևային տարբերակվածություն չունեն:

կակից հայոց լեզվի բացատրական բառարան»-ի՝ այս բայը ունի 2 իմաստ՝ «1. Հերիք անել, 2. Գոհացնել, գոհացում տալ»: Երկու իմաստներով էլ ներգործական է: Նույն բայի դիմաց Էդ. Աղայանի «Արդի հայերենի բացատրական բառարան»-ում նըշվում է 4 իմաստ՝ «1. Կատարել, ի կատար ածել, 2. Բավականացնել, հերիք անել, 3. Գոհացնել, պահանջներին գոհացում տալ, 4. Հայթայթել, ապահովել, մատուկարարել»<sup>90</sup>: Չորս իմաստների դեպքում էլ բայը դարձյալ ներգործական է և գործածվում է ուղղական կամ տրական հոլովով դրված ուղիղ խնդրի հետ: Սրանցից բացի՝ այսօր բավարարել բայը սահմանափակ կիրառություններում, կարծում ենք, գործածվում է նաև համապատասխանել իմաստով (հաճախ գործածվում է հենց այդ բայի փոխարեն): Այս նշանակությամբ արդեն այն չեզոք է և կիրառվում է տրականով դրված հանգման անուղղակի խնդրի հետ, ինչպես՝ «Թուրքիան ստիպված է լինելու բավարարել ԵՄ անդամության չափանիշներին»<sup>91</sup>: «ՀՀ-ն չի բավարարում ծրագրի պահանջներին» ([www.operativ.am](http://www.operativ.am), 17.10. 2013): «Դրանք չեն բավարարում մայրաքաղաքի կենտրոնը կանաչապատելու համար սահմանված չափանիշներին» ([www.hetq.am](http://www.hetq.am), 20.07. 2011): «Հայաստանը նախ և առաջ պետք է բավարարի (=համապատասխանի.- Լ. Ս.) եվրազուտի մտնելու տարրական օրենքներին» ([www.amerikamagazin.am](http://www.amerikamagazin.am), 08.03.2004): Փաստորեն բայը դարձել է կըրկնաւո՞՝ ներգործական և չեզոք:

Վերջին տասնամյակներում, կախված խոսողի վերաբերմունքից, շատ են «չարաշահվում» ոչ միայն անձի և իրի առման փոխնիփոխ գործածությունները, այլև տրական հոլո-

<sup>90</sup> Առավելապես առաջնորդվում ենք նշված երկու բառարաններով, քանի որ դեռևս սրանք են արտացոլում ժամանակակից հայոց լեզվի բառապաշարի հարաբերական ամբողջությունը:

<sup>91</sup> «Նոյյան տապան», [www.nt.am](http://www.nt.am), 11.10. 2008: Այսուհետև կեկտրոնային պարբերականներից հղումները կտրվեն շարադրանքում. փակագծերում կնշվեն կայքի հասցեն և հրատարակման ամսաթիվը:

վով դրված խնդրի փոխարեն ուղղականով (և հակառակ) դըր-սկորումները, որոնք հետևանք են և՝ որոշակիորեն փոխված լեզվամտածողության, և՝ խմաստային դրսկորումների քերականական նույնության: Այս առումով առանձնացրել ենք մի քանի բայեր՝ կարոտել, տենչալ, դավաճանել, դավանել, խանգարել, խոշընդոտել, խթանել<sup>92</sup>, որոնք, զրական լեզվի կանոնի համաձայն, պետք է գործածվեին կամ տրականով դրված անուղղակի խնդրի, կամ ուղղականով դրված ուղիղ խնդրի հետ, սակայն այսօր զգալի չափով փոխվել է դրանց խնդրառությունը:

Այսպես, կարոտել բայց, ըստ վերը նշված բառարանների, չեզոք է և անցյալում դրսկորում էր առավելապես չեզոք սեռի բայերին բնորոշ խնդրառություն՝ բայ+տրական հոլովով դրված անուղղակի խնդրի, ինչպես՝ «Բայց սիրտս, որ տարիներ Կարոտել էր մոր զրկի» (Հ. Շիրազ), «Թե դաշտերին ես կարոտել...» (Ս. Կապուտիկյան) և այլն: Այսկայն նույն ժամանակահատվածում նշված կառուցին զուզահեռ գործածվել է նաև բայ+ուղղական հոլովով դրված ուղիղ խնդրի կադապարը: Դժվար և ինչ-ոք առումով արդեն անկարենոր է հստակ նշել, թե առաջին անգամ երբ է հանդիպում այս շեղումը, և կամ թե պնդել, որ սա անվերապահորեն սխալ կիրառություն է: Փաստ է, որ կարոտել + իրի առման ուղիղ խնդրի կառուցները (իհարկե, ոչ այնքան հաճախ) հանդիպում են դեռևս Ա. Բակունիցի, Դ. Դեմիրճյանի և այլոց գործերում՝ «Կարոտում է Կաքավ զյուղի աղբյուրը» (Ա. Բակունից), «Կարոտել էր հայրենի տունը» (Դ. Դեմիրճյան): Ժամանակի ընթացքում այսպիսի գոր-

<sup>92</sup> Այս բայերի խնդրառական տեղաշարժերին անդրադարձել են տարբեր լեզվաբաններ՝ Ս. Աբրահամյան, Հ. Հարությունյան, Ս. Աստրույան և այլք: Նրանց վերը նշված աշխատություններում, սակայն, դրանք դիտվում են որպես խնդրառական տարբերակներ, և սեռային անցումը, պայմանավորված ժամանակաշրջանով և հատկապես երեսությի ոչ այնքան տարածվածությամբ, չի որոշարկվում:

ծածությունները դառնում են գերակա: Լեզվի զարգացման արդի փուլում սովորական և շատ տարածված են կարտում եմ օրերը, հայրենիքը, մթնոլորտը, տունը, մանկությունը կառույցները: Մեկ-երկու բնագրային օրինակ՝ «Մեսրոպը կարոտել էր իր հողը» (Հ. Մաթևոսյան): «Կարոտել եմ Գյումրիս» (www.wordpress.com, 25. 03.1998), «Գերմանիայում եղած ժամանակ շատ էի կարոտել հատկապես ընտանիքս, տունս, երեխաներիս» («Արմենիա» ՀԸ, 15.07.2014) և այլն:

Կարոտել բայր, պայմանավորված խնդրի հետ ունեցած հարաբերությամբ, արևելահայերենում ենթարկվել է սեռային երկիրեղկման: Ավելին, հենց այդ նույն հարաբերությամբ էլ առավել հստակ է դառնում խնդրառական միակերպության միտումը, և ակնհայտ նկատվում է անցում չեզոքից ներգործականի: Ի դեպ, այս բայի (ոչ միայն) սեռային տեղաշարժին անդրադարձում է դեռևս Ա. Արքահամյանը՝ նշելով, որ առաջմ ոչ այնքան ցայտունությամբ, բայց նկատվում է «չեզոք հատկանիշի թուլացում, և բայր տատանումներ է տալիս անանցողականության (չեզոքի) ու անցողականության (ներգործականի) միջև<sup>93</sup>: Լեզվի արդի փուլում այս բայի սեռային նշանակության մեջ տիրապետող է դարձել ներգործականության իմաստը, և լեզվաբանի նշած «տատանումները» զգալի չափով թուլացել են: (Համենայն դեպս, պատկերն այդպիսին է ըստ մեր կատարած վիճակագրության, որին կանդրադառնանք):

Նոյն փոփոխությունն է նկատվում նաև տենչալ բայի դեպքում: Կախված խնդրի հետ ունեցած հարաբերությունից՝ այն հիմնականում դրսեորում է ներգործական սեռի իմաստ: Ա. Արքահամյանը, անդրադառնալով այս բայի խնդրառական շարժին, այն կարծիքին է, որ բայը չեզոքից ներգործական սեռային անցման գործընթացի մեջ է<sup>94</sup>: Կես դար է անցել այս դիտարկումից, և հիմա թեև այս բայի համար հնարավոր չէ բա-

<sup>93</sup> Տե՛ս Ա. Արքահամյան, նշվ. աշխ., էջ 689:

<sup>94</sup> Տե՛ս նոյն տեղը, էջ 694:

յասեոի վերջնական անցում արձանագրել, սակայն ուղղական հոլովով դրված խնդրի հետ գործածվելու հաճախականությունը նկատի առնելով՝ կարելի է ասել, որ այն ոչ թե գտնվում է սեռային երկիրեղկման մեջ, այլ ամրապնդվում է դրա ներգործական նշանակությունը: Համենայն դեպք, լեզվի զարգացման ընթացքի վրա էականորեն ազդող միջոցների (մամուլի, ուղղուհեռուստատեսության, գրականության) լեզվում առավել հաճախադեպ և գերիշխող են դարձել տենչալ + ուղղական հոլովով դրված խնդիր կառուցները: Մի քանի օրինակ՝ «Հայ ծերուկը, ցուաք ձեռքին, լալով տենչում է հայրենիքի ազատություն...»: («Ազգ», 30.11.1999): (Ինչո՞ւ են այդ խենթ հայերը կյանքի գնով տուն տենչում» («Հայոց աշխարհ», 21.10.2009): «Յմահ ազատազրկվածը տենչում է ազատություն և արդարադատություն» («Իրավունք», 18.09.2013), «...տենչում է մի ուս՝ հենվելու համար» (Հ. Էղոյան) և այլն: Այսպիսի փոփոխության պատճառը, կարծում ենք, տենչալ բայի սերտ հոմանշությունն է փափագել, ցանկանալ, ըղձալ ներգործական բայերի հետ<sup>95</sup>: Ընդ որում, այն գործածիում է ոչ միայն նշված հոմանիշ բայերի փոխարեն, այլև հաճախ հանդես է գալիս հենց դրանց հետ կողք կողքի՝ հայտնվելով քերականական-իմաստային նույն տիրույթում: Կարելի է ասել, որ այս բայի դեպքում սեռային անցման առաջնային գործոն է դարձել իմաստային համարանությունը (ապա նաև տարածվածությունը կիրառության տարբեր ոլորտներում):

Նոյնպիսի փոփոխության է ենթարկվել նաև դավաճանել բայը, որը չեղոք սերի է<sup>96</sup>: Վերջին 2-3 տասնամյակներում տարածվում և գերիշխող են դառնում այս բայի ուղղականով դրված խնդրի հետ գործածությունները: Կանոնավոր կառուց-

<sup>95</sup>Տե՛ս Ա.Սուրբիասյան, Հայոց լեզվի հոմանիշների բացատրական բառարան, Ե., 2009:

<sup>96</sup>Տե՛ս Ժամանակակից հայոց լեզվի բացատրական բառարան, Ե., 1969, Է.Աղայան, Արդի հայերենի բացատրական բառարան, Ե., 1976:

ների կողքին՝ դավաճանել հայրենիքին, սկզբունքներին, գաղափարին և այլն, հաճախաղեալ են նաև ուղղականով դրված ուղիղ խնդրի կիրառությունները, ինչպես, օր.՝ «Պետք չէ դավաճանել հերոսների հիշատակը» («Ազգ», 18.10.2002): «Մի քանի անգամ է դավաճանել հայրենիքը» («Առավոտ», 03. 08. 2005): «Քվեարկել է առանց իր սկզբունքները դավաճանելու» ([www.lragir.am](http://www.lragir.am), 01.10.2013): «Եթե մեկը այսօր դավաճանում է իր կրոնը, նա պատրաստ է դավաճանել անգամ իր սեփական ընտանիքը և հայրենիքը» ([www.operativ.am](http://www.operativ.am), 08.01.2014): Համընդհանուր դարձող այս իրողությունը թույլ է տալիս ասել, որ առաջացել է չեզոքի և ներգործականի սեռային երկիրեղում՝ ներգործականի գերակայությամբ: Այսպիսի տեղաշարժի համար թերևս ամենակարևոր գործոնը խոսողի սուբյեկտիվ վերաբերմունքն է, գուցե նաև համարանությունը (չենք բացառում նաև սխալը): Խնդրառության ավանդական և նոր գործածությունները տարբերվում են միայն ձևով, և ինչպես նշում է Հ. Հարությունյանը, սրանք մակերեսային կառուցվածքով տարբեր, իսկ խորքային կառուցվածքով նույն ձևերն են<sup>97</sup>: Բացի այդ՝ այս բայերի արտահայտած իմաստներն այնպիսին են, որ կարող են պահանջել գործողությունն իր վրա կրող առարկա՝ ուղիղ խընդիր: Եվ եթե շանտեսենք գործողության և օբյեկտի հարաբերության բազմազանությունը<sup>98</sup>, ապա ըստ Էության որևէ հակասություն չի ստեղծվում խնդրառական տարբերակի և եղած լեզվական կանոնի միջև: Երևույթը գնահատելիս զերծ ենք մնում կամ մեկը, կամ միուսը ընտրելու ծայրահեղությունից: Կարծում ենք, որ հիմնականում խոսակցական տարբերակից գրական լեզու ներթափանցած այս գործածությունները հասկանալի են, բնակչ չեն հակասում հայերենի քերականական օրինաշափություններին: Դավաճանել բայց ուղղակի համալրում է այն

<sup>97</sup> Տե՛ս Հ. Հարությունյան, նշվ. աշխ., էջ 212:

<sup>98</sup> Տե՛ս Ս. Ասատրյան, Բայի սեռերը ժամանակակից հայերենում, էջ 87-90:

Ներգործականների շարքը, որոնց կրավորականի կազմությունները կամ արհեստական են, կամ չկան, ինչպես, օր՝՝ աղաղաղացվել, ունեմ - Ø, ուստի և ընդամենը կարող են համակարգվել, կանոնարկվել հենց այդ օրինաչափությունների շրջանակում:

Դավանել, խոշընդոտել և խանգարել բայերի խնդրառության յուրահատկությունները նախորդների հակառակ պատկերն են ներկայացնում: Երեք բայերն ել, ըստ վերը նշված բարարանների, ներգործական են և պետք է գործածվեն ուղղականով կամ տրականով դրված ուղիղ խնդրի հետ, ինչպես՝ «Ես դեռ դավանում եմ այն օրերի իմ հավատը...» (Շ. Թաթիկյան), «...Ես չեմ դավանում օրենք անիրավ...» (Հ. Թումանյան), «...փորձում են խանգարել Մացակի արքայական քունք...» (Հ. Մաթևոսյան), «Եվ նրա այդ որոշումը ոչ մեկը չեր կարող խոշընդոտել...» (Վ. Խեցումյան) և այլն: Խնդրառական այս ձևերի կողքին հատկապես վերջին տասնամյակներում հաճախական են դարձել իրի առման ուղիղ խնդրի փոխարեն տրական հոլովով դրված խնդրի (հանգման խնդրի) գործածությունները: Օր՝ «Հորդառատ անձրևները խանգարել են ծաղկած ծառերի լիարժեք փոշուտմանը» ([www.azg.am](http://www.azg.am), 05.04. 2001): «Հայաստանն ու Իսպանիան դավանում են նույն արժեհամակարգին» ([www.tert.am](http://www.tert.am), 22.09.2006): «Շտապողաբար կեղծելով՝ նշում է, որ ինքը դավանում է իշլամին...» («Ավանգարդ», 10.07.2014): «Քաղաքացու ընտրական կամ հանրարվեի իրավունքի ազատ իրականացմանը կամ ընտրական կամ հանրարվեի հանձնաժողովի աշխատանքին խոշընդոտելը պատճենում է տուգանքով» (ՀՀ քեական օրենսգիրը, Հոդված 149) և այլն: Նշված բայերի դեպքում թերևս նկատելի է տեղաշարժը պայմանավորող մի քանի գործոնների միաժամանակյա ազդեցությունը. մի կողմից՝ խոսակցական լեզվում սխալակազմությունը աստիճանաբար ձեռք է բերում տարածվածություն, մյուս կողմից՝ քերականական ձևերի իմաստային առնչակցության և պարզ համարա-

նության փոխկապակցվածությունը ըստ էության անխուսափելի է դարձնում նման փոփոխությունը:

Հարցի քննության կամայական մոտեցումից խուսափելու, հնարավորինս օբյեկտիվ և հիմնավոր պատկեր ստանալու ակնկալիքով նշված (նաև ներկայացվելիք) բայերի խնդրառական-սեռային փոփոխությունների վերաբերյալ անցկացրել ենք որոշակի վիճակագրություն: Հարցմանը մասնակցել է 70 մարդ (բարձրագույն և միջնակարգ կրթությամբ 18-60 տարեկան անձինք՝ բացի բանասէրներից): Հարցվածներից 11-ը ( $\approx$  15.8 %) կարուտել բայի համար ճիշտ է համարել կարուտել տանը, հայրենիքին խնդրառական ձևերը: 38 հոգի ( $\approx$  54.2 %) ընտրել է կարուտել տունը, հայրենիքը կառույցները՝ որպես ճիշտ տարբերակ: Իսկ 21-ը ( $\approx$  30 %) նշված երկու տարբերակներն են համարել է հավասար գործածվող ձևեր:

Համանման պատկեր ունենք նաև տենչալ, դավանել, դավաճանել, խոչընդոտել<sup>99</sup>, խանգարել բայերի դեպքում: Ներկայացնենք միայն վիճակագրության արդյունքները: Այսպես, 1. տենչալ արդարության - 9 ( $\approx$  12.8 %), տենչալ արդարություն - 46 ( $\approx$  65.8 %), տենչալ արդարություն//արդարության - 15 ( $\approx$  21.4 %), 2. դավանել սկզբունք, կրոն-16 ( $\approx$  22.9 %), դավանել սկզբունքի, կրոնի-41 ( $\approx$  58.6 %), դավանել սկզբունքի, կրոնի// սկզբունք, կրոն-13 ( $\approx$  18.5 %), 3. դավաճանել հայրենիքին, սկզբունքներին-12 ( $\approx$  17.1 %), դավաճանել հայրենիքը, սկզբունքները-44 ( $\approx$  62.9 %), դավաճանել հայրենիքին, սկզբունքներին// հայրենիքը, սկզբունքները- 14 ( $\approx$  20 %), 4. խոչընդոտել (խանգարել) ստորագրումը, աշխատանքը - 18 ( $\approx$  25.7 %), խոչընդոտել (խանգարել) ստորագրմանը, աշխատանքին-44 ( $\approx$  62.9 %), խոչընդո-

<sup>99</sup> Խոչընդոտել և խանգարել բայերի վերաբերյալ վիճակագրության արդյունքները, ինչպես և սպասելի էր, զբերե նույնական են. տրված 3 հնարավոր տարբերակների հարցման թվերը միմյանցից ավել կամ պակաս էին 1-2-ով: Ուստի այս բայերի վերաբերյալ հարցման արդյունքները ներկայացնում ենք միասնաբար:

տել (խանգարել) ստորագրմանը, աշխատանքին //ստորագրումը, աշխատանքը - 8 ( $\approx$ 11.4%):

Ուզում ենք շեշտել մի հանգամանք. ներկայացված խնդրառական տարբերակներից առաջին ձևերին նախապատվություն տված անձինք հիմնականում միջինից բարձր տարիք ունեցողներն են (կրթական մակարդակը այս դեպքում էական դեր չի կատարել): Ի մի բերելով հարցման արդյունքները և դրանք համեմատելով մեր ձեռքի տակ եղած տարաբնույթ տեքստերից քաղված օրինակների հետ, ինչպես նաև հաշվի առնելով դրանց գործածության հաճախականությունը (նաև հեռուստառադիտերում՝ ըստ էության ստանում ենք լեզվական իրողության փոփոխության գրեթե նույն պատկերը:

Հարկ է նշել, որ ոչ բոլոր դեպքերում է հնարավոր գրական նորմից շեղումները դիտարկել որպես տեղաշարժ (կամ փոփոխություն) և կամ կանոնարկման խնդիր դնել: Լեզվի զարգացման արդի փուլում որոշ բայերի դեպքում նկատվում են խնդրառական ինչ-ինչ փոփոխություններ, որոնք արդի լեզվավիճակի համար առայժմ սխալ կիրառություններ են, իիմնականում գուցե չիմացության հետևանք: Այսպես, խթանել բայր ներգործական է, այսինքն՝ կապվում է ուղղական հոլովով դրված ուղիղ խնդրի հետ՝ խթանել զարգացումը, խթանել արտադրությունը, խթանել մարդկային ռեսուրսների աճը և այլն: Սակայն հատկապես վերջին 4-5 (գուցե ավելի շատ) տարիների ընթացքում պարբերական և կեկտրոնային մամուլի, ռադիոհեռուստատեսության տարաբնույթ հաղորդումների լեզվում ժամանակ առ ժամանակ սկսել են գործածվել խթանել + տրականով դրված ուղիղ խնդիր կառույցները: Օր.՝ «...խթանում է մազերի սնուցմանը՝ տալով յուրօրինակ փայլ» («ՀՀ» ՀՀ): «Այն ճանապարհային այդ հատվածում խթանում է երթևեկության թերևնացմանը» (www.tert.am, 11.04.2010): Այսպիսի կառույցները առայժմ զիջում են առաջին՝ կանոնավոր ձևերին՝ մոտ 18-20/1 հարաբերությամբ: Բացի այդ հարցման արդյունքները (70-ից 54-ը) նույնպես վկայում են կանոնական խթանել+ ուղղակա-

նով դրված ուղիղ խնդիր կառույցի գերակայությունը: Ուստի նշված իրողությունը փաստում է, որ, ի տարբերություն վերոհիշյալ բայերի, այս դեպքում զործ ունենք ոչ այնքան լեզվական տեղաշարժի, որքան խնդրառական սխալի հետ, որը, սակայն, տարածվելու միտում ունի:

Մրանից բացի՝ տարբեր բայեր (անկախ սեռից), կախված խոսողի լեզվամտածողությունից, երևույթի նկատմամբ ունեցած անհատական վերաբերմունքից, նաև իրավիճակից, հնարավոր է՝ հանդես գան խնդրառական ոչ ճիշտ հարաբերությամբ, որը, սակայն, խոսողի նախընտրությունն է: Խոսքը մեծ մասամբ վերաբերում է իրի առման փոխարեն անձի առման գործածությանը, որը նշված դեպքերում առավելապես ոճական միավորի՝ անձնավորման արժեք ունի, որն ուղղակի արտահայտվում է քերականական ձևերի փոփոխության միջոցով, ինչպես՝ ափսոսալ ծառերին, ողջունել հաղորդաշարին, մորթել խոզին, միացնել ռադիոյին և այլն: Այսպիսի գործածությունները տարածված են հատկապես խոսակցական լեզվում (հանդիպում են նաև գեղարվեստական, հրապարակախոսական ոճերում): Այսօրինակ կիրառությունները որքան էլեկալի չեն, այնուամենայնիվ ընդհանրապես չեն կարող նմանատիպ քննության նյութ դառնալ: Հակառակ դեպքում հնարավոր է հայերենի բայերի մի զգալի մասի համար արձանագրել սեռային-խնդրառական ինչ-ինչ փոփոխություններ:

Գրական լեզվի զարգացման արդի փուլում մի շարք բայեր, պայմանավորված տարբեր գործոններով, ենթարկվում են խնդրառական-սեռային տեղաշարժերի: Դրանք բնականոն զարգացման արդյունք են, որևէ կերպ չեն հակասում մեր լեզվի քերականական օրինաչափություններին, բացատրվում, համակարգվում և կանոնարկվում են հենց այդ օրինաչափությունների հիման վրա:

Sargsyan Liana – Shifts in the System of Transitive and Intransitive Verbs in Modern Eastern Armenian.- In the article, several shifts in the system of transitive and intransitive verbs, taking place at the modern stage of literary language progress, are being reviewed which are conditioned by linguistic and extra-linguistic factors. Presented transitions are the result of natural development of language, by no means contradict the grammatical regularities of our language, can be explained, systematized and standardized within the framework of exactly these regularities.

Саркисян Лиана - Сдвиги в системе переходных и непереходных глаголов в современном восточноармянском языке.- В данной статье рассматриваются некоторые сдвиги в системе переходных и непереходных глаголов и в системе глагольного управления на данном этапе развития языка, которые обусловлены лингвистическими и экстралингвистическими причинами. Представленные сдвиги - результат естественного развития языка, никак не противоречат грамматическим закономерностям восточноармянского языка, систематизируются и нормируются в рамках этих закономерностей.

ԻՄԱՍՏԱՓՈԽԱԿԱՆ ԻՐՈՂՈՒԹՅՈՒՆՆԵՐ  
ԳՈՅԱԿԱՆԱԿԱԶՄ ԲԱՅԵՐԻ ՀԱՄԱԿԱՐԳՈՒՄ

Ժամանակակից գրական հայերենի բայական բառապաշտի համադրական միավորները նոր կազմություններ չեն. նրանց հիմնական մասը փոխանցվել է հայերենի հին շրջանից կամ բարբառներից: Բայական բառույթները, որոնք կազմվել են անվանական հիմքերից բայական մասնիկավորմամբ, անվանական նախատիպ հիմքերի արտահայտած հասկացությունները ներկայացնում են բայական յուրահատուկ իմաստով՝ շարժման, փոփոխականության քերականական ընդհանրացումներով: Այս հողվածում մեր նպատակն է քննել համադրական կազմությամբ գոյականակազմ բայերի և դրանց նախատիպ հիմքերի իմաստային առնչությունները և զարգացման օրինաչափությունները: Ուսումնասիրության մեջ անոն նախատիպի և բայի սերման հաջորդականության խնդրին չենք անդրադարձել՝ նկատի առնելով, որ գրավոր լեզվում (գրաբարից սկսած) դրանք արդեն ձևավորված են և կիրառվում են կողք կողքի:

Բայի իմաստը գունվում է պատմականորեն տեղի ունեցող փոփոխությունների գործընթացում: Գիտության և մշակույթի առաջընթացը, ժողովրդի կյանքում քաղաքական-տնտեսական շրջադարձային տեղաշարժերը կամ այլ լեզուների ազդեցությունները նպաստում են բայիմաստի փոփոխություններին<sup>100</sup>: Իմաստափոխությունը լեզվական այնպիսի իրողություն է, որն առավել ակնառու է դառնում լեզվի զարգացման տարբեր փուլերն ուսումնասիրելիս, ուստի անհրաժեշտ ենք համարել ուսումնասիրել գոյականակազմ բայերը՝ համեմա-

<sup>100</sup>Տե՛ս Ա. Սուրենիան, Ժամանակակից հայոց լեզու, Ե., 2008, էջ 111:

տության եզրեր ունենալով ժամանակակից հայերենը և գրաբարը: Քննել ենք բայի և գոյական նախատիպի իմաստային զարգացումը և ընդգծել դրանց կապը:

Ընտրված բառազույգերի նախատիպ հիմքերը, որպես կանոն, «Նոր բառզիրք հայկազեան լեզուի»<sup>101</sup> բառարանում ամրագրված են որպես գոյական: Մեր խնդիրն է եղել ըստ հնարավորին ներկայացնել գոյականակազմ բայերի և դրանց նախատիպ հիմքերի իմաստային զարգացումը ՆՀԲ-ի և հետագայում հրատարակված հայագիտական բառարանների նյութի համեմատությամբ:

Որպես բառիմաստի զարգացման արդյունք տարբերակել ենք ավանդաբար գոյություն ունեցող տեսակները՝ իմաստի նեղացում, լայնացում (ընդլայնում), ըսեռացում, փոխհաջորդում: Պետք է նկատել, որ իմաստային փոփոխությունների այս 4 տեսակները՝ որպես իմաստի պատմական զարգացման դրսորումներ, մեկուսացած չեն և հաճախ զուգորդվում են:

«Իմաստային իրողությունները՝ ժամանակակից հայերենի բայական բառույթների մեջ խիստ բազմազան են. դրանք կարող են արտահայտվել հին իմաստի անհետացումով և նոր իմաստի առաջացումով ու հաստատումով կամ երթեմնի իմաստային տարբերակներից մեկի կամ մի քանիսի մթագնումով ու մյուսի կամ մյուսների պահպանումով և այլն»<sup>102</sup>: Մեր ընտրած բառանյութի քննությունը ցույց տվեց, որ գրաբարից ավանդված նախատիպ գոյականները և նույնահիմք բայերը դարձել են բազմիմաստ կամ ընդլայնել են բազմիմաստության սահմանները և հաճախ դրսորել են իմաստային առանձին զարգացումներ:

<sup>101</sup>Տե՛ս Նոր բառզիրք հայկազեան լեզուի (այսուհետև՝ ՆՀԲ), Վենետիկ, հհ. 1-2, 1836-1837:

<sup>102</sup>Ա. Աբրահամյան, Բայր ժամանակակից հայերենում, հ. 1, Ե., 1962, էջ 680:

Ավանդ գոյականը ժամանակակից հայերենում զգալիորեն փոխել է իր իմաստային նկարագիրը, ի տարբերություն նախորդ լեզվավիճակների՝ բայոք ձեռք է բերել «1. (ֆին.) Դրամական գումար կամ արժեթղթեր: 2. (իրավ.) Դատական հիմնարկները մուծվող գումար՝ պահանջատերերին հանձնելու կամ պահելու համար (դեպոզիտ)» մասնավորված իմաստները և «3. փիլք. Գիտության, արվեստի, հասարակական գործի մեջ ներդրված արժեքավոր՝ նշանավոր բան, ներդրում» իմաստները<sup>103</sup> և կորցրել է գրաբարյան «կտուկ», «զաղտնիք, խորհուրդ», «սովորություն» նշանակությունները, հնացել է գրաբարյան «ընծայ, նուէր» իմաստը: Ավանդել բայում նախատիպի իմաստային փոփոխությունները չեն արտահայտվել: Բայում միայն իմաստի լայնացում է դրսեորվել. այն, բացի «հանձնել ուրիշին, ուրիշի վրա փոխադրել», «պատվեր, խրատ տալ իբրև աւանդ» (ԱՀԲ, հ. 1, էջ 389) գրաբարյան իմաստներից, ձեռք է բերել «1. Իբրև ավանդություն պատմել 2. Հաղորդել պատմել 3. Դաս տալ, որևէ առարկա դասավանդել» (ԱՀԲԲ) իմաստները, որոնցից առաջինը սերում է ավանդ գոյականի՝ «որպէս Աւանդութիւն» գրաբարյան իմաստից, որ պահպանվել է նաև ժամանակակից հայերենում:

Ծառա գոյականը լեզվի պատմական զարգացման հետևանքով ձեռք է բերել հիմնականում փոխաբերական բնորոշում ունեցող իմաստներ<sup>104</sup> և կորցրել «զինաւոր» իմաստը: Ծառայել բայր գրաբարյան 4 իմաստների փոխարեն արդի հայերենում ունի 14 իմաստ, որոնք իմաստային ներքին զարգացման արդյունք են, այսինքն՝ բխում են գրաբարյան «սպասա-

<sup>103</sup>Տե՛ս Է. Աղայան, *Արդի հայերենի բացատրական բառարան*, (այսուհետև՝ ԱՀԲԲ), Ե., 1976, էջ 118:

<sup>104</sup>«5. փիլք. Իրեն մի վեհ գործի նվիրած մարդ: 6. փիլք. Մեկին հլությամբ ենթարկվող մարդ, կամակատար: 7. փիլք. Մեկի կամ մի բանի կույր գործիք դարձած մարդ: 9. Գործածվում է մեկին մեծարելու՝ նրա նկատմամբ իր խոնարհությունը արտահայտելու համար» (ԱՀԲԲ, էջ 638):

տրել հպատակել, ծառա լինել» իմաստներից<sup>105</sup>: Հին հայերենում ծառայել բայր ուներ «պաշտել՝ սպաս տանել ի տանն Աստուծոյ» նշանակությունը, որը ԱՀԲԲ-ում առանձնացված չէ. պետք է նկատել, սակայն, որ ժամանակակից հայերենում այս բայր «եկեղեցում Աստծուն սպասավորել» իմաստով լայն կիրառություն ունի: Բարբառներում ծառայել բայր ունի նաև «կերակրել, սնուցել» իմաստը<sup>106</sup>: Արդի հայերենում առանձնանում է «զինվորական ծառայություն կատարել» նշանակությունը, որը բխում է ծառա գոյականի գրաբարյան «զինաւոր» իմաստից. գրաբարում, սակայն, նշված իմաստը բայի մեջ չէր դրսերվում: Ստ. Մալիասյանի բառարանում ևս այն որպես առանձին իմաստ նշված չէ, սակայն ընդգծված է Զօրքի մեջ ծառայել դարձվածքային միավորը՝ «Զինուորական պարտականութիւնը կատարել» նշանակությամբ<sup>107</sup>:

Գանձ գոյականը իմաստի ընդլայնամբ ձեռք է բերել նոր նշանակություններ, որոնք գրաբարյան «Մթերք և մթերանց ընչից և մեծութեանց» իմաստների զարգացման հետևանք են: Գանձել բայում վերահիմաստավորում է եղել. գրաբարյան «ամբարել զգանձս, մթերել, ժողովել, պահել զինչս» (հմմտ. 4.(հնց.) Գանձ դիզել՝ հավաքել) իմաստները համարվում են հնացած (ԱՀԲԲ, էջ 221): Հին հայերենում գանձ գոյականը ունեցել է

<sup>105</sup> «1.Վարձու աշխատանք կատարել (մտավոր գործունեության բնագավառում կամ ֆիզիական բնույթի, բայց ոչ թե արտադրության մեջ): 2. Աշխատել իրեն ծառա: 3. Զինվորական ծառայություն կատարել: 4. Սպասավորել, սպասարկել....10. Գործառել ըստ իր դերի, իր նշանակության: 11. Գործադրվել՝ օգտագործվել որպես մի բան: 12. Որոշ դեր՝ նպատակ՝ նշանակություն ունենալ: 13. (հնց.) Արիեստավորի աշակերտ լինել, մեկի մոտ արհեստ սովորել: 14. Մի բանի գոյականների (պատճառ, միջոց ևն) կապակցությամբ նշանակում է դարձնել, հանդիսացնել» (ԱՀԲԲ, էջ 640):

<sup>106</sup>Տե՛ս Հայոց լեզվի բարբառային բառարան, հ. Բ, Ե., 2002, էջ 396:

<sup>107</sup>Տե՛ս Ստ. Մալիասեանց, Հայերէն բացատրական բառարան, (այսուհետև՝ ՀԲԲ), Ե., հ.2, 1944, էջ 331:

«Պետութեան դրամական հարստութիւն, եկամուտ, հասոյթ» նշանակությունը<sup>108</sup>, որ դրսնորվել է գանձել բայի ժամանակակից իմաստներում, ինչպես՝ «1. Հասանելիքի վճարումներն ստանալ: 2. Փող՝ դրամ հավաքել: 3. Անդամավճար վերցնել» (ԱՀԲԲ, էջ 221):

Վերը քննված բայերի իմաստային զարգացումները փաստում են, որ նախատիպ գոյականների չպահպանված գրաբարյան նշանակությունները դրսնորվել են նույնահիմք բայերի ժամանակակից իմաստներում:

Գին գոյականը լեզվի պատմական զարգացման հետևանքով ձեռք է բերել նոր իմաստներ՝ «2. Արժանիք, արժեք: 3. Վարձ, վարձավճար, վարձատրություն: 4. փիլք. Հասուցում, փոխհասուցում» (ԱՀԲԲ, էջ 237), և կորցրել է գրաբարյան «զնուած իր, ինչը զնեալ» նշանակությունը (ՆՀԲ, հ. 1, էջ 552): Գնել բայր իմաստի ընդլայնմամբ, բացի «զին տալով վաճառու առնուլ, ստանալ» նշանակություններից<sup>109</sup>, ձեռք է բերել նոր իմաստներ, որոնք ունեն «փոխարերական» ընդգծում և չեն սերում նախատիպ գոյականի նոր իմաստներից: Բայի նոր իմաստները բխում են զլաւավոր՝ «փողով առնել, ձեռք բերել» նշանակությունից, հմմտ. «2. փիլք. Կաշառել: 3. փիլք. Որեկ միջոցով ի նպաստ իրեն տրամադրել մեկին: 4. փիլք. Վաստակել, ձեռք բերել, նվաճել» (ԱՀԲԲ, էջ 250):

Լար գոյականը իմաստի ընդլայնմամբ ձեռք է բերել նոր իմաստներ (5-ից 13)<sup>110</sup>, և կորցրել է «չափման միավոր, հզ. լարք – պարանոցի շիլ թակարդ» նշանակությունները (ՆՀԲ, հ. 1, էջ

<sup>108</sup>Տե՛ս Ռ. Ղազարեան, Գրաբարի բառարան, Անթիլիաս-Լիբանան, 2004, էջ 308:

<sup>109</sup> Ռ. Ղազարյանը նշում է նաև «փիլք. Վաստակել, ձեռք բերել, նուաճել» իմաստները (տե՛ս Ռ. Ղազարեան, նշվ. աշխ., էջ 332):

<sup>110</sup> «1. Թել, առասան: 2. Նվազարանի լար: 3. Թենիսի թևճակի վրա հյուսվածք: 4. Հաղորդալար, մետաղալար: 5. (կենդբ.) թիկնալար: 6. (մաք.) Որեկ կոր զծի կամ մակերեսի երկու կետերը միացնող ուղիղ և այլն» (ԱՀԲԲ, էջ 518):

879): Լարել բայի իմաստային զարգացումը չի բխում նախատիպի իմաստային զարգացումից: Բայում ևս դրսենրվել է իմաստի լայնացում (շուրջ 15), որ գերազանցապես ֆունկցիոնալ նմանությամբ է կատարվել, զարգացել է գրաբարյան «Զկտել զլար աղեղան ի ձգել անդ զնետն և Զկտեցուցանել զոր ինչ և է» նշանակությունը (հմմտ. «2. Որեւէ սարածի լարը պինդ ձգել, պրկել 3. Լարավոր նվազարանի լարերը ձգել կամ թուլացնել՝ հարկավոր բարձրության ձայնաստիճանն ստանալու համար: 4. Ընդհանրապես սարքել պատրաստի վիճակի մեջ դնել 5. փիր. Զանք գործադրելով բարձրացնել որևէ բանի դրսենորման՝ գործունեության աստիճանը» և այլն): Է. Աղայանի բառարանում բացակայում է Ստ. Մալխասյանի +(զվո.) «8. Ամանի ճարը երկարել, մեծանալ» իմաստը<sup>111</sup>:

Կարգ գոյականը իմաստի ընդլայնման հետևանքով ձեռք է բերել նոր նշանակություններ (շուրջ 20), ինչպես՝ «Կարգապահություն, կազմակերպման, գործերը վարելու ընդունված ձև, հետևողականություն և այլն» (ԱՀԲԲ, էջ 703) և կորցրել «Տող գրոյ» նշանակությունը: Կարգել բայում իմաստի փոխաջորդում է դրսենրվել. կորցրել է գրաբարյան «դասավորել, ուղղել յօրինել, որոշել, ճառել վիպազրել, խոսել կարգաբանությամբ» (ՆՀԲ) և ձեռք է բերել «1. Որեւէ պաշտոնի՝ աշխատանքի նշանակել, որևէ գործի դնել: 2. Որոշել, սահմանել» իմաստները (ԱՀԲԲ, էջ 704), որոնք չեն ածանցվում նախատիպ գոյականի ձեռք բերած նոր իմաստներից: Գրաբարում կարգ գոյականը ուներ «կարգաւորութիւն եկեղեցական աստիճանաց, մանաւանդ քահանայութիւն և եպիսկոպոսութիւն» իմաստները, որ դրսենրվել է կարգել բայի արդի «3. (Եկեղ.) Զեռնադրել եկեղեցական աստիճան շնորհել» իմաստում (ԱՀԲԲ, էջ 704): Գրաբարում «ռամկօրեն» բնութագրվող «ամուսնացնել» իմաստը պահպանվել է և՝ արևմտահայերենում, և՝ բարբառներում: Կարգել բայը բարբառներում ունի նաև «Զծախվող

<sup>111</sup> Տե՛ս ՀԲԲ, հ. 2, Ե., 1944, էջ 186:

ապրանքը խարեւությամբ մեկին ծախել, խարել» նշանակությունը<sup>112</sup>: Կարգել բայի վերը նշած զրաբարյան իմաստների մի մասը անցել է կարգավորել բային<sup>113</sup>: Վերջինս զրաբարում եղել է կարգել բայի հոմանիշը, և պահպանվել են նրա զրաբարյան իմաստները, միայն ավելացել է 1 իմաստ՝ «Ռայդիորնդունիշը սարքել այնպէս, որ երկարությամբ իրար մոտ ալիքները չխանգարեն ուզած ալիքը բռնելուն» (ԱՀԲԲ, էջ 704):

Ազդ գոյականը կորցրել է զրաբարյան «Ազդումն, ազդեցութիւն. Զգացումն. իմացումն» նշանակությունները (ՆՀԲ, հ. 1, էջ 8) և ձեռք բերել «1. Լուր, տեղեկություն 2. Ծանուցում, հայտարարություն 3. Հասարակական վայրերում փակցվող հայտարարություն» իմաստները (ԱՀԲԲ, էջ 7): Ազդել բայը փոքրինչ այլ զարգացում է ունեցել. զրաբարյան «Ազդ առնել, իրազեկ, յայտ առնել» առաջնային իմաստները բնութագրվում են «հնացած» (ԱՀԲԲ - 6. հնց. Հայտնել), իսկ հիմնական են դարձել «1. Ներգործել: 2. Տպավորություն թողնել: 3. Դրդել, իրահրել: 4. Շարժել շարժման մեջ դնել: 5. Հուզել» իմաստները: Ազդել բայում, ինչպէս նկատելի է, իմաստային վերադասավորում է եղել:

Աշակերտ նախատիպ գոյականի ձեռք բերած նշանակությունները զրաբարյան իմաստի մասնավորված իմաստներ են՝ «Որևէ մասնագիտություն՝ արհեստ սովորող: Որևէ գիտնականի՝ արվեստագետի մոտ կրթություն ստացած մասնագետ» (ԱՀԲԲ, էջ 87): Աշակերտել բայում տեղի է ունեցել իմաստի անցում: Այն զրաբարում ներգործածն (սովորել) նշանակությամբ ունեցել է «աշակերտ ունենալ, սովորեցնել», կրավորածն (սովորիլ)՝ «սովորել» իմաստները, վերջինը անցել է

<sup>112</sup>Տե՛ս Ռ. Սաքավետոյան, Արևմտահայերենի և արևելահայերենի բացատրական և ուղղախոսական բառարան, Ե., 2000, էջ 130: Հայոց լեզվի բարբառային բառարան, հ. Գ, ՀՀ ԳԱԱ, Ե., 2004, էջ 58:

<sup>113</sup>«1. Կարգ ու կանոն մտցնել, որոշակի կարգի ենթարկել 2. Կանոնավորել, բարեկարգել, կարգի զցել, կարգի բերել 3. հնց. Կարգի տակ դնել, դասավորել» (ԱՀԲԲ, էջ 704):

ժամանակակից հայերենին, իսկ գրաբարյան ներգործածելի իմաստները մոռացվել են: Այս դեպքում բայի իմաստափոխությունը առաջ է բերել սեռային անցում, որը բայական համակարգում հանդիպող իրողություն է<sup>114</sup>: Ստ. Մալխասյանցը իր բառարանում նշում է աշակերտել բայի թե՝ գրաբարյան, թե՝ արդի հայերենի իմաստները: Ժամանակակից հայերենում աշակերտելի բայիմաստը ընդլայնվել է՝ ածանցվելով հիմնական նշանակությունից, հմմտ. «2. Հետևել հետևող դառնալ: 3. փիր. Ընդօրինակել ուրիշին կրկնել» (ԱՀԲԲ, էջ 88):

Ճանապարհ նախատիպ գոյականի իմաստը գրաբարի համեմատությամբ ժամանակակից հայերենում ընդլայնվել է՝ եապես ածանցվելով գրաբարյան նշանակություններից (շուրջ 6-ից 14): Հին հայերենում նախատիպն ձևավորված էր ճանապարհ առնել հարադիր բայը՝ «Երբեմն է ճանապարհորդել և երբեմն ճանապարհ հորդել, Ճամբա ընել և Ճամբա բանալ» իմաստներով (ՆՀԲ, հ. 2, էջ 169)<sup>115</sup>: Միջին հայերենում վկայված են ճանապարհ անկանել, ճանապարհ ելնել հարադիր բայերը՝ «Ճանապարհվել ուղենորվել» նշանակություններով<sup>116</sup>: Ժամանակակից հայերենում նախատիպից կազմված է ճանապարհել ներգործական սեռի բայը՝ «նբ. 1. Ուղենորին՝ որիէ տեղ զնացողին հրաժեշտի համար ուղեկցել մինչև ուղենորվելու կետը, սահմանը՝ կայանը: Ճանապարհ զցել: 2. Ուղենորել, ուղարկել, ճանապարհ դնել: 3. (հնց.) Առարկել» իմաստներով, որ չեն առնչվում գրաբարյան հարադիր բայի նշանակություններին: Գրաբարյան իմաստները անցել են ճանապարհորդել չեզոք

<sup>114</sup> Տե՛ս Ա. Աբրահամյան, նշվ. աշխ., էջ 681:

<sup>115</sup> Ճանապարհել համադրական բայը վկայված է «Առձեռն բառարան հայկազնեան լեզուի» բառարանում՝ «տես ճանապարհորդել» հղումով (տե՛ս Առձեռն բառարան հայկազնեան լեզուի, Վենետիկ, 1865, էջ 525): Հ. Աճառյանը ճանապարհել համադրական բայը չի նշել (տե՛ս Հ. Աճառյան, Հայերեն արմատական բառարան, հ. 3, Ե., 1977, էջ 182):

<sup>116</sup> Տե՛ս Ռ. Ղազարյան, Հ. Ավետիսյան, Միջին հայերենի բառարան, Ե., 2009, էջ 468:

սեոի բային: Կարելի է եզրակացնել, որ ճանապարհել բայը ավելի ուշ է ձևավորվել, որին չեզոք սեոի իմաստով անցել են ճանապարհ առնել հարադիր բայի նշանակությունները, ապա կատարվել է սեռային անցում, որ հանգեցրել է իմաստափոխության:

Լեզվաբանության մեջ բարիմաստի փոփոխության ընդհանուր օրենքներ սահմանված չեն: Նույնիսկ միևնույն լեզվի սահմաններում հաճախ դժվար է որոշել՝ որոնք են իմաստափոխության ժամանակագրական սահմանները, ինչ պատճառով և ինչ հաջորդականությամբ են տեղի ունեցել այդ փոփոխությունները, ինչպես են հարաբերում իմաստափոխության տեսակները միմյանց և այլն<sup>117</sup>, կամ ինչու են վերը քննված օրինակներում նախատիպ գոյականները և նույնահիմք բայերը առանձին իմաստային զարգացումներ ունեցել:

Ստորև քննենք ՆՀԲ-ում վկայված բայերի այնպիսի օրինակներ, որոնց իմաստային զարգացումը այս կամ այն չափով պայմանավորված է նախատիպ գոյականի իմաստային զարգացմամբ:

Գումար գոյականի զրաբարյան իմաստը («ամբողջ հանուր») ժամանակակից հայերենում քննորոշվում է «փազվադեպ», այն ձեռք է բերել 3 նոր իմաստ՝ «1. (թվար. ) Երկու կամ ավելի թվային գումարից ստացված քանակ: 2. Որևէ բանի ընդհանուր քանակություն: 3. Դրամի որոշ քանակություն» (ԱՀԲԲ, էջ 267): Գումարել բայը իմաստի փոխհաջորդմամբ կորցրել է զրաբարյան «1. պատրաստել ի պատերազմ: 2. հաշուել զամս և զժամանակս և զթիւ: 3. կր. պատրաստիլ ի մարտ, ոզորիլ, բախիլ, ընդդէմ կալ, խոռվիլ յանձին» իմաստները: Ժամանակակից հայերենում այն ձեռք է բերել նոր իմաստներ, որոնք, բխում են զրաբարյան՝ «հաւաքել, ժողովել խմբել, բովանդակել, կուտել» իմաստներից, հմմտ. «նր. 1. Հավաքել, ժողովել, համախըմ-

<sup>117</sup>Տե՛ս Լ. Խաչատրյան, Լեզվաբանության ներածություն, Ե., 2008, էջ 149:

բել: 2. Ի մի բերել, ամբողջացնել, միացնել իրար: 3. փիսր. Ավելացնել, հավելել մեծացնել: 4. Հրավիրել, կայացնել» (ԱՀԲԲ, էջ 267): Գումար գոյականի ստացած նոր իմաստից է սերում միայն «Սար. մեկ կամ մի քանի թիվ մյուսին ավելացնել, գումարում կատարել» իմաստը:

Գուշակ գոյականի իմաստում լեզվի պատմական գարզացման հետևանքով դրսնորվել է բառիմաստի նեղացում, ինչը արտահայտվել է նաև նույնահիմք բայում. գուշակ նախատիպը կորցրել է «յայտարար, մատնիչ, ցուցակ, նշանակ» իմաստները (գուշակել բայր համապատասխանաբար կորցրել է «յայտ առնել, ազդել, մատնել» նշանակությունները) և ձեռք է բերել «փիսր. Նախանշան» իմաստը, որը դրսնորվում է գուշակել բայի «փոխաբերական» բնութագրվող «5. Կանխազգալ, նախազգալ» ժամանակակից իմաստներում: Գրաբարյան որոշ նշանակություններ՝ «ծանուցանել, յայտնել», իմաստային մասնակի փոփոխություններ են կրել, հմմտ. «4. փիսր. Ցույց տալ ահազանգել, ազդանշանել» (ԱՀԲԲ, էջ 269): Գուշակել բայր, գրաբարյան «լինելիքը առաջուց զիտենալ և ասել, նախասել, մարզարեանալ» նշանակությունից բացի, ժամանակակից հայերենում ունի «1. Կախարդությամբ ապագան ասել, որևէ բանի ելքը՝ վախճանը նախատեսել» մասնավորված իմաստը և ձեռք է բերել նոր «3. փիսր. Կոահել, զլիսի ընկնել» նշանակությունը (ԱՀԲԲ, էջ 269):

Վճար նախատիպ գոյականը իմաստի փոխաջորդմամբ կորցրել է «վերջ, վախճան, աւարտ, դադարումն, որոշումն, վճիռ» գրաբարյան առաջնային համարվող նշանակությունները: Այս գոյականի՝ ՆՀԲ-ում նշված «վարձ, հատուցումն» իմաստը զարգացել է՝ ձեռք բերելով հետևյալ նշանակությունները՝ «1. Որևէ բանի դրամական հատուցում վարձ: 2. Որևէ բանի համար որոշակի գումարով մուծում» (ԱՀԲԲ, էջ 1395): Վճարել բայում ևս դրսնորվել է իմաստի փոխաջորդում. կորցրել է գրաբարյան «վճար առնել և լինել. կատարել, ի զլուխ հանել, առնել. փոխել(իլ), վախճանել(իլ). ի բաց առնել, ի բաց

կալ, զերծանիլ, մեկնիլ, արգելով» իմաստները, իսկ զրաբարից եկող «փոխհասուցել հասուցել», իմաստը է. Աղայանը «հնացած» ընդգծումով է նշել: «Ճարել բայի ժամանակակից իմաստները բխում են նախատիպ գոյականի նշանակություններից, հմտ. 1. Նք. Դրամով կամ որևէ այլ բանով հասուցել մի բան, որպես մի բանի հասուցում դրամ կամ այլ արժեք տալ: 2. Վարձատրել, աշխատանքի՝ ծառայության համար որոշակի վարձ տալ: 4. Դրամ կամ այլ արժեքներ տալով որոշակի պարտավորություններ կատարել և այլն» (ԱՀԲԲ, էջ 1395):

Ամպ գոյականը ժամանակակից հայերենում իմաստի ընդլայնմամբ, բացի «1. Մընոլորտի մեջ խոացած գոլորշիների զանգված: 2. Օդի մեջ բարձրացած ամպանման զանգված» (ԱՀԲԲ, էջ 34) նշանակություններից, ձեռք է բերել ևս երեք իմաստներ («3. փիլր. Սուայություն, տիրություն: 4. փիլր. Արհավիրք: 5. փիլր. Որևէ չարիքի վտանգ՝ սպառնալիք»), որոնք դըրսնորվել են ամպել բայի իմաստային զարգացման մեջ: Ամպել բայը արդի հայերենում, «1. Ամպեր կուտակվել երկնքում, ամպերով ծածկվել, ամպակալել» նշանակությունից բացի, ունի նաև «2. փիլր. Վատ տրամադրության մեջ լինել, տիրել, մոայլվել: 3. Չարիքի վտանգ՝ սպառնալիք առաջանալ» իմաստները (ԱՀԲԲ, էջ 35):

Լուծ նախատիպ գոյականի զրաբարյան իմաստներից 3-ը պահպանվել են բարբառներում (ԱՀԲԲ-«3. զվո. Կշեռքի թաթ, նժար: 4. զվո. Օրորոցի երկայնքով ձգված ձողը, որ իրար է միացնում աղեղները: 5 զվո. Զիրահանքի քթոցների երկար փայտը»), կորցրել է «Կշիռ կենդանակերպն» նշանակությունը, ինչպես նաև ձեռք է բերել նոր իմաստներ, որոնք զերազանցապես փոխաբերական նշանակություն ունեն<sup>118</sup>: Լծել բայը կորցրել է «Կապակցել, զուգել, յարել ընդ միմեանս զինչ և է

<sup>118</sup> «6. փիլր. Մեկի վրա դժվարին և ոչ հաճելի պարտականություն՝ գործ: 7. փիլր. Օտարի տիրապետություն: 8. փիլր. Ճնշում, բոնություն, կեղերում....» (ԱՀԲԲ, էջ 542):

իրս» իմաստները և ձեռք է բերել «4. փիսր. Մի զործով ծանրաբեռնել, որևէ զործ՝ պարտականություն ևն մեկի վրա դնել» նշանակությունը (ԱՀԲԲ, էջ 532), որ առնչվում է լուծ զոյականի «6. փիսր. Մեկի վրա դժվարին և ոչ հաճելի պարտականություն՝ զործ» իմաստին: Իսկ «քեր. Կցել տառ ընդ տառ կամ դնել ի տեղի իրերաց՝ մանաւանդ ի լծորդութեան բայից առ յոյնս» (ԱՀԲ, հ. 1, էջ 890) գրաբարյան իմաստները արդի հայերենում անցել են լծորդել բային:

Գրաբարից ավանդված նախատիպ գոյականների և նոյնահիմք բայերի իմաստային քննությունը ցույց տվեց, որ գոյականակազմ բայերը և նախատիպ գոյականները կարող են ունենալ իմաստային առանձին զարգացումներ, ինչպես՝ ազդել, լարել, գնել, կարգել և այլն, գոյականակազմ բայի իմաստային զարգացումը կարող է պայմանավորված լինել նաև նախատիպի իմաստային զարգացմամբ, ինչպես՝ գուշակել, ամպել, լծել և այլն:

Sargsyan Luiza- Semantic Changes in the System of Denominative Verbs-. The research showed that the semantic development of the verb may be conditioned by the semantic development of its prototype, like գուշակել, ամպել, լծել etc. In some cases the verbs develop in a different way, like ազդել, լարել, գնել, կարգել and so on.

Саргсян Луиза- Семантические изменения глаголов, образованных от существительных.- Исследование показывает, что развитие значений глаголов, образованных от существительных, может быть результатом семантического развития простых слов, как գուշակել, ամպել. В некоторых случаях значения глаголов, образованных от существительных, имеют разные развития, как ազդել, զանձել и т.е.

ՀՆՉՅՈՒՆԱՓՈԽԱԿԱՆ ՄԻ ՔԱՆԻ ԵՐԵՎՈՒՅԹՆԵՐ  
ԵՐԵՎԱՆԻ ԽՈՍԱԿՑԱԿԱՆ ԼԵԶՎՈՒՄ<sup>119</sup>

Խոսակցական լեզուն ամենից առաջ կենդանի լեզու է և շատ կողմերով անհատական: Անհատական խոսքն ունի ոչ միայն սոցիալական, այլև տարիքային բնույթ: Հասարակության ավելի փոքր տարիքի անձինք, ինչպես նաև կրթություն չունեցողները փորձում են նմանակել հասարակության ընդունած արտասանությունը՝ նպատակ ունենալով շտարբերվել մյուսներից, երևալ ավելի կիրթ և ընդունված լեզվին տիրապետող:

Խոսողը, համապատասխան իր ընտրած բառերի, արտասանած հնչյունների, իրեն տեսնում է սոցիալական որոշակի աստիճանի վրա: Հասարակական տարբեր խավերի խոսքում, կապված գրագիտության աստիճանից, մասնագիտությունից և այլ հանգամանքներից, տեղի են ունենում արտասանական, այսինքն՝ հնչյունական խաթարումներ, որոնք կարող են ընդհանուր լինել:

Երևանի խոսակցական լեզուն կարելի է բնութագրել մի շարք հնչյունական-արտասանական առանձնահատկություններով:

Խոսակիցների անմիջական շփման ժամանակ կարող է տեղի ունենալ որոշ հնչյունների թուլացում կամ սղում, հնչյունների հավելում, դրափոխություն, տարնմանում: Արտասանությունը փոփոխվում է հնչյունների քմայնացումից, Երևա-

<sup>119</sup> Հետազոտությունն իրականացվել է ՀՀ ԿԳՆ ԳՊԿ-ի կողմից տրամադրվող ֆինանսական աջակցության շնորհիվ՝ 13YR-6B0006 «Երևանի խոսակցական լեզուն» գիտական թեմայի շրջանակներում:

Նի խոսակցական լեզվում գործող բարբառային և օտար արտասանություններից:

Սակայն խոսակիցների անմիջական շփման ժամանակ երևան եկող այս կարգի երևույթները չեն խանգարում խոսքը ընկալելուն: Խոսակիցների անմիջական հաղորդակցումը, իրադրության իմացությունը հնարավորություն են ընձեռում խոսակիցներին առանց դժվարության հասկանալ միմյանց:

Խոսակիցների անկաշկանդ շփման ժամանակ, երբ խոսքը չի վերահսկվում առավել շատ են ի հայտ գալիս արտասանական կանոնական վիճակից շեղումներ:

Խոսակցական լեզվում լայն տարածում ունի հնչյունների հավելումը, ինչպես՝ *ավելորդ-ավելնորդ*, *կանաչ-կանանչ*, *կանացի-կանանցի*, *մանրուք-մանրունք*, *ճանաչել-ճանանչել*, *ամաչել-ամանչել*, *անձեռոցիկ-անձեռնոցիկ*, արտասուրարտասունք, *ընձեռել-ընձեռնել*, *մեծ-մենձ*, *ծանր-ծանդր*, *մանր-մանդր*, *սանր-սանդր*, *խելոք-խելոնք*, *բացակայել-բացակայվել* և այլն:

Հնչյունների սղումը պայմանավորված է խոսակիցների իրար լավ ճանաչելով, խոսքի արագ տեմպով: Խոսակցական լեզվում բաղաձայնների սղում ավելի քիչ է հանդիպում, քան ձայնավորների սղում: Հատկապես առավել հաճախական բառերում տեղի է ունենում ձայնավորների լիակատար սղում, ինչպես՝ *ցտեսություն-(ցրտէսցյուն)*, *շնորհակալություն-(շնօրակալցյուն)*:

Հանդիսավոր իրավիճակներում առկա է ինքնահսկումը, խոսդր հսկում է իր խոսքը: Այս պայմաններում արդեն բառերը արտաքերվում են ավելի խնամքով:

Զայնավորների անկումը հիմնականում հետևանք է կից վանկերի նույնանման ձայնավորների: Զայնավորներից կամ վանկերից մեկը սղում է, ինչպես՝ *ուսուցանոց-(ուսչանօց)*, *զնահատական-(զնհատական)*, խոսակցություն-(խօսակցյուն), որովհետև-(որտէվ):

Խոսակցական լեզվին բնորոշ են գաղտնավանկ ը-ի հավելումները: Գաղտնավանկ ը-ի արտասանությունը խոսակցական լեզվում ազատ է: Բաղաձայնների կուտակման դեպքում դրանց միջև հնչում է ը-ն, սակայն կան բառեր, որոնք արտասանելիս ը-ն սիալ դիրքում արտաքերելը հանգեցնում է սիսալի: Ինչպես՝ կրթ(ը)վել, համալ(ը)սարան, ծածկ(ը)վել, քրտ(ը)նել, տանջ(ը)վել, աստ(ը)ված, խրտ(ը)նել, քնք(ը)շորեն, սարք(ը)վել, վերց(ը)նել, հաշտ(ը)վել, նաև՝ Մին(ը)սկ, Օմ(ը)սկ:

Ը-ի հավելումներ հանդիպում են նաև բառավերջում, որն ուղղախոսական շեղում է, ինչպես՝ վեց(ը) հատ, յոթ(ը) տեսր, մութ(ը) տեղ, կազմ(ը) պատրաստ, թարմ(ը) հաց, քո մոտ(ը):

Խոսակցական լեզվում անկաշկանդ խոսելիս արագ տեմպի ընթացքում բաղաձայնները ավելի թույլ և անհստակ են արտասանվում: Այսպիսի դեպքերում որոշ բաղաձայններ սրդվում են, չեն հնչում: Ամենից բնորոշը հ-ի անկումն է: Հ-ն իր բնույթով շունչ է, հազար և որպես այդպիսին կարող է հեշտությամբ ավելանալ և ընկնել որոշ դիրքերում<sup>120</sup>: Հ հնյունի անկումը՝ հատկապես ր-ից հետո դարձել է արտասանական նորմ, ինչպես՝ խոնարհ, ճանապարհ: Խոսակցական լեզվում հ-ի անկումը տարածվում է ավելի մեծ թվով բառերի վրա, ինչպես՝ խորհուրդ-(խորուրդ), շնորհով-(շնորրով), Հովհաննես-(Հովաննես), ընդհակառակը-(ընդակառակ), անընդհատ-(անընդառ) և այլն: Խոսակցական լեզվում հ-ի անկում նկատվում է որոշ կապակցություններում, ինչպես՝ վեց հոգով-(վեցօրով), երկու հարյուր(երկուարյուր), մի հատ(միատ), նրա համար(նրա ամար): Բանավոր խոսքում հ-ի անկում նկատվում է նաև ուկի վերջանցում, ինչպես՝ ընկերուհի-(ընկերուի), գործավարուհի-(գործավարուի), բժշկուհի-(բժշկուի): Բանավոր խոսքին բնորոշ է նաև բառավերջի հ-ի անկումը, ինչպես՝

<sup>120</sup> Թ. Ղարագույան, Ժամանակակից հայերենի ուղղախոսությունը, Ե., 1974, էջ 203:

նախագա(հ)-նախագան, հաշվապա(հ)-հաշվապան, հերթապա(հ)- հերթապան: Արտասանական այս սխալի մասին բավականին խոսվել է և' մամուլում, և' հեռուստատեսությամբ: Սակայն այն լայնորեն տարածվել է տարիքային փոքր, կրթական ավելի ցածր մակարդակ ունեցող անձանց շրջանում:

Խոսակցական լեզվում նկատելի է նաև հ-ի հավելում, որը զայիս է բարբառներից՝ ելնել-(հ)ելնել, ունը-(հ)ունը, (հ)ընգեր:

Շատ դեպքերում սղվում է նաև դ-ն, որը հատուկ է կըրթական ցածր մակարդակ ունեցող երևանցիներին, տարիքային փոքր խմբերին, ովքեր փորձում են արտասանությունը ընդօրինակել՝ իրենց <<ուժեղ>> ընկերներից հետ շմալու համար: Ինչպես՝ էս կողմ-(էս կոմ, էն կոմ), այս, այդ, այն դերանուններով կազմված բառերում՝ էստեղ, էդտեղ, էնտեղ(ըստէ, ըտէ, ընդէ), (ըստէից, ըտէից, ընդէից կամ՝ ըստից, ըտից, ընդից):

Բաղաձայններից անկայունն է նաև թ-ն, որը բառամիջում որոշ դեպքերում կարող է չհնչել, ինչպես՝ դուրս եկավ-(դուս էկավ), տղերդ-(տղէր), երբ որ-Շէփօր), բարձրանալ, բարձրություն(բարցանալ, բարցություն):

Խոսակցական լեզվում թ-ի անկում է նկատվում հրամայական եղանակի բառավերջի դիրքում՝ խոսի' (փիս. խոսի'ր), հիշի' (փիս. հիշի'ր), չափի' (չափի'ր), զրի' (փիս. զրի'ր), թափի' (փիս. թափի'ր), մոտեցի' (փիս. մոտեցի'ր), բարձրացի' (փիս. բարձրացի'ր): Այս երևույթը լայնորեն տարածված է բանավոր խոսքում:

Բաղաձայնների անկում նկատվում է կրկնակ բաղաձայն ունեցող բառերում: Հնչում է միայն մեկ բաղաձայն, ինչպես՝ մրրիկ-մ(ր)իկ, ընդդեմ-ըն(դ)իմ, տարրական-տա(ր)ական, նոյյան-նո(յ)ան, բովլած-բո(վ)ած: Կրկնակ բաղաձայն ունեցող փոխառյալ բառերում նույնպես հնչում է մեկ բաղաձայն, ինչպես՝ մասս (փիս. մասս), վիլա (փիս. վիլլա), բուղա (փիս. Բուղդա): Բաղաձայնի անկում առկա է բայերում՝ բառավերջում, ինչպես՝ չի'զալի(ս), չի'տալի(ս), չի'արե(լ), չի'կերե(լ), չի'

տվել), չի' բերել), չի' հարցրել։ Ս-ի և լ-ի անկումով արտասանությունը լայն տարածում ունի բանավոր լեզվում։

Ույժ, ույշ, ույծ հնյունակապակցություններով ավարտվող բառերում նկատվում է յ-ի անկում, ինչպես՝ ակնարույժ-(ակնարուժ), զգույշ-(զգուշ), տույժ-(տուժ), մեղվարույժ-(մեղվարուժ)։ Այս երևույթը նույնպես բանավոր լեզվում լայն տարածում ունի։ Առանց յ-ի արտասանությունը այնքան է արմատացել, որ արդեն հիմնարկներում են այդպես գրում՝ ատամնարույժ-(ատամնարուժ), մանկարույժ-(մանկարուժ)։

Բաղաձայնը չի արտասանվում նաև, եթե բառի մեջ կից հնյուններն արտասանելը դժվարանում է։ Ժ-շ բաղաձայնները հնչեղությամբ մոտ են, տարբերվում են ձայնի պարունակությամբ, Ժ-ն ձայնեղ է, Չ-ն՝ խուլ։ Այս երկու բաղաձայնները հանդիպելիս հնյուններից մեկը հաճախ սղվում է՝ երաժշտություն-երա(շ)տություն, բժշկություն-բ(շ)կություն։

Անկում է նկատվում, եթե հանդիպում են արտասանության նույն դիրքն ունեցող հնյուններ, որպեսզի բառը զ-ի անկումով արտասանվում է (որպէսի), ս-ի անկումով՝ որպէզի, կա նաև զ-ի տեական արտասանությամբ որպէզզի հնչմամբ տարբերակ, լայն տարածում է զտել նաև որպիսի ձևը։

Դժվարությամբ են արտասանվում տչ, տճ, դտ կից հնյուններով բառերը, խոսքի արագ տեմպի ժամանակ, նաև չիմացության պատճառով, տ-ն թուլանալով չի հնչում, ինչպես՝ մաշելի (փիս. մատչելի), Մկրցյան (փիս. Մկրտչյան), պաճառ (փիս. պատճառ), պաճէ (փիս. պատճեն)։

Խոսակցական լեզվում շատ տարածված է հնյունների դրափոխությունը, ինչպես՝ համփյուր (փիս. համբույր), ձույն (փիս. ձյուն), հույր (փիս. հյուր), հույթ (փիս. հյութ), զոնքաչ (փիս. զոքանչ), կարմունջ (փիս. կամուրջ), դարդակ (փիս. դատարկ), բախչել (փիս. բաշխել)։ Արանք նաև բարբառային ձևեր են։

Բանավոր լեզվում տարնմանության հետևանքով տարածված է շրթնայիններից (բ, պ, փ) առաջ և ատամնային հնչումը։ Այս երևույթի առաջացման հիմնական պատճառն այն

է, որ շրբնայիններից առաջ (բ, պ, փ) և մ, և ոնզայինների շրբնայնության և ատամնայնության հատկանիշները էական չեն, հնչույթաբանական անլյունից տվյալ դիրքում այդ հատկանիշները որևէ դեր չեն կատարում, իմաստազատիչ նշանակություն չունեն:Տեղի է ունենում տարնմանում ըստ հնչունների արտաքերման տեղի, ինչպես՝ *ամփոփում-(անփոփում), ամբիոն-* (անբիոն), *ամբարիշտ-(անբարիշտ), Սմբատ-(Սնբատ), շամփուր-(շանփուր), ապստամբ-(ապստանբ), ամբաստանյալ-(անբաստանյալ), ամբիոն-(անբիոն):*

Բառի մեջ, երբ հանդիպում են ն-ն և բ, պ, փ պայթականները, ն-ն հնչում է մ, ինչպես՝ *անպայման-(ամպայման), անփույթ-(ամփույթ), անպատշաճ-(ամպատշաճ):*

Խոսակցական լեզվում, հատկապես փոխառյալ բառերում, ն և մ հնչունների չեզոքացում է դիտվում վ և ֆ բաղաձայնից առաջ: Մվ-ն և մֆ-ն տարնմանությամբ հաճախ հնչվում են (նվ) և (նֆ), ինչպես՝ *ամֆիթատրոն-(անֆիթատրոն), սիմֆոնիա-(սինֆոնիա):*

Հայերենին բնորոշ է բաղաձայնների կոշտ արտասանությունը: Խոսակցական լեզվում, երբ բաղաձայնները յ կիսաձայնից առաջ են, ապա նախորդող բաղաձայնները մասամբ քմայնանում են: Խոսակցական լեզվում շատ տարածված է ուժեղ քմայնացումով արտասանությունը:

Դ, տ, թ հնչունները յ կիսաձայնից առաջ զգալիորեն քմայնացած են հնչում, ինչպես՝ *մա(ծյ)ան, պա(ծյ)ան, հավի(ծյ)-ան, առավո(ծյ)ան, ար(gj)որ, ար(gj)ունավետ, բր(gj)ա, արևմ(ծյ)ան, Վարապէ(ծյ)ան, Բազրա(ծյ)ան, Գալս(ծյ)ան և այլն: Շատ տարածված է -ություն ածանցի մեջ թ-ի ուժեղ քմայնացումը, ինչպես՝ *մաքրու(gj)ուն, զժու(gj)ուն, զրու(gj)ուն, հաջողու(gj)ուն, առողջու(gj)ուն լավու(gj)ուն և այլն:* Այս օրինակներում թ-ն հնչում է որպես ց:*

Դ, տ, թ-ի քմայնացած հնչում հանդիպում է ինչպես ազատ, անկաշկանդ շիման ժամանակ, այնպես էլ հրապարակային խոսքում: Խոսակցական լեզվում այնպես է արմատացել

այս հնչունների քմայնացած արտասանությունը, որ, օրինակ, - ություն ածանցում թյ արտասանությունը խորթ է հնչում:

Քմայնանում է նաև - երորդ բաղադրիչից առաջ դասական թվականների թ հնչունը. նախորդող թ հնչունը քմայնանալով հնչում է ց, ինչպես յո(ց)երորդ, ու(ց)երորդ:

Ի, և ձայնավորներից առաջ դ-ն, տ-ն քմայնանում են՝ դ-ն՝ ձ-ի, տ-ն՝ ծ-ի նման, ինչպես՝ ար(ձ)իական, դաս(ծի)արակ, ինս(ծի)տուտ, (*Ծի*)գրան, (*ծի*)տան, Ավե(ծի)սյան և այլն: Այսպիսի քմայնացած արտասանություն է առկա ոռւսերենից փոխառյալ բառերում: Խոսակցական լեզվում ոռւսերենի ազդեցությամբ փոխառյալ բառերի դ-ն, տ-ն, թ-ն հնչում են ուժեղ քմայնացումով՝ որպես ձ, ծ, ց, ինչպես՝ (*ձի*)պլու, (*ծի*)ետա, ակա(ձ)եմիա, (*ծէ*)խնիկա, կրեա(ծ)իկ, նոկ(ծ)յու(ո)ն, մա(ծ)երիա, պ(ո)ակ(ծ)իկա, ֆակուլ(ծ)ետ, սան(ծ)իմետր, տո(ոծ)իկ և այլն: Փոխառյալ բառերում դ, տ հնչուններին հաջորդող իա, իո, իու, եա ձայնավորական զուգորդումները վերածվում են յա, յո, յու, յա երկինչունների՝ դ-ի, տ-ի քմայնացումով, ինչպես՝ մեղիամե(ձյա), կոմեղիա-կոմե(ձյա), դեմոկրատիա-դեմոկրա(ձյա) ուադիո-ոա(ձյո), ստադիոն-ստա(ձյո)ն, ոադիում-ոա(ձյու)մ, իդեալ-ի(ձյա)լ և այլն:

Շատ տարածված է նաև օտար անձնանունների դ, տ հնչունների քմայնացած արտասանությունը, ինչպես՝ Վալու(ձ)յա, (*Ձ*)իանա, Նա(ձ)յա, Ար(ծ)յու, Կա(ծ)յա, Տա(ծ)յանա, (*Ձ*)իմա, Վի(ծ)յա և այլն:

Ոռւսերենի ազդեցությամբ տ-ից, դ-ից բացի նկատվում է այլ հնչունների քմայնացում, ինչպես՝ մա(ն')երա, (*ն'*)երվեր, շա(ն')իկ: Փոխառյալ բառերում փափուկ լ-ն ոռւսերենի նմանությամբ ևս հնչում է փափուկ լ-ով, ինչպես՝ ֆի(լ'մ, մու(լ')տ, վա(լ')ս, ֆա(լ')շ, սո(լ')ֆեզոն և այլն:

Ոռւսերենի փափուկ նշանով (մյակու շնակ) բառերը, թեև հայերենում գրվում են իե, իո ձայնավորներով, ասկայն հնչում են յե, յո, ինչպես՝ կարիերա-կար(յե)րա, պրեմիերա-պրեմ(յե)-

րա, ոել(յե)ֆ, ինտեր(յե)ր և այլն: Այս բառերում յ կիսաձայնին նախորդող բաղաձայնները հնչում են փափուկ:

Եթե օտար բառը ներթափանցել է հայոց լեզվի բառային հիմնական ֆոնդ, մերվել է լեզվին և յուրացվել ժողովրդի կողմից, ապա այդպիսի բառերը պետք է արտասանվեն հայերենի արտասանական օրինաչափություններով:

Ներկայիս խոսակցական լեզուն, ինչպես նկատելի է, զերծ չէ երկլեզվության հարուցած դժվարություններից, անհարմարություններից: Այսպես, խոսակցական լեզվում երևանցիները արտահայտվում են՝ շարունակ խառնելով հայերենը և ոռուսերենը: Վերջին տարիներին այս ամենին գումարվել է նաև անգլերեն բառեր գործածելը, և այն հաղթահարելը դժվարություններ է հարուցում: Խոսակցական լեզվում առկա են ոռուսերենից և անգլերենից հայերենին անցած բառեր, որոնց արտասանությունը նույնն է, ինչ այդ լեզուներինը: Եթե այլ լեզուների արտասանությունը իրենց համար բնական է, ապա հայերենի համար դառնում է արհեստական:

Կարևոր նշանակություն ունեն նաև հեռուստատեսությունը, ռադիոն, որոնք ել, թերևս, ամենից առաջ կոչված են ստեղծելու խոսքի մշակույթ, մշակելու խոսքային դաստիարակություն, պահպանելու հայերենին բնորոշ արտասանական ավանդույթներ: Սակայն, ցավոք, այդպես չէ, և եթերից հնչող խոսքն ավելի է ամրապնդում հնչունական սխալները:

Kartashyan Anahit - Several Phonetic Changes in the Colloquial Language of Yerevan. - The colloquial language of Yerevan can be characterized by a set of phonetic-pronunciation peculiarities. During a direct communication between interlocutors a drop, addition of sounds in the utterance may occur. The pronunciation changes because of the palatalization of sounds, due to dialectic and foreign pronunciation patterns appearing in colloquial language of Yerevan.

Карташян Аннаит - Некоторые фонетические изменения в разговорном языке Еревана. -Разговорный язык Еревана можно охарак-

теризовать рядом фонетически-произносимых особенностей. Во время непосредственного общения собеседников может произойти выпадение некоторых звуков, прибавление звуков. Произношение меняется вследствие палатализации звуков из-за действующего в разговорной речи Еревана диалектного и иноязычного произношения.

Երիտասարդ լեզվաբանների  
հանրապետական IV գիտաժողովի գեկուցումներ  
(Երևան, 2014 թ., հոկտեմբերի 1-2)

**INSTITUTE OF LINGUISTICS OF NAS OF RA**

**Young Linguists' IV Republican Conference Reports**  
(Yerevan, 2014, October 1-2)

**ИНСТИТУТ ЯЗЫКА ИМ. Р. АЧАРЯНА НАН РА**

**Доклады IV республиканской научной конференции  
молодых лингвистов**  
(Ереван, 2014 г., 1-2 октября)



Տպագրված է «ԱՍՈՂԻԿ» իրատարակչության տպարանում:  
Ք. Երևան, Սայաթ-Նովա 24, (գրասենյակ)  
Ավան, Դավիթ Մալյան 45 (տպարան)  
Հեռ. (374 10) 54 49 82, 62 38 63  
Էլ. փոստ՝ [info@asoghik.am](mailto:info@asoghik.am)

ԳԱԱ Հիմնարար Գիտ. Գրադ.



FL0335110

A  $\pi$   
100422